



110383

110385

MUSICÆ

Natura a perpetuorum differentibus  
et similibus absonet. 176.

Inter gratias et acribus sensus numerorum  
a se invicem differentibus nec delecta  
propter hoc nec acribus conuenientibus sensus  
natura est. Ibidem. 176

Sanctissimi minus ponit Bar  
Grimmum in numeris 24  
25 que sunt contracti ex  
Pythagorae numeris 243  
et 256 quam proxime ad  
verum. Vide Ciceronem in libro  
de Vniuersitate.

Aristoxenus Tarentinus infans,  
impolitus, seculo ablitus adipe  
Thucydem et Platonem imperitis  
damnavit. E Plutarcho.

Bartholomaeus Rennis Hispanus

folio 32

Ex scala Diatonica veteri

1 2. Diapason

2 3 Diapente

3 4 Diatessaron

8 9 Tonus

9 16 Semitonius cum Diapente

16 27 Tonus cum Diapente

27 32 Semitonius

64 81 Tritonus

81 128 Semitonius cum Diapente

128 243 Tritonus cum Diapente

243 256 Semitonium minus

512 729 Tritonus

729 1024 Semidiapente

2048 2187 Semitonium magis

2187 4096 Semidiapason




Sed et Allys madij apthymus edis  
Vx cui Clara singul et y canova pthij

Sed et Bessie bonij cui pthij ant vna  
Et pthij petando nax hix nax dypart nax

191. 191. 191.

Antes. 19.





et Voces  
obliquas plurimas septem differunt vocem  
Quod septem die sex tamen referunt.



*Exercitatio*

M V S I C A  
T E R T I A

SETHI CALVISII

De præcipuis quibusdam in  
arte Musicâ quæstionibus, quibus præci-  
pua ejus Theoremata continentur;

*instituta*

*ad*

Clarissimum Virum

HIPPOLYTUM HUBMEI-  
ERUM Poëtam Laureatum & Pedagogi-  
archam Geranum.




L I P S I Æ

Impensis Thomæ Schüreri

Michaël Lantzenberger excudebat


ANNO M. DC. XI.




110385  
I



Ex



qua  
in c  
citi  
for  
ped  
fun  
cum  
illo  
for  
zum  
num  
reut  
Sed  
tur  
ab a



## Exercitationis Musicae tertiæ

Procœmium, ad CL. V. Hippoly-  
tum Hubmeierum.

**Q**uantum utilitatis, Clarif-  
sime Vir, in rempub. literariam ex  
disputationibus de præcipuis in-  
quavis arte institutis questionibus redundet,  
in confesso est. Nam illa disputationum exer-  
citia non tantum studiosam juventutem, si  
fortasse aut pudore quodam subreptico im-  
peditur, & ea, quæ apud animum meditata  
sunt, intra se tantum continet, nec in publi-  
cum proferre audet, animant, & à pudore  
illo vindicant. & exsolvunt: aut etiam, si  
fortassis persuasione alicujus eruditionis in-  
tumescere incipit, aliosq. contemnit, ei fre-  
num injiciunt, ut modestius de se sentire, &  
rectius de rebus judicare discant, instruunt:  
Sed etiam ipsæ res ipsæ & artes excolun-  
tur, & si quæ vel obscurius, vel rarius etiam  
ab aliquibus tradita sunt, limantur, corri-  
guntur



guntur, excoluntur, & ad sui perfectionem tandem deducuntur. Quapropter, cum hisce nundinis Paschalibus fortè inciderem in binas tuas decades disputationum, Quaestionum illustrium Philosophicarum, in quibus ex universa Philosophia quaestiones Metaphysica, Physica, Mathematica, Musica Ethica, Politica, Historica, Logica, Rhetorica, Poëtica, Grammatica &c. proponuntur & disceptantur, non parùm gratulatus sum nobis de hac felicitate temporum, quibus omnes artes quasi reviviscunt, studiosissimè excoluntur & perficiuntur: Sed in primis tamen placuit mihi quòd quaestiones Musicas insertas vidi, id quod nunquam antè hanc eà industrià factum esse existimo, & te primum esse judico, qui Musicas disputationes in scenam producere & ejus fundamenta excutere volueris. Nec dubito; si hujusmodi mos de Musicis etiam rebus disputandi invaluerit, quin hujus aevi Musica, olim in organis Pneumaticis tum temporis rudissimis & simplicissimis inventa, in aulis Principum inter homines ab omni ferè elegantì doctrinà imparatos utcumq; exulta.,  
 & tan-

Et tandem in scholas recepta, ad sui perfectionem deduci poterit.

Et si autem statim in tuis disputationibus apparet, te non admodum in Musicorum, præstantiorum scriptis versatum esse, fundamenta hujus artis non satis cernere, & ipsædem relictis tantum quorundam auctoritates sequi; putabam tamen crebra in hoc præstantissimo studio exercitia & tempus etiam, hæc aliquando limatura & correctura, & cum alias satis habeam, quod agam, statuebam hanc palestram Academicis & Philosophis, qui & otio abundant, & propter insignem eruditionem acutiùs universam hoc studio conquirere & discernere possunt, relinquendam: mihi verò quiescendum, & quid aliq̃ amplius in hac præstantissima, arte scripturi sint, considerandum. At verò cum in questione quarta, disputatione octavâ decadis secunde, quod vidi tandem, cum eò legendo pervenissem, nominatim me accusēs & novitatis temerariæ & odiosæ: & quòd temerè artium præcepta convellam, & mutationes affectem, quæ non sint alicujus momenti, sed quæ tantum colere quoddam

alio leviter mutato & potius fucato idem  
 asserant : Et ego , etsi illas voces Musicales  
 Bo, ce, di, ga, lo, ma, ni, de quibus ibi agis, à  
 Belgis quidem inventas & Musica accom-  
 modatas dixerim : nunquam tamen eas in  
 Scholas recipiendas censuerim , dixerim vel  
 scripserim , atq; ita temeraria & odiosa no-  
 vitatis , aut quòd præcepta artium temerè  
 convellam & mutationes affectem , meritò  
 accusari non possim , quiescendum mihi am-  
 pliùs non putavi, tum ne sitacerem obnoxi-  
 us crimini hujus crederer , quod esset homi-  
 nis suam famam negligentis, quæ tamen vi-  
 tia equiparanda est : tum etiam quòd Musi-  
 ca artis causâ mihi salarium constitutum  
 est , ut eam exerceam, excolam , & alios in  
 eâdem erudiam . Ut igitur & conscientia  
 & officio meo satisfaciam , statui de ysdem  
 questionibus , de quibus in disputationibus  
 tuis agis , meam etiam sententiam proferre,  
 & quid veri falsive curvis insit , modestè &  
 sine acerbitate simplici dictionis genere dis-  
 quirere , atq; ita studiosam juventutem ,  
 quantum in me est , in hisce rectius informa-  
 re . Tibi etiam mea hac exercitatio ingrata  
 esse



esse non debet, ut qui lectorem in tuis Jam-  
bis primæ decadi disputationum præfixis, ad  
hanc operam præstandam humaniter invi-  
tas, quando inter alia dicis:

Quæ vera sunt, his annue,  
Exactiora condoce.  
Nec falsa mi, nec impia  
Placent &c.

Quamobrem statim ad tuas questiones ex-  
plicandas accedamus.

Questiones tuæ de Musica, ut ex indice  
apparet, hæ sunt:

1. Quodnam sit subjectum Musices.
2. An sit ars Musica, an scientia.
3. An Musica unâ die possit addisci.
4. An ergo unâ die quis instrui possit, ut  
rectè canat.
5. An sex an septem sint voces Musicales.
6. Unde petenda sit ratio signandarum  
cantonum. (lis.)
7. An eadem sit ratio cantûs duri & mol-
8. An Musica cum Oratoria convenienti-  
am habeat, & quomodo.
9. De Musices cum Oratoria convenientia  
in specie. (iterum;
10. De Musices cum Oratoria convenientia
11. An Musicus Oratorem, an hic illum  
magis juvet.

12. Ultra consonantiarum sit perfectior.
13. An Modi Musici rectè definiantur.
14. An octo tonis omnis cantus absolvatur.
15. An secunda novem, an pluribus constet commatis.
16. An vulgaris octo modorum agnitio sufficiens sit.
17. An semitonium minus rectè dividatur in naturale & fictum.
18. Quomodo semitonium majus & minus constituatur & distinguatur.
19. De septem vocibus Musicalibus bo, ce, di, ga, lo, ma, ni.
20. De definitione Musicæ.
21. De Musices distributione.

*Hasce easdem questiones eodem ordine, quo sese in tuis disputationibus consequuntur, explicabimus, paucas tamen quasdam, qua ejusdem materie sunt, & à te separatim proponuntur, brevitatis gratiâ conjungemus.*

### *De prima questione.*

*Quodnam sit subiectum Musicæ.*

**R***espondes in questione nona decadis prima, Musica subiectum esse non so-*

**FINIS**

num simplicem, quem Physicus naturaliter ex causis producit, sed sonum numeratum. Idq; probas 1. quod Musica constet sonis & numeris. 2. quod sonus in Musicis non sit solus, sed cum alio, quod absq; numerorum doctrina fieri non possit. 3. quod experientia testetur, sonum & numerum in Musicis conjungi debere.

Valdè infirmo & lubrico fundamento insistere videris Hubmeiere. Nam si ex te quesivero, à quo tandem suum subjectum, sonum scilicet numeratum Musica accipiat, an à Physico, an ab Arithmetico, quidnam respondebis? A Physico accipere non potest, cum is sonum simpliciter ex causis consideret; nec ab Arithmetico, qui numerantem numerum, non numeratum respicit; nec ab utroq; simul, peculiarem enim artificem esse, necesse esset, qui sonis numeros adderet, qui sonum illum numeraret & numeratum tandem Musico offerret. Aut igitur jam aliam artem aliquam, que nunquam in rerum natura fuit, tibi excogitare necesse est, qui illum sonum numeret: aut statuendum Musicum sibi ipsi suum subjectum fabrica-



ri. At verò subjectum nullâ ratione in sua scientia demonstrari potest, teste te ipso quaestione nonâ disputationis secunda, decadis prima, Ergo nec Musicus sibi subjectum efformat, atq. ita subjectum Musica sonus numeratus esse non potest, 2. Omne subjectum debet esse extra id, cuius est subjectum, & reipsa ab eodem distingui, teste te ipso, ibidem, At sonus numeratus non est extra Musicam, nec ab ea reipsa distinguitur, est enim pars Musica, vel scilicet sonus continuatus, vel intervallum, illud ratione longitudinis, hoc ratione latitudinis. 3. Omne subjectum potest esse absq. suo adjuncto, teste te ipso. Sed sonus numeratus non est absq. Musica, non enim fieri potest absq. Musica. Ergo non est ejus subjectum.

Vides ex hisce, te non satis certò de subjecto Musices pronunciasse. At inquires, quid tu tandem de eo censes? Respondeo, subjectum Musices ex effectis Musici eruendum esse, quibus datis, non difficile futurum, perspicere, in qua re illæ actiones perficiantur. Actiones autem Musici sunt, non tantum fringere Harmoniam vel cantilenam & ean-

dem modulari: Sed in primis sonos ipsos  
 muscos, minutos & magnos, primos & à  
 primis ortos, consonos & dissonos, sim-  
 plices & conjunctos; unius proportionis &  
 plurium, in veris suis proportionibus adhi-  
 bito aliquo instrumento cognoscere, dijudi-  
 care, discernere, conjungere, separare, con-  
 parare, concordiam eorundem & discordiam  
 animadvertere, progressum convenientem  
 cernere, aliis monstrare, & rationem varia-  
 tionis eorundem reddere posse. Hæc si quis  
 præstiterit, illum verè Musicum appellari  
 posse censeo. Ex hisce jam videre est, quod-  
 nam sit subiectum Musices, non videlicet so-  
 nus numeratus, qui fortassè Melopæus &  
 Cantoribus non malè quadraret, si simplici-  
 ter Musici hi vocari possent, at ex parte tan-  
 tùm hi ad hujus modi nomen admittuntur.  
 Aliud igitur subiectum statuendum, quod  
 universale sit & omnibus partibus Musica  
 cōveniat, quod est, sonus numero aestima-  
 bilis. Musica enim ex natura rerum sonuū  
 sibi tractandum sumit, qui est materia in-  
 tervallorum, modulationis & Harmonia, &  
 deinde ejus soni non tantùm partes dinume-  
 rat:

rat: sed etiam partium illarum analogiam  
 explicat & declarat. Diuumeratio autē illa  
 soni perficitur, quando sonus in instrumento  
 aliquo Musico, quod mensuram commodam  
 admittit, producitur in actum, & adhibet  
 proportionum doctrinā in mensuris nume-  
 ratur & dijudicatur. Nulla enim ars con-  
 stitui potest, nisi quæ constet regulis definitis  
 & certis; certitudo autem absq. mensura  
 in mathematicis nulla est, & mensura non  
 nisi rei corporeæ applicari potest: ideo neces-  
 se est, ut illud instrumentum, quo sonus in  
 actum producitur, hac ratione formatum  
 sit, ut mensuram admittere, cum altero con-  
 ferri, vel suis partibus comparari & in quas-  
 vis proportionem dividi possit. Huiusmodi  
 autem affectiones sola chorda ferè admit-  
 tunt, quæ ad corporis, super quod intense  
 sunt, quantitatem reddant sonum, ita ut so-  
 nus ex chorda emissus istius corporis di-  
 mensionem & divisionem sequatur, hoc est,  
 quando istud corpus in partibus numeratur  
 & in proportionem dividitur, tum eadem  
 mensuræ & proportionem per magades suis  
 locis suppositas simul communicantur chor-  
 da,



de ad mensuras & proportiones corporis  
 istius impulse, & ex comparatione totius  
 chordæ, quæ dat sonum gravem, ad aliquam  
 partem chordæ, quæ reddit sonum acutum,  
 intelligitur proportio, quæ inter sonum istum  
 gravem & acutum invenitur, unde satis ap-  
 paret verum & universale subiectum Mu-  
 sicæ esse sonum numero æstimabilem in cor-  
 pore sonoro,

## De secunda questione.

An Musica sit ars, an scientia?

**A**D hanc questionem respondes, quòd  
 Musica magis sit ars quàm scientia.,  
 quam tuam assertionem nec habeo affirma-  
 re nec negare, ut quæ ad Musicam per se pro-  
 priè non pertineat, nec Musico ignoranti ob-  
 sit, nec scienti proffit. Philosophorum est dis-  
 quirere, quanam artium & scientiarum sit  
 propria differentia, ego me arcanis ipsorum,  
 non immisceo, & hanc questionem in medio  
 relinquo, quanquam tuæ sententiæ magis  
 accedo.

De

## De tertia & quarta quaestione.

An Musica unâ die possit addisci ?

Item

An quispiam unâ die instrui possit, ut  
rectè canat ?

**C**ur hasce quaestiones illustres appelles,  
aut illustribus miscere volueris, causam  
divinare non possum. Ego non minùs ab-  
surdas eas existimo, ac rustici illius ad Pada-  
gogiarcham quendam institutam quaestio-  
nem, qua volebat filium suum in bonis arti-  
bus brevissimo tempore in pauculis horis ita  
imbui, ut vel Pastoris alicujus, vel conciona-  
toris, vel aliàs docti viri alicujus vices obire  
posset. Sive enim Theoriam in Musicis spe-  
ctes, tum dissimilitudine instrumentorum,  
Musicorum, quibus soni explorantur; tum  
varietate proportionum in diversa inequa-  
litatis ratione constitutarum, qua alia in-  
multiplices, alia in superparticulares, alia in  
superpartientes &c. dividuntur: tum ea-  
rundem proportionum tractatione, qua ad-  
duntur, copulantur, equiparantur, subtra-  
huntur, mediatione disparantur, idq. vel  
arithme-

arithmeticè, vel geometricè, vel harmonicè  
 vel contraharmonicè: tùm difficultate ap-  
 plicandi quasvis proportionēs Musicas ad  
 Monochordum vel aliud instrumentum  
 Musicum: tùm distinctione & mensurâ in-  
 tervallorum, & legitimâ ex proportionibus  
 demonstratâ eorundem consecutione, ut de  
 modis musicis & aliis quibusdam in conside-  
 ratione rerum Musicarum necessariis tace-  
 am, eam difficultatem discētib⁹ objicit; ut  
 non minus temporis requirat, ac quævis Ma-  
 thematicarum artium alia: Sive Praxin  
 etiā respicias, etsi ea brevibus præceptis  
 constat: tamen cum tota in usu & exercita-  
 tionibus, quibus tandem habitus quidam ac-  
 quiratur, consistat, negatumq; mortalitati  
 sit, unicâ die vel unus rei habitum addisce-  
 re posse: quis adeò demens est, ut habitum  
 Musicum, qui & varietate quantitatis &  
 qualitatis in sonorum intervallis diversissi-  
 mus est, vel ipse addiscere, vel se aliis eun-  
 dem dare posse speret? Præcepta quidem Mu-  
 sicæ Præcticæ postea tradam breviter & faci-  
 lissima, quæ quissimam vel breviorē spatio,  
 quàm unâ die intelligere discat, sed eadem  
 in

*in habitum, non nisi multâ exercitatione  
vix aliquot mensium spatio, transire possunt.*

*Verba tua, quibus ad hanc questionem  
respondes, sunt: Musicae artis præstantissi-  
mæ & jucundissimæ utilitatem tan-  
tam nonnulli autuant: ut Musicos ci-  
tiùs asparagis nasci arbitrentur &c.  
Quæ consequentia est, Hubmeiere, in hac  
tua sententiâ? Cur quæ utilia sunt, eadem  
facilia etiam asseris? nonnè difficilia, quæ  
pulchra, ut habet proverbium?*

*Quæ misces de tribus hexachordis, ca-  
non intellecta ex aliis descripsisti, & falsa  
sunt. Hexachordum, si usitatas sex voces  
musicales, ut, re, mi, fa, sol, la, ita appellare  
libet, genere unicum est, siue scribatur in  
systemate regulari, siue transposito, nec  
mollius in transposito, nec durius in regula-  
ri systemate, ut postea asseris, sonat, cum pro-  
portiones diversâ scriptione mutari non pos-  
sint, Quemadmodum nec sententia aliqua  
Germanicè concepta & scripta, mutatur, vel  
in Latinitatem transit, etiamsi Latinis lite-  
ris scribatur. Notationis enim diversitas re-  
rum essentiam non mutat. In vocibus hisce  
musica-*



musicalibus insunt hæc proportionēs, sesqui-  
 octava, sesquinona, sesquidecima quinta, ses-  
 qui octava iterū, & sesquinona, eadem pro-  
 portiones permanent, siue scribantur in re-  
 gulari systemate, siue in transposito. Hoc in-  
 ter systemata illa tantū interest, quod in  
 regulari systemate incipiunt in clave C. in  
 transposito, in clave F. Permanens hexachor-  
 dum nullum est, & si esset, instabile potius  
 appellandum foret, quā permanens, pro-  
 pterea quod tantū adhibetur, ut hexa-  
 chordum illud vocum musicalium ad suas  
 claves vel ascendendo vel descendendo ite-  
 rum pertingere & pervenire possit, quas si  
 affecutum est, ad ordinarias suas voces mu-  
 sicales redit. Est igitur id Hexachordum,  
 quod vocas permanens, tantū residuum  
 quoddam, quo defectus siue imperfectio vo-  
 cum musicalium, quæ numero septem esse de-  
 bebant, indicatur. Hoc assumptio & insta-  
 bilissimo tetrachordo omnis Musica pertur-  
 batur, & discentium conatus impeditur, ut  
 postea manifestum fiet.

### De questione quinta.

An sex vel septem sint voces Musicales?

B

Statuis

**S**Tatuis sex tantum voces musicales esse  
 debere, idq. aliquot argumentis firmum  
 facere conaris, & rejicis eos, qui in Musicis  
 pro complemento septimam vocem Musica-  
 lem si adjecerunt. Hoc videtur diesse tue  
 disputationi, quod non causas etiam affers,  
 cur quidam putent septimam vocem adji-  
 ciendam. Id enim si fecisses, lectori liberam  
 fuisset eligendi eam partem, quam firmiorem  
 putasset. Jam cum unicam tantum ejus  
 causam afferas, data opera videris senti-  
 am de septem vocibus musicalibus deprime-  
 re voluisse. Ea est, quod d'cunt, ut ais,  
 septem esse claves, ergo etiam septem voces  
 musicales esse debere. Hanc rationem post-  
 ea ita refutas, ut dicas, eam nihil conclu-  
 dere, cum pari ratione argumentari liceat:  
 Quing. sunt lineae, ergo quing. sunt voces.  
 Quae, queso Hubmeiere, te causa impulit, ut  
 rebus diversissimis eandem affectionem tri-  
 bueres? Certè quing. lineae non sunt idem,  
 quod septem claves, quod & pueris apparet.  
 Deinde lineae per se nihil faciunt ad voces  
 musicales. Subiectum enim tantum sunt, in  
 quibus elementa Musica scribuntur, quem-  
 admo-

admodum papyrus subjectum est scriptura,  
 cui nulla efficacia per se est ad scripturam  
 aperiendam & legendam, potuisset enim  
 idem scribi in ligno lapide, plumbo &c. Cla-  
 vium ratio longè alia est, Nam septem cla-  
 ves ambitum concludunt unius *Octava*  
 vel octava, quæ periodum complet omnium  
 sonorum, quæ absolutà soni in orbem redeunt,  
 & quemadmodum soni distinguuntur in unâ  
 octavâ, ita æquali ratione distinguuntur in  
 repetita. Si igitur sonos per voces musicales  
 in una octava asserre potueris, de repetitâ  
 octavâ nihil est laborandum, eadem enim  
 voces ibidem etiam recurrant. Et verissimū  
 est, quod censes, voces musicales non multi-  
 plicari, quemadmodum claves non multi-  
 plicantur, Quia propter necesse est, cum si-  
 ptem sint claves, ut si ptem etiam sint voces  
 musicales, ut septem clavium numerū æquent,  
 ne sui permutatione & substitutione inter  
 se confundantur, & discordes turbent. Al-  
 tera verò ratio, quam adjungo, cur septem  
 voces musicales esse non debeant, quod  
 videlicet voces ex literis non oriantur, te-  
 ra falsâ est. Nam si Musicam compendiosè

docere vellemus, literæ ipsæ debebant simul  
 esse voces musicales, ut identitate facilitatem  
 deductionis sonorum adjuvarent: Sed  
 quoniam inhabiles sunt ad subitam repeti-  
 tionem & semitonium suo proprio loco cer-  
 tã notã non exhibent, addita sunt eis voces  
 musicales, quæ id, quod clavibus deest, præ-  
 stare possint. Firmiter igitur adhuc consi-  
 stunt septem voces musicales, quas adhuc  
 uno atq; altero argumento asseram. Pri-  
 mum: Quia in qualibet octava septem sunt  
 distincti soni, priusquam ad eam clavem re-  
 petitam pervenias, quæ principium deducti-  
 onis dedit, unde sequitur, septem etiam di-  
 stinctas esse debere voces Musicales. Nam  
 quemadmodum septem illi soni in instru-  
 mentis musicis artificialibus per claves ex-  
 primuntur & distinguuntur: ita in nostra  
 naturali & vocali Musica ydem soni per vo-  
 ces Musicales offeruntur, & par est ubiq; ra-  
 tio. Secundo Autoritas veterum etiam in  
 hac re attendatur. Ptolomæus omnium opti-  
 mus autor inter eos, qui de Musicâ scripse-  
 runt lib. 2. de Mus. sic inquit: Voces naturâ  
 neg, plures, neg, pauciores esse possunt quàm  
 septem.



septem. Et Demetrius Phalereus testatur  
 Aegyptios & Græcos septem vocalium mo-  
 dulatâ enunciatione laudes Deorum suorum  
 cecinisse. Unde constat septem Græcorum  
 vocales pro vocibus musicalibus habitas &  
 usurpatas esse. Assume etiam testimonia  
 Poëtarum, ut quod Virgilius Lyra septem  
 discrimina vocum tribuit, quæ discrimina  
 Isidorus Hispalensis explicat, quòd nulla  
 chorda vicina chorde similem sonum edide-  
 rit. Sic Horatius:

Tuq; testudo resonare septem  
 callida nervis.

Sic Ovid. 5. Fastorum de Mercurio:

— — — Septena putaris  
 Pleiadum numero fila dedisse lyræ.

Sic Virgilianus opilio seu bubsequa:

Est mihi disparibus septem compacta cicutis  
 Fistula

Idem affirmant Aristoteles, Plutarchus &  
 alij, à quorum autoritatibus temerè non est  
 recedendum. Sed de hac re infra plura da-  
 bimus, accedamus jam ad fundamenta tuæ  
 sententiæ.

Quodnam igitur jam statuis fundamen-  
 tum tuæ assertionis, quòd tantum sex claves

B 3 musica-

*Musicales esse debeant? Remittis nos id discere cupientes 1. ad Physica, 2. ad Arithmetica; 3. ad Geometrica. Quid Hubmeiere? Estne boni disputatoris, auditores suos eò remittere, ubi ipse argumentum nullum suae sententiae confirmanda invenire potuit? Si enim potuisses, certè id pro demonstratione allegassès, & alia contrà futilia & falsa argumenta, ut audiemus, omisisses. Ego eò profectus, quo me amandasti, rem longè aliter, ac tu ais, reperio. Ex Physicis enim, Arithmeticis & Geometricis firmissimè demonstratur septem esse debere voces Musicales. Physicus enim audit in una octava septem discrimina vocum, septem sonos distinctos. Arithmetica ut & Harmonica sectio octava eosdem septem sonos in suis veris & legitimis proportionibus exhibet. Geometrae idem in legitimâ sectione circuli demonstrant. Frustra igitur Hubmeiere nos eò ablegas, ubi tua sententia penitus evertitur. Destitueris ergo, ut video, & demonstrationibus & autoritatibus, cum nemo veterum autorum de Hexachordo unquam quicquam affirmarit.*

*Jam*

*Jam rationes etiam tuas excutiamus, quarum prima est, quod plures voces Musicales non sint dandæ, quàm in scala exprimuntur. Septimam vocem autem in ea non esse expressam, Ergo. Non docebo te, Hubmeiere, Dialecticam: attamen scire debebas ab auctoritate negativâ non firma deduci argumenta. Proh Deum immortalem, si hac ratio vera, & nihil novi veterum inventis addendum esset, quot & quantus commoditatibus destitueretur hodiè vita humana, quas veteres ignorarunt, & que noviter inventæ sunt. Quod septima vox, Si, in scala expressa non est, nihil mirum. Autor enim scala Guido Aretinus, cum statuisset tantùm sex voces Musicales esse, eas ita disposuit, ut septimæ locum non relinqueret, & voces Musicales mutuâ substitutione in scala ita turbavit, ut ea facta sit remora & impedimentum maximum Muscam discantibus, cum longè rectius hac tradi potuissent. Secundam rationem affers, quod septima vox Si, ad nullam certam clavem determinetur, cum ab aliquibus modò in C. modò in f. modò in B. po-*

*B 4 natur.*

natur. Unde hac de positu syllaba Si habes,  
 optime Humbreire? Vix credo, quempiam  
 in Musicis adeò imperitum esse posse, ut ibi,  
 ubi voci Musicali sua legitimus locus est, mi  
 vel si ponere, & totam Musicam pervertere  
 audeat, Mi enim & fa, si rectè distinguan-  
 tur, sunt tota Musica, ut veteres locuti sunt,  
 potius crediderim, te honoris gratiâ hæc sin-  
 xisse, cum claves C & f omnium sint prin-  
 cipes. Syllaba si, locus stabilis & perpetuus  
 est in regulari quidem sistematæ in clave &  
 quadrato, in transposito verò in clavi e nec  
 unquam hæc ratio variatur, nisi b adscri-  
 ptum syllabam si in fa mutet. Tertia ratio,  
 quod necesse sit syllabam Si ad tria He-  
 xachorda reduci, falsa est, ut in precedenti  
 questione demonstravi, cum unicum tan-  
 tum & solum Hexachordum sit vocum sex  
 Musicalium. Sic & quarta ratio, quòd si  
 coincidat cum aliâ voce Musicali, falsa est,  
 cum eâ nunquam, si ad illas sex voces musi-  
 cales assumatur, in aliquam incidere possit.  
 Ad quintam tantum abest, ut si vox mu-  
 sicalis discrimen inter mi & fa tollat, ut illud  
 semitonium nullâ re firmitus stabiliatur.

Sexta



*Sexta ratio cum tertiâ coincidit, & refutata est. Ad septimam, quâ asseris, aequè facilem quempiam posse institui in consueto canendi modo, quam si septem adhibeamus voces musicales, respondeo, Te, si hic esses aliter sensurum. Ego hisce triginta annis ferè, quibus hoc saxum volvo, experienciâ longè aliter edoctus sum, te manum ad strivam hanc vix admovisse puto. Crede igitur potius exercitato Musico, quàm tuis, nescio unde, conceptis opinionibus.*

### *De sextæ questione.*

*Vnde petenda sit ratio signandarum cantionum.*

*Signata claves, quæ in systematum lincis cantui præfiguntur, ut ex ijs vicina claves intelligi & computari possint, tres sunt, g. c. f. quarum g acutos sonos designat, c medios, f graves. In cantu figurato si is ambitu non nimis sit amplo, interdum binis tantum signatis clavibus contenti esse possumus, in systemate scilicet universali. Clavis b verò quæ in initio cantionum itidem interdum,*

*B s. præfigi*

praefigi solet, ostendit illud systema esse  
 transpositi generis, & cum cetera claves  
 omnes binas voces musicales obtineant, uni-  
 cam sibi tantum & solam vocem musicalem  
 facit sumit, ex qua cetera voces vicinae diri-  
 genda sunt. Eadem ratio est in systemate re-  
 gulari, ubi b. abest, ibi enim clavis f. ejus vi-  
 ce fungitur, & itidem solam vocem musica-  
 lem fa obtinet, unde reliquae vicinae dispo-  
 nuntur. Dispositionem hanc adjuvant in  
 regulari quidem systemate clavis b. in trans-  
 posito vero c, quarum utraq. solam vocem  
 musicalem Mi propriam habet. Interim ta-  
 men ex b. etiam vicinae claves recte intelligi  
 possunt, etsi eo sine praescriptum non est. An  
 vero geminum b. in sonis acutis, & majuscu-  
 lum in gravibus praescribendum sit, respon-  
 deo, illud nuper non satis scite excogitatum  
 esse & Taurologiae committi, cum clavis g  
 signata alias sit index sonorum acutorum:  
 f. vero gravium atq. b. nunquam absq. his  
 clavibus praescribatur, & etiamsi g. inter-  
 dum absit: tamen ex clave signata c. per  
 septimam depressa, quod b. acutos sonos de-  
 notet, satis manifestum est, & non nisi à  
 stultissi-

*Nullissimo in hisce peccari potest, ideò ejus  
canticum supervacaneum.*

*De questione septima.*

*An eadem sit ratio cantus duri  
& mollis.*

**N**ON arbitror, Hubmeire, te hanc quæ-  
stionem instituisse de cantilenis diver-  
sis, quarum altera in systemate regulari, sive,  
ut tu loqueris, in cantu duro proferatur; alte-  
ra verò in systemate transposito, sive cantu  
molli, an scilicet altera alios affectus produ-  
cat, alios itidem altera. Hoc enim si esset, ab-  
surdum hæc videretur quæstio, cum hujusmodi  
cantilene in individuo differant, ac eadem  
esset, ac si quis querere vellet, an pomus ar-  
bor eosdem fructus producat, quos Pirus, vel ut  
in individuo permaneamus, an Petrus idem  
sit Apostolus qui Paulus, & an eadem scripse-  
rit & egerit, quæ Paulus. Sed arbitror te hoc  
velle, an una eademque cantilena, que in re-  
gulari systemate scripta sit & canatur, affe-  
ctus suos mutet & alios induat. si in transpo-  
situm systema transferatur, & ex eo canatur,  
an verò idem affectus utrobique permaneant,  
& eo-

Et eodem modo percipiantur. Valdè prolixus es in hac questione explicanda, Et interdum in a verborum involucris te prapedis, ut videaris expediri vix posse, plerumq; extra oleas vagaris, Et loqueris de Musica, ut aliquis de plebe. Philosophi est arcem causæ invadere Et rem ex suis fontibus explicare, quod puto effecisses hoc Syllogismo.

Unum Et idem in dividuo eosdem effectus producit.

Sed cantilena aliqua, sive scribatur in systemate regulari, sive in transpositum, transferatur, manet una eademq; in dividuo.

Ergo cantilena sive in regulari systemate canatur, sive in transposito effectibus non differt.

Propositionem puto manifestam, nec indigere confirmatione, de assumptione dubitare fortassis potes, eam sic probo:

Quæ non mutantur in materiâ Et formâ, permanent, ut sunt.

Cantilena si ex regulari in transpositum systema transferatur, retinet suam materiam Et formam.

Ergo



Ergo permanet, ut fuit.

Assumptio apud peritos rei musicae non eget confirmatione, te ejus indigere existimo, idè rationes adducam. Cantilenarum materia sunt soni Musici, eos transpositione non mutari, vel aboleri procul dubio mecum statuis, non enim aliter potes, alias non maneret cantilena. Forma cantilena consistit in certo modo, qui consideratur ratione deductionis sonorum, item ratione intervallo- rum, specierum diapente & diatessaron, clausularum, ambitus, & finis. Deductio sonorum fit per voces musicales, eae sunt eadem in utraq, ratione, tam in regulari systemate, quàm in transposito, dummodo transpositio legitimè fiat, ut videlicet ex clave c regularis systematis fiat f transpositi. Non ut quidam in instrumentis Musicis cantiones transponere solent, quando ex C regularis systematis G faciunt, itidem in regulari systemate. Hoc modo enim species diapente & diatessaron variantur, quibus mutatis forma Ἀγὸς πασσών in aliam mutatur, & cantilena in alium modum transit, quod hic fieri non potest, si ex C fiat F. Deinde utrobq, eadem


eadem manent intervalla. Semitonia enim suo loco non moventur, sed se in utraq. forma eodem modo & ordine & eadem distantia habent, quapropter nec species &  $\Delta$   $\tau$   $\epsilon$   $\nu$   $\epsilon$  &  $\Delta$   $\tau$   $\epsilon$   $\nu$   $\epsilon$   $\nu$  mutari possunt, cum partes ejus integrè permancant, nec etiam clausule, nec ambitus, nec species octava, nec finis. Atq. ita utrobig. eadem cantilena manet, & eosdem utrobig. effectus producit. At, inquit, claves tamen mutantur, ergo fieri non potest, quin quædam mutatio accidat in cantu? Respondeo clavibus nullas inesse vires ad cantum mutandum, sed pertinere tantum ad systema Musicum distinguendum, an sit regulare, an verò transpositum, & signatas illas tres claves ferè sufficere in quolibet cantu. Ea enim, si indicent ubi clavis C locum habeat in regulari systemate, aut F. in transposito, tam in sonis acutis, quam in mediis & gravibus, applicationem vocum Musicalium in ea cantilena simul monstrarunt, atq. ita suo officio perficentiæ sunt, nec amplius magnum aliquem usum habent, cum ex dato initio vocum Musicalium detur ambitus earundem tam ascendendo, quam descen-

descendendo, præsertim si fiat numero septem  
 voces Musicales, ubi mutatio earundem &  
 substitutio non requiritur. Claves igitur tan-  
 tum informant subjectum siue systema, in quo  
 cantus scribi debet, ut sit habile ad recipien-  
 dos ejus cantilenæ sonos, intervalla, ambitum  
 & clausulas. Sententia aliqua latina, siue  
 scribatur in papyro, siue in tabula, siue ligno  
 vel lapide, siue literis quadratis, & majori-  
 bus, siue oblongis & minustis, tantummodo  
 aptæ sint ad formandas syllabas, non muta-  
 tur: ita nec cantilena diversis clavibus mu-  
 tari potest, si permaneant eadem intervalla  
 per voces musicales eodem modo efferenda.  
 Modi etiam musici clave finali, quæ ratione  
 systematum diversa est, non mutantur. Sive  
 enim cantilenam regularis systematis in C:  
 transpositi verò in f scripiatur, si idem sit ambi-  
 tus & eadem species  $\Delta$  &  $\alpha$  &  $\gamma$  &  $\delta$  &  $\epsilon$  &  $\zeta$  &  $\eta$  &  $\theta$  &  $\iota$  &  $\kappa$  &  $\lambda$  &  $\mu$  &  $\nu$  &  $\xi$  &  $\omicron$  &  $\pi$  &  $\rho$  &  $\sigma$  &  $\tau$  &  $\upsilon$  &  $\phi$  &  $\chi$  &  $\psi$  &  $\omega$ , eadem ut idem voces musicales & c. idem  
 manet modus, qui per voces musicales longè  
 certius indicatur, quàm per claves. Ionicus  
 enim & Hypoionicus in voce ut finiuntur,  
 Dorius & Hypodorius in re, Phrygius & Hy-  
 paphrygius in mi. Lydius & Hypolydius in fa.


Mixo-

Mixolydius & Hypomixolydius in sol. Aeolius & Hypoaeolius in la. Loquor autem de septem vocibus musicalibus, non de sex, in quibus propter crebram mutationem haec omnia pervertuntur.

Transpositionis rationem brevissimo exemplo ostendam in modo Ionico, cui adscribam proportionem in suis numeris minimis in arithmetica ratione.



Hac clausula hoc modo transponitur:



Videt studiosus Musices in utroq. systemate eadem inter valla, easdem proportionem Musicas,



sicas, easdem voces musicales, eundem ambitum, modum &c. permanere, atq; propterea esse eandem cantilenam. Ratio etiam apparet, cur consonantia hæc tantâ facilitate & cum æquâ quadam coëant, videlicet, quòd in numeris suis minimis quàm proximè ad equalitatem accedant, quòd propiores enim sunt numeri equalitati, hoc est, unitati, eò magis soni confluent quasi, & in concordiam coëunt.

Vitiosa autem transpositio in instrumentis musicalibus non infrequens hæc est, quando ex clavi regulari C fit G itidem in regulari systemate, ut, eadem hac clausula ex c regularis systematis transponitur in clavem G hoc modo.

The image shows two staves of musical notation. The top staff is in G-clef (soprano) and the bottom staff is in C-clef (alto). Both staves have a key signature of one sharp (F#). The notation consists of notes on a five-line staff, with numerical values written below them. The notes are connected by a horizontal line, indicating a continuous melody. The numerical values are: 72, 80, 90, 90, 72, 80, 60, 64, 72, 64, 72, 60, 54, 48, 54, 6.

Mutantur in hac transpositione non tantum voces musicales: sed & intervalla, species

ries diapente & diatessarōn, species octavā, finis & modus. Nam pro tertia maiore circa finem sumitur minor, pro prima specie diatessarōn quæ ibi prima & Diapente iuncta est, hic assumitur secunda, pro prima specie Diatessarōn hic quinta proponitur, pro clave finali ut, assumitur Sol, si loquaris de septem vocibus musicalibus. Pro Ionico modo hic Mixolydius. Ergo non mirum est aliam fieri cantilenam, & alios producere affectus. Si tuam transpositionem intelligis de hac vitiosā, facile concessero, aliam fieri cantilenam, & alios moveri affectus, sed hoc modo ex duro non fit mollis, sed manet durus, ut vides. Ex numeris præterea, hic apparet, asperiores esse harmoniam & difficulter sonos in concordiam coire, cum intervalla hic misceantur, commate deficientia, quinta scilicet secundo loco, & tertia minor circa finem. Sed vulgus Melopæorum hæc non ita attendit, & rationem suæ Harmoniæ reddere non potest, ideo mirum non est, sæpe Harmoniam condi, quæ textui non respondeat.

Ex hisce igitur certissimum est eandem  
ratio-

rationem esse cantus duri & mollis, ut loque-  
 ris, si ea transpositio legitime administretur.  
 Quod autem Melopœi cantilenam inter-  
 dum in regulari systemate scribunt, quæ de-  
 bebat esse in transposito, ut choro conveni-  
 ret & contrà, id fit ex abundantia scien-  
 tiæ Melopœorum, ut cantorem fatigent in  
 sono rectè concipiendo, & musicos instru-  
 mentales exerceant in eo transponendo, ut  
 choro musico conveniat, quanquam interim  
 non nego, graviores sonos magis ad tristi-  
 ores affectus concitandos aptos esse, & acu-  
 tiores sonos ad letiores affectus, quod idè  
 fit, quia in gravioribus sonis tertia & sexta  
 proprio suo loco excidunt, & contra naturam  
 suam aliò transferuntur. In acutioribus ve-  
 rò sonis, in suo naturali loco permanent, atq;  
 ob id non paulò sunt vegetiores. Sed hæc de  
 naturali situ consonantiarum fortassis subti-  
 liora videbuntur multis qui sese pro egregiis  
 musicis venditant. Quid autem jam respon-  
 debo ad tua argumenta, quæ pro contraria  
 sententia affers? certè non sunt digna, de qui-  
 bus multum verborum fiat. Tuis, non meis  
 verbis breviter summam responsionis conci-  
 piam.

*piam*. Nihil inest eis subtilitatis: plurimum autem rusticitatis.

*De questione octavâ, nonâ, decimâ & undecimâ.*

An Musica cum Oratoria convenientiam habeat, & quomodo.

De Musices cum Oratoria convenientia in specie.

De Musices cum Oratoria convenientia iterum.

An Musicus Oratorem, an hic illum magis juvet.

**Q**uatuor hæ questiones à te videntur institutæ, ut excellentiam & usum, hujus præstantissimæ artis comparatione Oratoria facultatis illustres & amplifices, in quâ re optimè te operam collocasse video, & si quid ad hæc Musica laudes de meo addere possem, lubentissimè hoc facerem. Dignissima enim, & antiquissima & utilissima est Musica, & meritò ab omnibus magnifèri & prædicari debet. Unicum tantùm monebo, quòd Musica videri posset magis cum poësi & picturâ conferri debuisse, quàm cum Oratoria



Oratoria facultate. Ha enim artes propius ad eam accedunt, plurimaq. cum ipsa communia habent. Siue enim subiectum, quod tractare volunt, siue exornationem spectes, iisdem ubiq. occupantur, nisi quod Poësis aperto sermone rem auditoribus inculcat; pictura eandem oculis subjicit: Musica per auditum insinuat. Omnes eodem ferè modo elegantibus fictionibus, quæ rem menti, oculis, auribus cum omnibus circumstantiis subjiciunt, utuntur. Et poësis quidem tropis & schematibus præter alias figuras, res exornat: Pictura convenienti umbra projectione easdem ad vivum depingit: Musica varietate intervallorum, consonantiarum, clausularum & fugis eas representare conatur, quæ omnia faciunt ad usum & delectationem auditorum. Prolixæ de convenientiâ harum artium & utilissimæ possent institui diatribæ, si tempus ferret, sed id tibi & aliis tractandum relinquo.

### De questione duodecima.

Vtra consonantiarum sit perfectior.

C. 3. In ex-

**I**N explicatione hujus questionis, quæ quarta est disputationis primæ in centuria secunda, tot ferè misces errores, quot sunt verba, qui ut à studiosis Musices facilius judicari queant, tua ipsius verba hic adfexibam. Sic inquis:

I. Musici in Harmoniis concinnandis certas species consonantiarum retinent & observant, quarum usitatiores tres in simplicioribus numerant: tertiam, quintam, octavam: cæteræ has sequuntur. Sextam etiam in deliciis habere constat.

II. Quæ verò ex his perfectior censenda sit, pro artis exquisitæ cognitione videtur dubitari posse: Octavam plurimi numeris omnibus absolutam censent. Quintam & concentus & suavitatis ratione singularem exquisitamq; ajunt:

1. Cum octava duplicet sonum. Quinta autem sonorum perfecta & distincta Harmonia ubiq; consistat.

2. Præsertim quòd mensura sit octavæ.

3. Et penes quam facilis lapsus, seu in iteratis, seu in prohibitis.

4. Et quòd intervalla colligat maximi artificii.

5. Deniq; Harmonia ex quinque vocibus constitutæ sint singularis artis & observationum certarum.

Terti-

Tertiam verò aliquis perfectissimā asserat.

III.

1. Ex origine quòd omnium prima.
2. Quòd cæteras consonantias constituat. Nam in toto Hexachordo quæ sunt distinctæ tertiæ, una ab, ut, re, mi, altera à fa, sol, la, confer Glar. lib. 1. dodeca. c. 2. & alibi sæpius.
3. Ob simplicitatem, ex qua purissima & prima Symphonia oritur, quæ omnibus suis est absoluta numeris, quandoquidem semitonii concursus in cæteris est frequentior.
4. Ob dignitatem tum numeri, tum soni: in numero est quiddam peculiare: in sono itidem, quandoquidem nulla consonantiarum videtur æquè aures mulcere & stringere, quàm tertia. Sat scimus, quòd in incidentiis, & ornatu Syncopatico, aliisq; coloribus Musicis idem fiat; sed propter tertiarum progressum stationemq; hæc efficiuntur planè suavissima.
5. Puritatem potest retinere præcipuam.
6. In Melodiarum compositionibus quid triciniis suavius? At inquis quintæ id fit beneficio. Sed hîc consideratur trini præstantia.

Putarim hîc dicendum, controversiam esse de tertiâ & quintâ, & quintam esse pleniorē si adjuvetur: tertiam verò puriorem & priorem, cum non indigeat tertia adminiculo, sed ipsa tertium locum perficit.

IV.

V. Quid de sexta: Hanc delicatam quant-  
doq; nuncupant Symphoniaci, præcipuè  
cum in finalem deducitur: & ipsa non est  
frequens nimis & à tertia accipit plurimum  
decoris. *Hactenus tua explicatio.*

*Adeò turbas in hac explicatione, ut ne-  
cesse mihi sit intervallorum & consonanti-  
arum originem perfectionemq;, ex fontibus  
Musices deducere, quod faciam breviter.*

Sonus in Musicis consideratur relativè,  
ratione scilicet quantitatis ad alium sonum  
collatus: sive is sonus, cum quo confertur sit  
idem, sive diversus. Idem autem sonus est  
unisonus, qui à dato sono non differt ratione  
acuminis aut gravitatis: sed qui in equali  
extensione, sub equalitatis proportionem, ut  
unus solus sonus continetur, & invenitur in  
equalitatis proportionem, qualis est unum ad  
unum, duo ad duo &c. Demonstratur in  
monochordo, quando chorda intense medio  
loco inter duas magades immobiles substi-  
tuitur magas mobilis, & utraq; ejus chorda  
pars simul pulsatur, ab equalibus enim par-  
tibus equalem sonum procedere necesse est.  
Porro unisonus hic quidem adhuc conside-

*YATIT*



ratur ut principium consonantiarum & intervallorum omnium, quasi tantum sonus esset, qui ad unam extensionem producat, & hoc modo habet se ad intervalla, ut punctum in Geometria ad magnitudinem: Veruntamen quando accedit tempus, ut sonus hic aliquo temporis spatio producat vel tactu uno, vel semitactu vel alio temporis spatio, tunc non amplius principium est hic sonus: sed est quantitas, & movetur quasi in longitudinem, quemadmodum etiam linea quantitas est ex fluxione puncti generata.

Diversus vero sonus est, cujus differentia à dato sono ratione acuminis aut gravitatis facit intervallum, oriturque, quam primum ab aequalitate sive ab unsono discedimus. Intervalli autem extrema sunt acutus & gravis sonus. Ita enim natura fert, ut extremitates intervallorum ex altera parte graviter ex altera acutè sonent. Ideò definitur à Boëthio, quòd sit acuti gravisque soni distantia. Et quemadmodum sonus, si in eadem extensione & loco, ut dictum est continuetur, lineam quodammodo facit: ita si

C S      postea,

postea ad continuatum huncce sonum accedat alius ex diversa intensiōe & loco productus, tum sonus quasi in latitudinem movetur, habetq; se ut superficies, & consistit in gravitate & acumine, in oppositione scilicet soni acuti gravisq;, ideò intervallum non tantum in Musicis usurpatur pro spatio aut intercapedine inter acutum & gravem sonum, ut quando *Alē wēre* describitur, quòd sit intervallum trium tonorum & semitonii: Sed capitur etiam pro oppositione duorum vel plurium sonorum simul emissorum, & ad aures pervenientium, ut si dicatur, *Alē wēre* est intervallum consonum, ubi tantum duæ extremitates sibi oppositæ intelliguntur, & hinc omnis consonantia & dissonantia dijudicatur. Differentia verò intercapedinis illius sive spatii inter sonos acutos & graves infinita quidem sunt, cum habitudo numeri ad numerum infinita sit: ita, ut vel minimum vel maximum intervallum haberi non possit, quo vel minus vel majus dari nequeat. Quorum alterum ratione decrementi imitatur quantitatem continuam, qua

qua in infinitum minuitur : Alterum  
verò ratione incrementi quantitatem dis-  
cretam, quæ in infinitum augetur. Tamen  
cum nec scientia, nec sensus infinitorum  
capax sit, Musica ab ista infinitate dis-  
cedit & intervalla retinet determinata,  
quæ vel voce humanâ vel instrumentis mu-  
sicis exprimi, & sensu atq. proportionibus di-  
judicari possunt.

Queritur jam, quomodo à dato sono  
alius diversus generetur, unde fiat interval-  
lum, sive quomodo intervalla genera-  
tur, utrùm ex minoribus intervallis sibi  
junctis majora accrescant, an verò ex ma-  
joribus fiant minora per divisionem ma-  
jorum. Video ex thesi tertiâ hæc, quando  
dicis tertiam omnium primam esse conso-  
nantiam & reliquas constituere, te in eâ  
hæresi esse, ut putes majores consonantias, si-  
ve majora intervalla fieri ex minoribus sibi  
junctis. In quâ sententia etiam fuerunt  
pleriq. veterum, qui statuunt minimum  
intervallum in Musicis esse dictum eamq.  
principium & materiam omnium inter-  
vallorum

vallorum appellant, sed falsam hanc esse opinionem demonstratur, ex his fundamentis. Nam manifestissimum est diēon hodiē non esse minimum intervallum Musicum, quod & ipse facillē concedes, cum ferē contineat duo commata, unde sequitur, quod comma adhuc minus sit intervallum quā diēon. Præterea nec comma hodiē minimum intervallum, sed schisma adhuc minus intervallum putatur, ut & ipse infrā fateris. Si igitur jam ex minoribus intervallis majora concrescerent, ex schismate potius, quā ex diēon hoc efficeretur. Sed ex schismate nullum intervallum fieri potest; Consistit enim in proportionē irrationali & incertā, cujus vera quantitas ignoratur, & ex irrationali & incerto nihil certum in Geometricis fieri potest. Intervalla autem majora Musica habent certam & determinatam proportionem & quantitatem. Ergo ex incerto initio non excreverunt.

Secundō: Etiam si schisma esset in proportionē aliqua superparticulari, vel superpartiente, nullum tamen efficere posset intervallum Musicum. Cum proportionēs hæc  
super-

superparticulares vel superpartientes sibi  
 ipsis juncta nunquam efficere possint inter-  
 vallum Musicum. Exemplo rem demon-  
 strabo, & quidem in tua tertia, quam pro-  
 ponis. Nam cum schisma in nulla proporti-  
 one, si surdam & irrationalem excipias, con-  
 sistat, exempli loco adduci non potest. Sta-  
 tuis igitur tertiam esse principium consonan-  
 tiarum. Tertiam minorem procul dubio  
 intelligis, cum ex minoribus intervallis ma-  
 jora gigni contendas, & semiditonus hic sit  
 minor ditono. Semiditonus vel tertia minor  
 consistit in proportionem sesquiquinta, 6. ad 5.  
 hac sibi addita efficit proportionem 36. ad  
 25. At hoc intervallum non est consonum,  
 imò nec intervallum musicum per se. Nam  
 minus est quàm  $\Delta\alpha\omega\epsilon\upsilon\tau\epsilon$  semitonio mino-  
 re. Majus verò quàm  $\Delta\alpha\tau\epsilon\sigma\alpha\gamma\epsilon\omega$  pro-  
 portione 27. ad 25. tantumq̃, abest ab inter-  
 vallo musico, ut in notulis nec concipi nec  
 scribi possit. Si verò, quando tertiam nomi-  
 nas, ditonum intelligis fortasse, is sibi jun-  
 ctus facit proportionem 25. ad 16. quæ ma-  
 jor est, quàm  $\Delta\alpha\omega\epsilon\upsilon\tau\epsilon$  semitonio minore,  
 minor autē quàm sexta minor  $\delta\iota\epsilon\sigma\delta$  Enhar-  
 monicā, ut vides in notulis.





Primum intervallum est *Quinta* & *tertium* in sua vera proportionem, secundum est quinta superflua, quæ abundat semitono minore, & tamen minor est, quàm sexta. Hanc non possum dicere esse duas tertias majores, nisi imperitorum in rebus musicis sermonem imitari velim, cum proportio superparticularis sibi ipsi addi non possit. Vides autem ex his, quocumque etiam te vertas, nullam consonantiam ex tertius sibi junctis oriri posse. Si ex tertius, quæ definitam habent quantitatem & ab æqualitate non longè admodum discedunt, nulla gignitur consonantia, sed tantum prohibita intervalla, imò interdum & non musicum intervallum, quod apertius esset, si ternas tertias jungere vellem; multo minus id accidet ex intervallis minoribus, & adhuc ab æqualitate longius remotis. Sed dices: Quintam oriri ex duabus tertius, si majorem tertiam cum minori conjungas. Non nego quintam in hac intervalla dividi posse, & quispiam

piam putare posset quintam hoc modo oriri:  
Sed tum tertia illa non sola causa interval-  
lorum, sed cum aliâ. At si quid principium  
statuitur, id unicum & solum esse necesse  
est. Præterea etiam, si concederem tibi duo  
principia consonantiarum simul, unde tan-  
dem orirentur  $\Delta\eta$  τεσσάρων,  $\Delta\eta$  πέντων  
consonantia, imò unde oriretur ipse ditonus  
& semiditonus.

Tertiò Mensurarum propria affectio est,  
ut integrè aliquoties in re, quam metiun-  
tur, habeantur, aut si non integrè, tamen  
certâ aliquâ sui parte, quæ pars à Mathe-  
maticis dicitur, Pars aliquota, vel pars di-  
meriens, propterea quòd aliquoties sum-  
ta, mensuram illam integrè constituit.  
ut binarius est pars certa senarii, ter enim  
sumtus, in integrum restituit senarium.  
At idem binarius non est pars certa vel ali-  
quota quinary, quia bis sumtus quinarium  
non implet, ter sumtus, quinarium superat.  
Jam tertia major, ut de hac tantùm loquar,  
in nullo intervallo musico aliquoties integrè  
haberi potest, nec etiâ tertia illius certâ aliqua  
pars

pars dari potest. Nunquam enim in binas, vel ternas, vel quaternas vel alias aequales partes dividi potest. Ergo nec mensura intervallorum majorum esse potest, atq. ita, nec causa sive principium. Ac dicēs. Nonne ditonus constat duobus tonis? Verum quidem, sed toni illi sunt inaequales, alter major in sesquioctava: alter minor in sesquiquona proportionē, ut post audiemus, atq. ita aequales ditoni partes non constituunt.

Quartum argumentum suppeditat ipsa natura rerum & ordo proportionum. Datus sonus est principium & causa intervallorum ex quo fluunt. Quomodo hoc sit? Non aliter fieri potest, quam per proximos gradus quos natura ostendit, nec enim natura saltum facit, sed ordine à simplicibus ad composita progreditur. In Geometricis punctum est principium magnitudinis. Ex puncto fit progressus ad lineam, qua est prima & simplicissima magnitudo, inde ad superficiem, & ad alias magnitudines progredimur. Si à puncto statim ad cubum, aut octaedrum, vel alias figuras progredi vellemus, aut ex cubo diviso alias magnitudines demonstrare vellemus,

lemus, rideremur, & contra naturam faceremus. Ita in Musicis ex dato sono sive ex equalitate ad inaequalitatem descendimus secundum ordinem proportionum à naturâ constitutarum, quæ facilime sunt intellectu & inaequalitatem eam sumimus, quæ omnium proxima est equalitati. Unitas autem est ratio equalitatis, & unitatem sequitur binarius, Ergo sonus qui ex binario ad unitatem confertur est primum & simplicissimum intervallum. Est enim omnium prima proportio ex ordine numerorum naturali ordine progredientium generata. Contrà commatus forma, si ex eo intervalla componere vellemus, consistit in proportionem sesquialterâ in numeris 81. ad 80. dicebas vero ratio est in supertripartiente 125. in numeris 128. ad 125. quæ nequaquam sunt proportionem omnium primæ, nec humano ingenio satis obvia, sed à principio longissimè remota & cognitu difficilima. Nequaquam igitur pro causa & principio intervallorum assumi possunt. Apparet alterem ex hac collatione Geometriam propriè sic dictam à minimis progredi ad maxima,

D

&amp; in

Et in infinitum crescere, Musicam verò a-  
 tramq, quæ in magnitudinibus locum habet  
 ratione quantitatis continuæ & discretæ for-  
 mam sequi. Et secundum multiplicem quidē  
 proportionem, quæ dupla, quadrupla, octupla  
 &c. continetur, in infinitum excrefcere.  
 Sed ratione particularis proportionis de-  
 crescere & in infinitum minui. Et propterea  
 necesse esse, ejusmodi intervallum primum  
 dari, quod utriq, rationi aptum sit, quod &  
 possit ad multiplicem rationem excrefcere,  
 & ad superparticularitatem minui. Hujus-  
 modi autem intervallum nullum aliud est,  
 quàm  $\Delta\zeta\ \omega\alpha\sigma\omega\nu$ , quod in dupla proporti-  
 one continetur, quæ proportio prima est post  
 æqualitatem.  $\Delta\zeta\ \omega\alpha\sigma\omega\nu$  ergo intervallum  
 statuimus primum & principium reliquo-  
 rum intervallorum omnium, quod origine  
 suâ omnia alia intervalla præcedit, & reli-  
 quorum causa existit. Idq, ulterius demon-  
 strabimus pluribus rationibus.

Primum, quia ejus forma, dupla scilicet  
 proportio, ut jam etiam monuimus, est omnium  
 prima, quæ post æqualitatem, quando ad in-  
 æqualitatem descenditur, formari potest. Unita-



tas enim equalitatem denotat, à quâ quàm  
 proximè descendimus ad binarium, qui ex  
 duabus unitatibus compositus est, nec in ali-  
 os numeros, præterquam in duas unitates  
 resolvi & dividi potest. Et eodem modo  
 mens humana judicat de quantitate conti-  
 nuâ, quæ oculis, ac de sono numerato, qui au-  
 ribus percipitur, utrobique ex eo, quod datum  
 est, vel duplum vel dimidium primum ratio-  
 cinatur, reliquas proportionales non ita statim  
 capit. Detur enim linea, cui conferenda sit  
 alia in aliqua proportionem; statim primo in-  
 tuitu occurrit ejus duplum, sive quod idem  
 est, dimidium, triplum quidem quàm proxi-  
 mè sequitur, sed absq. mensura à minùs ex-  
 ercitato vix perfici potest: quadruplum ad-  
 huc difficilius erit, & quò longius progressus  
 fueris, eò difficilius ejus partes inventientur.  
 Idem accidit etiam in numeris & sonis, ubi  
 duplum ejus longè facilius inventu est,  
 quàm triplum, aut postea alia quævis pro-  
 portio. Ergo proportio dupla naturâ reliquis  
 prior est, & cum eadem sit forma intervalli  
 &  $\Delta\gamma\ \mu\alpha\sigma\tau\omega\nu$ . Id intervallum reliquis o-  
 mnibus est præponendum.

D 2

D:inde,

Deinde illud naturā est primum inter-  
vallum, quod qualitate soni sui quā proximi-  
mē ad unisonum, qui principium est inter-  
vallorum, accedit, & maximē ipsi assimilatur.  
Id autem est  $\Delta\gamma\ \omega\alpha\tau\omega\nu$ , quod propterea  
non consonum propriē, sed equisonum inter-  
vallum appellatur: Idq̃. apparet, si adjun-  
gas ad  $\Delta\gamma\ \omega\alpha\tau\omega\nu$  aliud quodpiam inter-  
vallum, sive id consonet, sive dissonet, tūc  
in hisce sonorum conjunctionibus auris non  
aliter afficitur, ac si audiret sonos simplices  
ex unisono productis, & non cum  $\Delta\gamma\ \omega\alpha\tau\omega\nu$   
junctos. Exempli gratiā, Diapason diapente  
eodem modo afficit auditum, ac si au-  
dires diapente. Sic Diapason ditonus ab  
imperitis tantum habetur pro ditono, sic  
Diapason cum tono, sonat ut tonus &c. Id  
quod in aliis consonantiis nequaquam acci-  
dit, cum longius ille ab equalitate digredi-  
antur, & a simplicitate magis degenerent.  
Adjunge enim ad diapente aliud quodpi-  
am intervallum, ditonium vel tonum, vel  
aliud, statim audies, cum diapente simul il-  
lum ditonium vel tonum planē corrumpi, &  
aliud quoddam intervallum toto genere di-  
versum

versum representari: idem reliquis inter-  
vallis, ditono vel semiditono vel sextae acci-  
det, si ipsis aliud jungatur, solum Diapason  
retinet simplicitatem unisoni propter binari-  
um, qui quamproximè ad unitatem accedit,  
& ipsi maxime cognatus est, & deinde, quòd  
hi duo numeri sunt quasi duo rerum rerum  
principia; unitas quidem aequalitatis rati-  
one, quòd inaequalitas hinc generetur; bi-  
narius verò inaequalitatis ratione, quòd pri-  
mus in inaequalitate consistat, & sons sit re-  
liquarum proportionum omnium, quae vel  
ejus pars sunt, vel ex eo compositae. Cum  
igitur hi numeri tantam cognationem habean-  
t, ut quam amicissimè conjungantur, &  
causa sint intervallorum unisoni &  $\Delta\epsilon\alpha\ \omega\alpha\sigma\omega\upsilon$ ,  
fit ut  $\Delta\epsilon\alpha\ \omega\alpha\sigma\omega\upsilon$  etiam unisono proxi-  
mè praeter ceteris assimiletur, & equisonum in-  
tervallum appelletur. Omne enim effectum  
in natura imitatur suam causam, & genera-  
tum generanti simile existit. Ergo Diapason  
rectè constituitur primum intervallum.

Tertiò, hoc ponendum maxime primum  
intervallum, cujus proprietatem teste Boë-  
thio sensus apertior primum comprehendit.

Quale enim unumquodq; per semet ipsum, est, tale & deprehenditur sensu. Cum igitur omnibus naturâ maximè notum sit id intervallum, quod in proportionem dupla consistit, non est dubium, quin omnium primum sit & reliqua naturâ præcedat. Quis enim alius, nisi natura docuit homines, ut in cantu choralî, qui in Ecclesiâ accinuntur, non in  $\Delta\theta\ \tau\epsilon\upsilon\tau\epsilon$  sive aliâ consonantiâ, sed  $\Delta\theta\ \tau\alpha\sigma\omega\nu$ , si à naturâ diversam ab unisono obtinent vocem, accinans. Diapason ergo omnium primum, & unisono equisonum intervallum est, quod concinentiam aliorum non modo non turbat: sed maximè etiam exornat.

Ex hisce rationibus evidentissimè apparet, Diapason esse omnium intervallorum, primum, & cum primum sit, non pro composito intervallo haberi posse, sed simplicissimū esse. Omne enim compositum posterius est ijs partibus ex quibus componitur. Diapason autem cum sit prius suis partibus, ijsq; essentialiam tribuat, ex partibus iisdem componi non potest, sed simplex est, & suam simplicitatem retinet, quando cum aliis componitur. Imitaturq;

taturq; naturam denarij in numeris. Nam quemadmodum quivis numerus simplex, si cum denario componatur, integer inviolatusq; una cum denario in compositione conservatur, cum in cæteris numeris idem non eveniat: ita etiam in hoc intervallo. Binarium enim si ternario adjicias, quinq; efficies, atq; ita utrumq; corrumpes & numeri speciem immutabis. Si verò eundem binarium denario addas, duodecim efficies, & binarium & denarium junctos, integrè conservabis. Idem accidit in aliis numeris cum denario junctis. Eodem modo intervallum,  $\Delta\epsilon\ \tau\alpha\ \omega\upsilon$ , quodcunq; susceperit intervallum integrum conservat, nec immutat, nec ex consono dissonum vel contrà reddit. Nam sicut diapente consonantia est: ita diapason diapente eandem consonantiam conservat, atq; ita etiam in aliis intervallis.

Jam dicendum, quomodo ex octava omnes aliæ consonantia & intervalla gignantur, idq; demonstrari posset per proportionem harmonicam: Verùm cum prius mediatio earundem docenda sit, idq; brevius ita fieri non possit, per arithmeticas,

D. 4. . . . . qua



quæ omnibus obvia sunt, idem demonstrabi-  
 mus. Est autem medium arithmeticum ter-  
 minorum extremorum dimidium, unde elicit-  
 tur inventio hujus medij, quod videlicet  
 termini extremi addendi sint, & dimidium  
 eorum pro medio sumendum, ut detur pro-  
 portio 4. ad 6. Hi termini addantur, fiunt  
 10. cujus dimidium est quinq, medium arith-  
 meticum intra terminos datos 4. 5. 6. Si ve-  
 rò termini additi constituunt numerum im-  
 parem, tùm termini illi duplicandi sunt. Ex-  
 empli gratiâ sumantur termini proportionis  
 duplæ 1. ad 2. qui additi faciunt ternarium,  
 cujus dimidium dari non potest, idèò dupli-  
 centur termini fiunt 2. ad 4. qui juncti effi-  
 ciunt 6. cujus dimidium est 3. hoc modo 2.  
 3. 4. atq, hæc est prima sectio proportionis  
 duplæ, binarii scilicet ad unitatem, unde dia-  
 pason oritur, ex quâ generantur duæ propor-  
 tiones aliæ, sesquialtera scilicet in numeris  
 2. ad 3. & sesquitertia in numeris 3. ad 4.  
 Applicentur jam hæ proportionibus ad cor-  
 pus aliquod sonorum, ad monochordum vi-  
 delicet, cui inducæ sint binæ chordæ, vel et-  
 iam plures, exactè in unisono constitutæ. Et  
 in

in proportione dupla in numeris 1. ad 2. pro  
 binario sumatur integra chorda. Pro uni-  
 tate verò dimidium chordæ alterius, per ma-  
 gadem in duas partes æquales diuisa, ibi in-  
 tegra chorda ad dimidiam exhibebit octa-  
 uam. Alteram proportionem quæ est 2.  
 ad 3. ita monachordo applicabis, pro terna-  
 rio sume integram chordam. Et deinde ut  
 binarium habeas, divide totum spatium mo-  
 nochordi intra duas magades immobiles in  
 tres partes, & duas harum partium percutite  
 ad integram chordam, & audies  $\Delta^{\text{a}}$  tertiam  
 siue quintam. Tertio ut etiam proportio-  
 nem 3. ad 4. audias: pro quaternario tange  
 integram chordam, sed ut ternarius repre-  
 sentetur, divide totum monochordum in  
 quatuor æquales partes, & tange tres ad  
 integram chordam, & hoc modo  $\Delta^{\text{a}}$  tertiam  
 &  $\rho^{\text{a}}$  siue quartam orietur.

Habemus hoc modo tres consonantias,  
 octauam, quintam, quartam, quas veteres  
 etiam agnoverunt, & hoc modo etiam ve-  
 nati sunt. Reliquas, quas nos præterea har-  
 moniis miscemus, ut tertiam maiorem &  
 minorem, sextam uem maiorem & mino-

D S . . . rem

norem veteres neglexerunt, cum ad suam  
 Musicam & harmoniam propter multas  
 causas, ut infra dicitur, non quadrarent.  
 Nos verò utimur hīs frequentissimè, & quic-  
 quid elegans, suave & affectibus moven-  
 dis in nostra Musicā accommodatum est,  
 eisdem acceptum ferimus, quapropter & ca-  
 rundem originem aperiemus. Non longè  
 autem nobis à simplicitate proportionum  
 discedendum est, quemadmodum enim du-  
 pla Proportio quintam & quartam nobis  
 creavit, ita Proportio sesquialtera, quæ pro-  
 ximè sequitur & forma est  $\frac{2}{3}$  ἢ  $\frac{3}{2}$   $\pi\epsilon\upsilon\tau\epsilon$   
 in numeris 2. ad 3. creat nobis tertiam Ma-  
 jorem & Minorem. Divide enim hanc  
 proportionem, eo modo quem jam demon-  
 stravimus, hoc est, adde terminos & fient  
 quinq;. Sed quinarium in duas partes dividi  
 non potest, idèò duplicentur termini, ut fiant  
 4. ad 6. qui additi denarium constituunt,  
 cujus dimidium est quinarium, qui medius  
 est ratione sectionis arithmetica in ter-  
 minis 4. 5. 6. & habemus iterum duas pro-  
 portiones Musicas. 4. ad 5. & 5. ad 6. quæ  
 iudicio aurium exploranda veniunt, ut cer-  
 tum

tum sit eas convenire Harmonia. Exploratio hac fit per corpus sonorum sive per Monochordum. Secundum majorem terminum igitur in proportionem 4. ad 5. divide totum spatium intra duas magades immobiles in quinque partes, & pro quinario sume quinque partes integram scilicet chordam. pro quaternario autem in altera chorda, quatuor partes tantum per magadem mobilem à quinta parte separatas, tange, & ita suavissimam consonantiam ditonum sive tertiam majorem audies. In altera proportionem 5. ad 6. divide totum monochordum intra duas magades immobiles in sex partes, & pro senario sume integram chordam, sex illas partes, pro quinario autem quinque partes separa, easque ad integram chordam audi, & perspicue animadvertes semiditonum sive tertiam minorem hac proportionem contineri. Habemus hoc modo omnes consonantias in numeris 1. 2. 3. 4. 5. 6. hoc est, in senario comprehensas, qui est numerus perfectus primus, & ex divisoribus suis propriis exactè formatur, ita ut nihil desit, nihil supersit.

Restant

Restant sexta major & minor. Quæ consonantia quidem ex quarta cum tertiâ majore vel minore sunt compositæ, originem tamen suam habent ex proportionē duplā, atq; ita nequaquam pro compositis intervallis, sed pro simplicibus habentur. Omne enim compositum intervallum est majus quàm  $\Delta\lambda\gamma\omega\sigma\omega\nu$ . Fiunt autem hæ consonantia sexta major & minor ex proportionē duplā. Major quidem si tertia minor sive proportio sesquiquinta, ex proportionē duplā subtrahatur. Minor verò si sesquiquarta proportio, quæ forma ditoni est, ex eadem auferatur. Nam si sesquiquintam proportionem 5. ad 6. ex duplā ex 1. ad 2. subduxeris restabit proportio 3. ad 5. quæ est forma sexta majoris, quam audies, si monochordum diviseris in quinque partes, & tres partes ad integram chordam pulsaveris. Sic si proportionem 4. ad 5. ex eadem proportionē duplā sive ex octavā subduxeris, restabit proportio 5. ad 8. quæ est forma sextæ minoris, quod audies, si totum Monochordum in octo partes divideris, & quinque partes tantum ad integram pulsaveris. Vides jam, optime

Hubmei-



*Hubmeicre, consonantias musicas omnes ex-*  
*hiberi in simplicissimis primis numeris in se-*  
*nario comprehensis, cui tamen pro sexta mi-*  
*nore additur primus cubus, octonarius sci-*  
*licet. Septenarius autem numerus qui medi-*  
*us est inter 6. ad 8 ad consonantias vel in-*  
*tervalla Musica gignenda prorsus ineptus*  
*est. Idq, manifestum est ex eo, quod auditus*  
*intervalla, qua ex eo gignuntur in mono-*  
*chordo, prorsus respuit, neq, etiam ea pro dis-*  
*sonantiis admittit, ut ita prorsus nullum lo-*  
*cum in consonantiis gignendis locū habeat,*  
*& deinde etiam, quod circulus, in cujus legi-*  
*timā sectione omnes partes senarij locum ha-*  
*bent, nullo modo in septem partes secari pos-*  
*sit. In practicā tamen musicā usus septenarii*  
*multus est, ut experientia ostendit. Ex hisce*  
*spero manifestum jam erit, quomodo inter-*  
*valla musica sive consonantie generentur,*  
*videlicet non concretionē, ut ex minoribus*  
*majora intervalla fiant, sed divisione, quan-*  
*do majora intervalla legitimā sectione, tam*  
*harmonicē quā Arithmeticē institutā in*  
*alias proportionēs dividuntur. Sequitur ut*  
*dicamus etiam de consonantiarum per-*  
*fectione,*

fectione, de qua questio hac instituta est.

Perfectas consonantias Musici vocant, quæ eâ potestate prædita sunt, ut siue ponantur per se, siue aliis jungantur, harmonia & auditur ita satisfaciant, ut nihil magnoperè desideretur, regulasq; de ijs tradunt, quod seipsas in sua specie in condenda harmonia consequi non possint, propterea quod forment sonum quasi tetragonum, qui ad volubilitatem planè ineptus sit, atq; harmoniam simplicissimam gignat, de qua præceptione an ex veris artis Musica fundamentis extructa sit, alibi erit dicendi locus. Hic tantum loquor de definitione perfectionis secundum veteres, qui perfectam consonantiam aliam non agnoverunt, quam quæ contineretur in quaternario, & in hac sententia, quantum scio, adhuc sunt omnes Musici, qui pro perfectis consonantiis tantum habent octavam, quintam & quartam, ut valdè mirer, quæ te nova opinio invaserit, ut non solum tertiam putes perfectam, sed & reliquis omnibus præferendam. Porro si ex fundamentis Musica de perfectione aut imperfectione consonantiarum loqui velimus,

non difficile erit attendenti de hac re pronunciare. Omne enim, quod origini proximum & simplicissimum est, id magis est firmum & perfectum, unde consequens, nihil in Musicis perfectius esse unisono, qui & respectu sui tantum unus est, & in aequalitatis ratione continetur, atq. idè plerumq. finis biciniorum in unisono constituitur. In fine autem de perfectione sonorum in musicis iudicium fieri posse, omnibus puto manifestum esse, cum tam in orationibus, quam in Harmonis semper aliquid in fine desideretur, quod & menti satisfaciat, & in quo aures etiam possint acquiescere.

Unisonam perfectione sequitur octava, quae aequisonum intervallum est, & unisono valde assimilatur, hæc ut unisonus locum habet tam in principio quam in fine, & ubicumq. aliàs harmonia ad quietem tendit. De ejus igitur perfectione dubitari non potest, cum prima & simplicissima sit consonantia, & reliquorum mater. Quinta vero longius ab unisono discedit, quam octava, atq. ita longius & ab aequalitate  
& sim-

& simplicitate abest, idcò minùs perfectà,  
 est, quàm octàva, eà tamen adhuc potestate  
 est, ut possit harmoniam sustinere, quan-  
 quam non perfectè, sed quasi consequentiam  
 aliquam designans, ut in Grammaticis lo-  
 quimur, idcò si harmonia binas partes habet,  
 sepiusimè quinta prioris partis sinem format,  
 & aliquid adhuc superesse ostendit. Quarta  
 verò suà perfectione serè excidit, cum sola,  
 absq; quinta aut tertia haberi non possit, &  
 tantum quasi copula est, qua termini octa-  
 va vel sexta in medio colligantur, ideòq;  
 etiam ab illa musicorum regula, quā conso-  
 nantia perfectà ejusdem speciei se sequi pro-  
 hibentur, soluta est, & sepiusimè continua-  
 tur. Nequaquam tamen propter hasce cau-  
 sas ex numero consonantiarum rejici potest,  
 quod aliqui cum summa ipsius injurià au-  
 dent. Nam primò formam suam, sive pro-  
 portionem sesquitertiam habet in senario  
 comprehensam, & omnes proportionès quæ  
 in senario sunt, sonorum concordiam pro-  
 creant, Ergo & hæc ejusmodi est, ut ad dis-  
 sonantias non degeneret. Deinde cum veris-  
 simum sit, quòd nihil per se & absolutè disso-  
 nare

nare possit, quod in intervallis duarum vel plurium proportionum consonat,  $\Delta\epsilon\alpha\tau\epsilon\alpha\varsigma$   $\alpha\gamma\epsilon\omega$  dissonantia non est. Nam si cum diapente copuletur, restituitur in tribus hisce numeris 2. 3. 4. & in duabus proportionibus aquisonum illud intervallum  $\Delta\epsilon\alpha\tau\omega\tau\omega$  in extremis terminis, qui medium sonum, ut utriq; consonum, assumunt. Si ditono vel semiditono copulatione jungatur, sextam majorem vel minorem procreat, utramq; cum suo medio sono consonantem, in numeris 3. 4. 5. & 5. 6. 8. Id quod non fit, si intervallum aliquod, quod dissonat, consono alicui copuletur. Si enim tonum vel semitonium, cum  $\Delta\epsilon\alpha\tau\epsilon$  jungas, extrema quidem sextam majorem vel minorem constituunt consonantem, & sic etiam diapente seorsim sumtum suam in duobus sonis retineret concordiam, verum tertius utrobique, qui accedit sonus, sive ille sit tonus sive hemitonium, suam violentiam hanc sonorum concordiam turbat & evertit. Idem accideret etiam si eadem dissonantia vel alia etiam ditono vel semiditono, vel qualicunque alij intervallo consono copulatione jungerentur. 3. Intervallorum

E

à pri-



à primo ortorum affectio ea est, ut si aliquod  
 horum ex diapason subtrahatur, relinquat  
 intervallum simile, quod genere cum priore  
 consentiat, sive id fuerit consonum, sive dis-  
 sonum. Exempli gratiâ, si sesquioctava dis-  
 sonans intervallum ex diapason subtraha-  
 tur, relinquet proportionem super septem  
 partientem nonas, quæ procul dubio genere  
 cum sesquioctava convenit & eodem modo  
 dissonat in terminis 8. 9. 10. idem in aliis  
 etiam experieris. Contra si ditonum, qui  
 consonat, ex diapason subtrahas, relinquetur  
 sexta minor similiter consonans, in terminis  
 4. 5. 8. Idem eveniet etiam in semiditono, in  
 terminis 3. 5. 6. ubi sexta major relinqui-  
 tur. Ergo si  $\Delta\eta$  τεσσάρων erit dissonans in-  
 tervallum, relinquet etiam sui generis si-  
 militer dissonans intervallum, quando ex  
 diapason subtrahitur. Sed non relinquit  
 dissonans intervallum: sed maximè conso-  
 num, diapente scilicet, in terminis 2. 3. 4.  
 Ergo  $\Delta\eta$  τεσσάρων non dissonans interval-  
 lum est, sed consonans. Cedit quidem pluri-  
 mum bonitate intervallo &  $\Delta\eta$  πέντε, sed &  
 idem facit sexta, quæ suavitatem tertie ne-  
 quaquam

quaquam par est, si cum eâdem conferatur : sed tamen cum sexta propterea inter dissonantias non referatur. Ἀλλὰ τοσαύτων etiam pro dissonantia propter hunc defectum haberi non debet. 4. Idem probat experientia & usus. Constat enim, quod Ἀλλὰ τοσαύτων in instrumentis Musicis, si chorda secundum veras proportionem exactè intendantur, non modò non dissonet : sed etiam ejusmodi sonum procreet, qui dux & fundamentum reliquarum chordarum intendendarum esse possit : ut videre est in testudine usitato instrumento musico, quæ chordas in diversis sonis ad Ἀλλὰ τοσαύτων distantes, & non ad alias quasdam consonantias temperatas, & intensas exhibet, & tamen quasvis consonantias, si à perito artifice tractetur suavissimè exprimit, id quod dissonans interval- lum minimè præstare potest, cujus mensura, ad auditum planè incerta est. Sole enim consonantie perfectionem suam auditui exhibent, & determinatum finem, quando ad perfectionem pervenerunt, habent, unde reliquæ chordæ dirigi possint. Dissonantie ubiq; quidem audiuntur, quam primum à

Sono consonō vel in acutum, vel in grave  
 deflexeris, sed quando ad veram suam pro-  
 portionem perveniant, quando eam attingant,  
 vel excedant, auditu percipi & dijudicari non potest, ideoq; ad dirigendos reliquos  
 sonos prorsus sunt ineptæ. Porro testimonia  
 veterum, qui  $\Delta\gamma\alpha\tau\epsilon\omicron\varsigma\alpha\gamma\omega\upsilon$  consonantiam  
 statuerunt, eam approbarunt & perfectam  
 etiam existimarunt, plurima sunt, si ea colligere  
 opera precium esset. Paucos autores  
 tantum adducam, ut, Pythagoram in inventione  
 proportionum musicarum, apud Boeth. lib. 1. Mus. cap. 10. Boethium ipsum in  
 multis locis, Dionem Historicum lib. 37. Macro-  
 bium, Vitruvium, Plutarchum, Censorinum &c. Usus verò hujus intervalli  $\Delta\gamma\alpha\tau\epsilon\omicron\varsigma\alpha\gamma\omega\upsilon$   
 longè maximus est, ita ut nec plurimum  
 vocum concentus, nec progressus haberi  
 possit, si non id frequentissimè adhibeatur.  
 Quapropter, nequaquā è numero consonan-  
 tiarum, rejiciendum, sed propter usum, quem  
 in melopœja, si dextrè adhibeatur, habet am-  
 plissimum, recipiendum, usurpandum, & si  
 non pro perfectâ, tamen pro tolerabili conso-  
 nantiâ habendum, atq; hac de perfectis con-  
 sonantiis.

Ad

Ad reliquas quod attinet, quibus veteres in sua Musica abstinnerunt, & quarum formas sive proportionales plerique eorum videntur ignorasse, ut sunt tertia major, tertia minor, sexta major, sexta minor, pro perfectis consonantiis ea haberi non possunt, cum ab equalitate longius absint, & partim etiam in superpartientibus proportionibus efformentur. Consonantie tamen sunt, et si fluxæ & instabiles, quæ harmoniam sola & per se sustinere nequeant, interim tamen suavissima sunt & jucundissimâ varietate distincta, ita ut quicquid in nostra Musicâ elegans, concinnum, & affectibus movendis accommodatum esse possit, totum id ab hisce consonantiis petatur, quod hac potissimum de causa evenit, quod cum longius à simplicitate discedant, harmoniam volubiliorem reddunt. In simplicitate enim tantum harmonia fundamentum & firmamentum subsistit, in mixtis verò hisce, & à simplicitate aliquantum remotis consonantiis volubilitas ejusdem, & ad omnis generis affectus eliciendos accommodata varietas, idè non absurdè emblematis parietibus insertis con-

E 3

feruntur,

feruntur, quæ edificio quidem fundamentum non substruunt: Sed eidem tamen omnibus in partibus decus & ornamentum addunt. Concludimus igitur, Perfectas consonantias esse, potissimum quæ in multiplici proportionem constituuntur, & deinde etiam, quæ in superparticularibus, tummodo earum formæ quaternarium non excedant. Reliquas autem, quarum forma tam in superparticularibus, quàm in superpartientibus sunt, quæ à quaternario ad octonarium pertinent, pro imperfectis habendas, quæ ad decus potius harmonie conciliandum, quàm ad essentiam ejus constituendam adhibeantur. Et tandem compositas consonantias simplicium suarum naturam sequi. Jam tuam etiam sententiam de perfectione consonantiarum, quomodo fundamentis hisce musicis conveniat, excutiemus.

Questionem, quæ dicis utra consonantiarum sit perfectior ita informas, tanquam de duabus consonantiis tantum sis a-  
 cturus & utra ex propositis duabus perfectior habenda sit, & tamen contra statum  
 questionis de tribus collationem instituis, de  
 octava, de quinta, de tertia, imò etiam de  
 sexta,



*sexta, & triū perfectionem asseris, sextā tantum delicatā ex Symphonicorum sententiā nuncupandam. Ego nollem hoc modo loqui.*

*Quæ ex his perfectior censenda sit, pro artis exquisitæ cognitione dubitari potest. Imò exquisita artis cognitio te de harum consonantiarum perfectione certissimum fecisset, nec in dubitatione reliquisset.*

*Octavam plurimi numeris omnibus absolutam censent. Nisi hyperbolicè loqueris, octava multos numeros non habet in sua proportionem, tantum unitatem & binarium. Cum octava duplicet sonum. Quæ ratio consequentia, Quinta perfectior est quàm octava, quia octava duplicat sonū? Deinde quid significat duplicare sonum? Si intelligis sonum de gravi & acuto, omnes consonantiæ huiusmodi habent distantes sonos? Si putas sonum in octava duplicari, hoc est firmiter fieri, tibi ipsi contradicis? quod enim magis firmum, illud magis perfectum.*

*Quinta sonorum perfectā & distinctā harmoniā consistit. Et octava est imperfectiore harmonia & simul in distincta, ergo octava magis erit perfecta. Non nego tamen quintam magis esse sonoram,*

*E 4*

*quàm*

quàm octavam, quod ideò fit, quia longius à simplicitate discedit, & plus varietatis admittit. Varietas autem in sonis acceptior & suavior est auribus, sed eadem innuit illam consonantiam minùs esse perfectam.

2. Quia quinta est mensura octavæ. Non hoc profers ex exquisita Musices scientia. Falsum enim est, ut antea demonstravimus. Praterèa si quinta esset mensura octavæ, vel bis in octava contineretur exactè, vel semel tantùm & aliquà quinta parte, puta dimidià, tertià, quartà &c. Sed neq. dimidia quinta, neq. ejus tertia vel quarta &c. pars unquam dari potest, Ergo quinta non est mensura octavæ, sed contrà octava est, ut demonstravimus, mater quinta.

3. Penes quintam est facilis lapsus, seu in iteratis, seu in prohibitis. Quærendum, quid tibi hisce verbis velis. Si facilis in quinta lapsus, ergo eò magis erit im. perfecta & praternaturalis. In maximè enim naturalibus nullus lapsus. Deinde, estne prohibita quinta intervallum Musicum? Imò estne, ut tu vis, consonantia?

nego

*Negoutrumq. Nunquam enim in modulatione adhiberi potest, & est in proportionem super undecim partiente 25. in numeris 25. 36. unde intervallum modulationi vel harmonia aptum nunquam generari potest, & si quando occurrit, ejus absurditas vel celeritate, vel per syncopen dissimulatur.*

4. Quod colligat intervalla maximi artificii. Quis queso artifex intervallorum in Musica? nonne Natura? Intervalla, igitur, quæ secundum naturam in proportionibus formantur, ea reliquis preferenda, ideòq. octava, quæ naturaliter precedunt, erunt intervalla maximi artificij. Sed estne prohibita quinta, ut appellas, intervallum maximi artificij?

5. Quinta ideò etiam perfecta, quia Harmoniæ, quæ ex quinque vocibus constitutæ sunt, sunt singularis artis & observationum certarum. Μουσική τοῦ hoc & ex exquisita artis Musica cognitione sumtum argumentum pro tuo cerebro. Cur non potius Harmonia trium, quatuor, sex, septem, octo, novem, decem, undecim, duodecim, sedecim, triginta, quadraginta &c. vo-

E S cum

cum, quinq; vocibus semper postponuntur, & omnes harmonie tantum ex quinq; vocibus constant, si sunt optima? Et cur non ex hac consequentia septima, nona, sedecima, tricesima, & quadragesima sunt consonantie Musica, & fortassis etiam perfecta? miseret me tui. Quid hoc ad *Δὲ πέντε*, quod Harmonia quinq; vocum singularis artis est? Sunt ne in *Δὲ πέντε* quinq; soni, qui consonantiam faciant? & qua tandem est singularis illa ars?

Tertia perfectionem asseris, quod omnium prima, quod ceteras consonantias constituat, quod simplicissima sit. Hac falsa esse & ex vulgi opinione nata, nec ex fundamentis Musicis extructa, satis demonstravi. Quod verò addis purissimam esse tertiam, quod semitonii concursus in ceteris sit frequentior, quibus innuis consonantias, in quibus plura sunt semitonia, minus puras esse, sed in eo falleris. Nam hoc modo sexta minor, cui insunt duo semitonia cederet bonitate sextæ majori, quæ unicum tantum habet. Sed hæc austerior & durior, illa suavior. Ego contra sic arbitror. Quicquid

quid in Musica suave est, id totum esse ex Semitonio, & quò frequentius miscetur, eo harmoniam aptiorem reddi ad affectus movendos. Signa etiam intrinseca in systemate, b. rotundum, ♮ quadratum vel cancellatum, quid aliud agunt, quàm ut semitonia harmonia misceant? Si harmonia inde oritur impurior, cur ab istis signis non abstinemus?

In numero tertiæ est aliquod peculiare: in sono itidem. Explica quæso, quid sit peculiare in numero, quid peculiare in sono. Sonus effectus est numeri. Si igitur peculiare illud numeri explicaveris, de sono facile ratiocinabimur. Sed de causa in numero scilicet, taces, & verba nobis oggannis, non res.

Puritatem potest retinere præcipuam, istam puritatem non intelligo. Nam & tertia major in minorem, & contra minor in majorem per Chromatica signa vel distendi vel contrahi possunt. Cum id in octavis & quintis nequaquam accidat, & præterea nihil est impurius tertiis istis, si in graviorebus sonis accinantur?

De



*De ceteris in hac quaestione nolo amplius quid addere, cum plura quàm satis est, ad hac absurda alias verba fecerim.*

*De quaestione decimatertia.*

*An Modi Musici rectè definiantur.*

**B**inas in responsione ad hanc quaestio-  
nem affers Modorum Musicorum defi-  
nitiones. Priorem Glareani, quæ est, quòd  
Modi sint ipsius  $\Delta\eta$   $\pi\alpha\sigma\omega\upsilon$  consonan-  
tia species, quæ & ipsæ ex variis  $\xi$   $\Delta\eta$   
 $\pi\alpha\sigma\omega\upsilon$  &  $\Delta\eta$   $\tau\epsilon\alpha\sigma\acute{\alpha}\rho\omega\upsilon$  speciebus con-  
sistunt. Hanc, inquis, tanquam ex com-  
mentario sumam, Musicos ad Præcepti for-  
mam minùs invidendam ita efferre. Mo-  
di sunt certa Harmoniæ genera, quæ ex  
septem  $\Delta\eta$   $\pi\alpha\sigma\omega\upsilon$  speciebus, seu octa-  
vis pro variâ quintarum & quartarum  
connexionem oriuntur. Hanc definitionem  
legitimam esse contendis, cum 1. comprehen-  
dit naturam Modorum generaliter, 2. Ge-  
nus rectè assignet, & 3. differentiam expli-  
cet: Ego contra vitiosam eam esse assero &  
assumo tuum argumentum, quòd videlicet  
hæc definitio non modi generaliter per se,  
sed

*sed multorum Modorum simul sit definitio. In artibus autem & disciplinis omnia in specie & in singulari numero sunt definienda non in plurali. Exempli gratiâ: Grammatica definitiones non directæ sunt ad nomina, verba, Participia &c. sed definiunt nomen, verbum, participium &c. in singulari numero. Sic Dialectica definitiones nequaquam diriguntur ad Propositiones, Syllogismos &c. ut hac exempli loco afferam, sed definiunt Propositionem, syllogismum. Deinde hac eadem definitio sub uno complexu ut loqueris, capi non potest. Non enim dicere possum, Modus est certum harmoniæ genus, quod ex septem speciebus octavæ &c. oritur. Nam Modus continetur tantum in una octavâ. Et etiamsi definitionem hoc modo instituerem, ut dicerem, Modum esse harmoniæ genus, ad certam octavam: tamen differentiam connexionis quartæ & quintæ addere ita non possem. Nulla autem definitio fit absq. differentia, cum igitur hæc definitio in singulari numero ad Modum generaliter dirigi non possit, falsa est.*

*Secundo, Genus non rectè assignatum arbitror*

bitror. Nam Modus non est vel harmonia vel genus harmonia. Omnis enim Harmonia in Musicis est concentus, & concentus fit ex consonantiis. Sed in cantu chorali, item in Germanicis cantilenis, quas in Ecclesia populus simul accinit, nulla sunt consonantia, nullus ergò ibi concentus vel Harmonia. Ergo in nullo etiam ad tuam definitionem erunt Modi. Atqui nullibi melius fortassis Modi, quam in hisce exprimuntur. Ergo genus tuum nimis est angustum, cum non capiat omnes species cantilenarum.

Tertiò, Admonitio de speciebus  $\Delta\gamma\omega\alpha\sigma\omega\nu$ , ad quas modi dirigantur, quas pro differentiâ videris assumere, locum non habet in Harmonius, quarum partes ratione acuminis & profunditatis in diversis diapason speciebus constituta miscentur, & tantum unicum constituunt Modum.

Quarto, finem, quem definitioni addendum mones, quòd Modus instituatur ad movendum animum, arbitror malè ad doctrinam Modorum torqueri, cum pertineat ad cantum definiendum. Finis enim cantilene est, movere animum & ideo instituitur.

Modo-

Modorum nulla peculiaris vis ad affectus  
 movendos, quod usus & experientia te do-  
 cere potuerant. Musicorum principes, Or-  
 landus, Utendalius, Andreas Gabrieli, &  
 alij, Psalmos pœnitentiales vel Lamentati-  
 ones Jeremia & hujusmodi alia, qua gene-  
 re affectuum conveniunt, & tristitiam, com-  
 miserationem, planctus & ejulatus conti-  
 nent, ad omnes fere Modos simul applica-  
 runt. Multo plures Musici canticum Mariae  
 virginis leticiae & exultationis plenum ad  
 eosdem Modos musicos decantarunt. Si Modi  
 motu animorum differunt, qui sit, quod con-  
 trarii motus animorum iisdem tribuuntur?  
 Artificum est mixtione diversarum conso-  
 nantiarum & clausularum cantilenam in-  
 fletere & motus animorum textui & ma-  
 terie convenientes exprimere, Non hæc vis  
 propriè est in modis (Exempli gratiâ, Or-  
 landus lamentabilem illam divitis epulonis  
 in inferno ad Abrahamum institutam que-  
 relam felicissimè in Dorio Modo expressit,  
 qui tamen Modus latissimus Musicis ple-  
 risq; videtur, & ad quem omnia Canta-  
 re, jubilate, exaltate &c. ferè instituuntur.

Sed

Sed tamen ne omnem aptitudinem ad movendum animum ipsis auferre videar, sic statuo. Modos se habere in Musicis ut genera carminum in Poësi, & quemadmodum non qualibet materia quovis genere carminum, satis aptè exprimi potest, nisi accedat peritissimus artifex. ita etiam esse in Musicis, ubi Modi quidam maximè secundum naturam latiores sunt, ut Ionicus, quidam austriores & tristiores ut Lydius &c.

Quòd ad cetera attinet, hoc etiam admonendum existimo, quòd interdum in Musicis absurdè loqui videris, quòd Musici peritiores non ita concoquere possunt, ut tùm alibi, tùm hoc loco, quando scribis: Omnem modum certam harmoniam conflare posse, sive consonantiam. Num moti conflant harmoniam vel consonantiã? Nonne consonantiæ quæq; oriuntur ex suis proportionibus, ut antea demonstravimus? Deinde Harmonia & consonantiæ ibi videntur idè. Sed non sunt idem, Consonantiæ enim ex suis proportionibus productæ, quando ita tanquam in certo loco subsistunt, manent consonantiæ, at quando moventur & modulati-



one in aliam atq; aliam progrediuntur, tàm generant Harmoniam, atq; ita Harmonia semper est in motu. Consonantia verò tanquam certo loco defixa. Tertiò, quòd ex distinctione cantûs & Harmoniæ sis Modos si quatuordecim numerentur, oriri viginti octo, aut si duodecim viginti quatuor. Quomodo quæso distinguuntur cantus & Harmonia? nonnè ut genus & species? Omnis quidam Harmonia cantus est, sed non omnis cantus Harmonia, & num tibi cantus in modulatione simplici diversus est genere à modulatione figuratâ? *Ene* satin sanus es? Putas nè cum figuratâ Musicâ superiori seculo exortâ simul novos Modos enatos? Vides igitur, nihil ferè, quod studiosos Musices juvare possit, in hac quaestione à te propositâ allatum, contrà verò plurima quæ offendant.

At tu fortassis, si hac tibi non probantur, inquires, melius quid affer. Et si ego de Musicis præceptis scribendis antea non cogitavi: tamen proponam brevissimè meam sententiam, quam fortassis limabunt posteriores cogitationes, hoc modo:

F

Cantus

*Cantus est modulatio ad affectum.*

*Modulatio inflectit sonos ad certum Modum & formam.*

Hic soni explicandi & intervalla.

*Modus est modulatio ad certam vocem Musicalem. Hic, credo, obstupeſces, quia novum tibi. Sed affueſce paululum hiſce & attende. Voces Musicales intelligo, non ſex illas vulgares, quæ mutatione inconstantibus & dubia inter ſe confunduntur. Sed ſeptem voces Musicales intelligo, ſive jam uſitatis addatur ſyllaba Si, ſive ſumantur Bo, ce, di, ga, lo, ma, ni, Nam hoc modo datâ voce Musicali datur certa ſpecies *Δὲ τῶν*. Vox Musicalis enim repetita ſuam conſtituit octavam. Ergo ex voce Musicali, ut vel Bo, procedit prima ſpecies diapason ex re, vel ce ſecunda, & ita deinceps, atq; ita ſpecifica differentia certa abſq; ullâ ambiguitate breviffimis verbis ſuo generi additur. Deinde in vocibus Musicalibus ſpecies diapason non mutantur, ſive canas in regulari ſyſtemate, ſive in tranſpoſito. Cum contra, ſi ſpecies diapason clavibus alligentur, diverſæ ſiant in tranſpoſitione, ut in regulari*

lari systemate clavis C habet primam speciem diapason, in transposito verò hac ratio mutatur, & clavis f accipit primam speciem, quæ in regulari quartam habuerat, & ita deinceps. Multò igitur facilius doctrina Modorum ad voces Musicales tradipotest, quàm si ad claves adstringatur.

Modus geminas habet species, aut enim contentus est: aut remissus.

Contentus modus est, qui à sua voce Musicali ad octavam ascendit.

Remissus, qui tantum ad quintam ascendit, & ut octavam suam compleat  $\Delta$  &  $\tau$  octavam intervallum inferius assumit.

Modi sex sunt; Ionicus, Dorius, Phrygius, Lydius, Mixolydius & Aeolius. Nam ex voce musicali si vel ni modus oriri non potest, in figurata scilicet Musica, propterea quòd diapente in sua proportionem ad clavem finalem haberi nequeat. Fuerunt tamen, qui ad hanc vocem musicalem cantilenas instituere conati sunt, sed id præstiterunt per multas fictiones, quibus cantilena suà voce Musicali excutitur, & in syllabam vel vocem mi vel di planè detorquetur, & in

aliam modum transit. In Choralitamen Musica, sive in cantilenis simplicis modulationis non abhorret penitus à natura hic modus, si peritus artifex accedat, ut quadam exempla apud veteres ostendunt.

Forma cantilenarum est aut simplicis modulationis aut ad Harmoniam, sive est  $\sigma\mu\acute{o}\phi\omega\nu$  & aut  $\omega\sigma\lambda\acute{o}\phi\omega\nu$  &.

Quæ simplicis modulationis sunt, aut Modum certis clausulis in quadam sui parte ostendunt: aut liberius vagantur. Prioris generis sunt, Introitus, Responsoria, Antiphona &c.

Sed satis de his. Nam Musicam hoc loco scribere animus non est, delineare tantum, quadam volui.

### De questione decima quarta & decima sexta.

An octo tonis omnis cantus absolvatur.

Item:

An vulgaris octo Modorum agnitiono sufficiens sit.

**R**esponso ad questionem alteram, petenda est ex priore, si enim plures sint Modi

Modi quàm octo, & singuli habuerint certā  
 notam sui cognoscendi, certè huiusmodi nota  
 octo cognoscendorum modorum non suffici-  
 ent: sed tot erunt notæ; quot sunt Modi. Ad  
 primam igitur rectè respondes, quòd plures  
 sint Modi, quàm octo. Idq̃, demonstrari pot-  
 est ex septem speciebus intervalli  $\tau$   $\Delta$   $\sigma$   $\omega$   $\alpha$   
 & septem vocibus Musicalibus. Nam  
 quemadmodum diapason principium, mater  
 & mensura est omnium intervallorum,  
 tam consonorum, quàm dissonorum: ita et-  
 iam monstrat, quot modis cantilena, ut cer-  
 tis limitibus ingreditur & finiatur, insti-  
 tuti debeat. Idem demonstrant voces Musica-  
 les, quæ species diapason aperte ostendunt.  
 Sed tua ratio, quam affers, absurda est,  
 quando dicis. Plures ideò esse modos, quòd  
 affectiones humana mentis sæpius varien-  
 tur, quàm octies. Nam eodem modo dicere  
 possem, easdem affectiones pluries variari,  
 quàm duodecies, atq̃, ita plures etiam essent  
 Modi, quàm duodecim. Deinde Modi affe-  
 ctuum movendorum causa non sunt, ut in  
 precedenti questione audivimus. Sed si  
 quid conferunt, totum illud consistit in apti-



rudine rerum tractandarum. Exempli gratiâ Phrygius modus apud Græcos dicebatur bellicosus, propterea quòd in bello & in prælio ineundo accineretur, & singularem vim haberet ad animos militum concitandos. Hodie ratio excitandorum ad pugnam militum instituitur ad Ionicum, & alij modi inepti judicantur, ad ejusmodi motus animorum excitandos. Queritur jam, quí fiat, quòd hodiè Phrygius modus nihil faciat ad furorem bellicum excitandum: aptissimus contrà sit ad res amatorias. Ionicus verò olim amatorius dicatus, qui propterea lascivus dicebatur, hodiè bellicis cohortationibus adhibeatur? Num animi hominum mutati? aut ratio bellialia? Sed hæc mutari non possunt. Ergo, si effectus de causa testari debet, suspicari possumus, Modum, quem Ionicum appellamus, olim Phrygium dictum, & contrà. Sed turbat tamen in hisce etiam Boëthius, qui Hypodorio eadem intervalla tribuit, quæ nos Hypoionico, ut ita nihil certi de nominibus Modorum à gentibus desumptis pronunciari possit. Sed hæc ad pleniorẽ

Modo-

*Modorum doctrinam pertinent, quæ non est  
huius loci.*

*Ad alteram questionem quod attinet,  
si verba & formam questionis respiciamus,  
videtur primo intuitu eadem cum præce-  
denti. Si enim essent octo tantum modi,  
certè sufficeret etiam octo Modorum  
agnitio. Sed te aliò respicere, ex responsi-  
one tuâ liquet, quæ planè ad alium finem  
directa est, & ostendit te hoc velle, an  
Præceptiones veterum de cognitione octa  
modorum sint satis certæ & constantes  
ad octo illos Modos indicandos & defini-  
endos. Ad hanc respondes, quòd præce-  
ptiones huiusmodi vulgares sint, nec satis  
certæ, & ex speciebus diapason certius de  
Modis pronunciari posse. Hac summa est  
tue responsionis, quæ non mala est, & di-  
stinctione fiet melior.*

*Præceptio veterum de Modis cognoscen-  
dis consistit in doctrina de repercussione,  
quam voluerunt esse intervallum, quòd  
proprium sit in singulis Modis, & prima  
Modo dederunt intervallum re la per quin-*

*nam; secundo re, fa, per tertiam; tertio mi,  
 fa per sextam: quarto mi, la, per quartam:  
 quinto ut, sol, per quintam, Sexto fa, la,  
 per tertiam: Septimo ut, sol, per quintam,  
 octavo ut, fa, per quartam. Hæc præceptio  
 etsi vulgaris est; tamen non facile fallit in  
 cantu Chorali, qui apud illos veteres solus  
 in usu fuit in Antiphonis, Responsoris, In-  
 troitibus &c. Nam repercussio Latinis idem  
 est, quod Grecis ἀντίφωνον, non tamen signi-  
 ficat totam illam Antiphonarum modulasi-  
 onem. Sed designat tantum id intervallum,  
 quod intercedit inter finem Antiphonarum  
 & Εὐουαε, ut primi toni percussio est, re, la,  
 quia Antiphona primi toni finiuntur in cla-  
 ve D. initium autem vocalium Εὐοὐαε,  
 qua seculorum Amen denotant, est in clave  
 a. atq. ita à fine Antiphoni, usq. ad Εὐουαε  
 est, re, la, atq. ita in reliquis. Datâ igitur  
 hac repercussione, statim datur ratio modu-  
 landorum Psalmorum, ex modulatione por-  
 rò Psalmorum, etsi nonnihil variantur, ha-  
 bentur versus in Introitibus & Responso-  
 riis, quos certè hoc modo rectius cognoscēs,  
 & ad tonos suos referes, quàm ex suis speci-  
 ebis*

ebus diapason, à quibus hi cantus sæpe in diversum abeunt. Sed ad figuratam nostram Musicam, item quæ nova instituuntur modulationes simplices, nihil ferè facit ad modos cognoscendos, nimis simplex, generalis & dubia est, atq; ita ferè nullius usus, & cognitio modorum hîc rectius sumitur ex modicujusvis definitione, quæ est ad certam vocem Musicalem, quàm doctrinam hîc prolixius tradere animus non est, etsi specimen dedimus, eam compendiosius doceri posse, quàm ab aliquibus factum est.

### De questione decimaquinta.

An Secunda novem an pluribus constet commatis.

**P**ervenimus ad hujusmodi questionem, de qua nemo pronunciare potest, nisi cui proportionum doctrina in Arithmeticis notissima est. Proportiones enim sunt formæ intervallorum, atq; ita eorundem causæ. & scire rem, est rem per causas cognoscere, Ergo nemo de intervallorum quantitate & qualitate statuere quippiam rectè potest,

F S nisi

nisi proportionem rectè cognoverit, earum notationem, quantitatem, qualitatem, additionem, subtractionem, copulationem, equiparationem &c. didicerit. Quemadmodum enim Chronologum, qui de tempore civili aliquid rectè scribere, aut alios docere vult, oportet nosse motum luminarium cælestium, quæ causa & forma sunt temporis civilis. ita etiam Musicum, qui de intervallorū quantitate & qualitate tradere aliquid cupit, numerationē proportionum scire necesse est. Et quemadmodum Chronologus, qui motum luminarium cælestium ignorat & computare non potest, & tamen audeat de tempore civili aliquid scribere, aliis de eadē re publicè litem movere, atq; ita de re sibi ignotissimā turpiter contendere, non solum ineptus habetur: sed etiam temerarius, impudens, & injurius, tum in eos, quos preciosissimo thesauro temporis, quo in nugis illis legendis abutantur, spoliatur, & quos in errorem abducit. tum in rempubl. literariam, cujus instrumenta temerè perdit. Ita etiam est, qui de Musicis intervallis aliquid commentatur, & doctrinam proportionum ignorat.



ignorat. Spero te doctrinam hanc rectè cal-  
lere, ideòq, difficile nobis non erit ad propo-  
sitam questionem dilucidè respondere.

Questionem moves, quæ ambiguitate  
verborum dubia est quæ distinctius erat  
proponenda. Quæris, an Secunda novem  
vel pluribus commatis constet. Secunda in  
Musiciis ut scis, tam est Semitonium, quam  
tonus, de utroq, enim rectè dicitur, quòd sit  
secunda. Deinde semitonium rursus duplex  
est, majus & minus, quemadmodum & to-  
nus, de quo ergo intervallo ex hisce quatuor  
quæris? Puto de tono majore, qui in sesqui-  
octava proportionè continetur. Ita igitur  
questionem informare debueras. an sesqui-  
octavâ constet novem commatis. In qua  
questionè primùm occurrit subjectum, de  
quo queritur, videlicet sesquioctava. De-  
inde subjecti hujus quantitas, an sit novem  
commatum, sive an novem commata ses-  
quioctavam rectè metiantur. Si jam con-  
stabit de quantitate mensura, sive de com-  
matis proportionè, & scriverimus etiam equi-  
parationem proportionum, aperta erit omni-  
bus responsio.

Comma

70  
 Comma apud veteres Musicos est differentia, quā sesquioctava proportio superat duo semitonia minora. Idem comma est etiam differentia, quā apotome superat semitonium, & tandem etiam est differentia, quā diapason sex tonis exceditur. Boeth. lib. 3. Musices cap. 4. & sequentibus. Constituitur in proportione super 7153. partiente 524288. In numeris minimis 531441. ad 524288. atq; hac est quantitas commatis. Jam de equiparatione. Boethius lib. 3. cap. 16. Musices equiparat octo & postea novem commata cum sesquioctava proportionem hoc modo. Redigit proportionem commatis & sesquioctave ad eundem denominatorem, cui postea addit numeratorem commatis, & numeratorem etiam sesquioctave. Denominatorem in proportionibus voco numerum majorem, qui superiori loco ponitur, & numeratorem qui minor est, & inferiori loco collocatur. In fractionibus arithmet. cis res ferè se contrario modo habet. Sed ad rem. Sit A denominator communis, in numeris 531441. Numerator vero commatis B in numeris 524288. Et Numerator


merator sesquioctava. C. in numeris  
 472392. Atq; ita inter A & B est comma,  
 inter A verò & C est sesquioctava. Jam  
 Boëthius colligit differentiam inter A & B  
 quæ est unitatum 7153. Deinde colligit et-  
 iam differentiam inter A & C, quæ est uni-  
 tatum 59049. Ex hisce differentiis equipa-  
 rat commata octo cum sesquioctava, multi-  
 plicat enim differentiam commatis, quæ est  
 inter A & B octies & fit 57224. Quæ sum-  
 ma non attingit differentiam sesquioctava,  
 quæ est inter A & C, iterum igitur multipli-  
 cat 7153. per novem, & fit summa 64377.  
 quæ summa excedit differentiam inter A &  
 C, unde concludit, commata octo non per-  
 tingere ad proportionem sesquioctava: No-  
 vem verò commata eandem sesquioctavam  
 superare.

Hac demonstratio Boëthij vera esse cre-  
 ditur, & ab omnibus, quantum scio, asseri-  
 tur. Verùm dum fundamenta demonstra-  
 tionis inquiri, cur videlicet unitates inter  
 numeratores diversarum proportionum ad  
 eundem denominatorem redactarum diffe-  
 rentiam inter utramq; proportionem exactè  
 demon-

demonstrare possint, falsam eam esse compe-  
rio. Idq. demonstro in aliis similibus exem-  
plis, & quidem in minoribus numeris, qui  
omnibus obvijs sunt. Ut velim scire, an dua  
tertia minores aequent quintam. Proportio  
tertia minoris est 6. ad 5. Quinta verò 3.  
ad 2. Redigantur hæ proportionēs ad eun-  
dem denominatorem, qui est 18. unde nu-  
merator quintæ erit 12. Eadem enim ratio  
est inter 3. ad 2. quæ est inter 18. & 12.  
Numerator verò tertie erit 15. qui ean-  
dem proportionem habet ad 18. quam ha-  
bet 5. ad 6. Jam inter 18. & 15. differen-  
tia unitatum est 3. inter 18. verò & 12. 6.  
Sumo jam differentiam inter 18. & 15.  
eamq. duplico, fiunt 6. & demonstrant ad  
rationem Boëthianam duas tertias minores  
eiusdem quantitatis esse cum quinta. Sed  
hoc falsum esse demonstrabo ad oculum, pri-  
us tamen adhuc aliud exemplum apponam.  
Queritur an duo ditoni aequent sextam mi-  
norem. Numeri sic sunt, Sexta minor 8. ad  
5. Ditonus verò 5. ad 4. Denominator com-  
munis 40. Cui additur sexta minor in nu-  
mero 25. & Ditonus in numero 32. Ambæ  
propor-

proportiones hoc modo integrè conservantur. Differentia sexta minoris est unitates quindécim. In ditono verò unitates 8. Si jam ditonus bis sumatur, fiunt ad rationem Boethianam 16. & sexta minor excederet à duobus ditonis, Sed hoc falsum esse in notulis etiam demonstratur. Utrumq; exemplum proponam, ut res oculis & mente comprehendi possit.

Quinta. duæ tertiæ      Sexta      duo ditoni.  
min.      minor.



Ubi manifestissimum est, in primo exemplo duas tertiæ conficere tantum semidiapente, & à diapente adhuc semitonio abesse, atq; ebid diapente non attingere, quod tamen demonstratio ostendebat. In secundo verò exemplo tantum abest, ut duæ tertiæ majores sextam minorem exuperent, quod demonstratio volebat, ut etiam ejus quantitatem non attingant. Nam ut vides, altera tertiæ, quæ scribitur ex fis clavi in b. excedit proportionem ditoni plus quam commate atq; ita constituit ditonum abundantem. Ex hisce  
exemplis



exemplis manifestum est, demonstrationem Boëthianam, quod octo commata non attingant sesquioctavam, novem autem superent, esse falsam, nec certi quid, quod demonstrationem mereatur, concludere.

Alterum, quod in demonstratione Boëthiana merito reprehenditur, est, quod Comma Musicum in adeò remotis ab aequalitate numeris definitur, quorum proportio omnem humanum intellectum excedit. Id quod ab omni ratione Musica tantum recedit, quam quod maximè, Quemadmodum enim proportio 531441. ad 524288. difficilima est, & non facile intellectu capitur: ita procul dubio sonus etiam ex utroque numero emissus auribus nunquam dijudicabitur. Intellectus enim magis capax est proportionum Musicarum, quam auditus sonorum, ob quam causam etiam in Musicis certiùs de intervallis pronunciare possumus ex proportionibus, quam ex sensu, & multa in Musicis sunt, quae ratione constant, & tamen sensu percipi nequeunt. Ergò cum ratio proportionem hanc commatis non intelligat: multò minùs auditus id comma dijudicabit.

cabit. Unde patet, cum comma sit omnium intervallorum minimum, quod in Musicis sensu dijudicari possit, id comma, ut judicio aptum sit, in aliqua faciliore proportionem contineri, & hanc à Boëthio allatam proportionem falsam esse. Apparet quidem intellectui, & oculis etiam cernitur esse differentiam inter 531441. & 524288. Sed quantitas hujus differentiae non intelligitur. Eodem modo sensus etiam differentiam aliquam sonorum, secundum hosce numeros emissorum percipit: sed an vera sit commatis quantitas, nunquam dijudicabit. Quapropter verum & legitimum comma aliud in faciliore & non adeò ab aequalitate remotà proportionem investigabimus.

Comma, ut Musici ferunt, non est intervallum, quod in modulatione per se usum habeat, sed tantum est differentia toni majoris à minore, qua vel quinta, vel quarta, vel sexta, vel tertia interdum augentur, vel minuuntur, cujus magnus usus est in sonis ad affectum inflectendis, qui tamen melopœis adhuc non adeò innotuit. Differentia est, ut dixi inter tonum majorem & minorem.

L

Dico-

Ditonus est suavisimū & latissimum inter-  
vallum omnium vel de ipso teste, is contine-  
tur in proportione 5. ad 4. quæ est proportio  
superparticularis, atq; ideo in æquales par-  
tes dividi non potest, ut quidā falsò sibi per-  
suaserunt. Dividitur autem ad Arithmeticā  
proportionem in numeris 10. 9. 8. ubi inter  
10. & 8. est ditonus, medius autem numerus  
denominator est ad 8. numerator verò ad  
10. Constituit igitur Ditonus ita divisus du-  
as proportiones, sesquioctavam & sesquino-  
nam, quarum illa major tonus appellatur:  
hec minor. Porro si sesquinona in numeris 10.  
ad 9. ex sesquioctavā 9. ad 8. subtrahatur,  
relinquitur differentia horum duorum topo-  
rum 81. ad 80. quæ proportio commatis legi-  
tima forma est, equalitati, quantum natu-  
ra fert, proxima & ratione ac sensu per-  
ceptibilis. Est q; aliquantum minus, si cum  
commate veterum conferatur. Si enim dixe-  
ro. Comma veterum 531441. dat nume-  
ratorem 524288. quem numeratorem da-  
bit 81. tum numeratione peractā prove-  
niet numerator 79. &  $\frac{59696}{6561}$  cujus diffe-

rentia

ventia exigua est ab integro 80. Quando autem duæ hujusmodi proportionēs ad eundem denominatorem conferuntur, tūm proportio ea major est, cujus numerator est minor. Cū igitur veterum numerator hīc minor sit, manifestum est, comma veterum aliquantum esse majus. Hujus itaq; commaris, proportionis scilicet 81. ad 80 instituat<sup>r</sup> equiparatio ad sesquioctavam. Equiparatione enim datæ proportionēs inter se ratione quantitatis ita conferuntur, ut si alterius quantitas nimium excesserit, altera vel bis, vel ter, vel sæpius etiam sibi ipsi addatur, donec ad alteram suā quantitate quā proximè accedat, ut inde datarum proportionum diversitas apertius dijudicetur. Regula quā proportionēs ad equiparationem præparantur hæc est: Datīs duabus proportionibus denominatores inter se multiplicantur, & habetur denominator utriusq; proportionis communis. Deinde denominator alterius multiplicatur in numeratorem alterius, atq; ita aptæ redduntur datæ proportionēs ad equiparationem, ut datæ proportionēs sunt 81. ad

81. 2

80. 8

80. & 9. ad 8. denominatores inter se multiplicati 9. & 81. faciunt 729. communem futurum denominatorem. Inde denominator alterius 9. multiplicat numeratorem 80. fit  $\frac{720}{81}$ . Tertiò denominator 81. multiplicat numeratorem 8. & fit 648. ita preparatae sunt haec proportionales ad equiparationem, & inter numeros 729. ad 720. est proportio commatis. Inter 729. verò ad 648. est, proportio sesquioctava. Deinde in equiparatione horum intervallorum semper denominator commatis multiplicet numeros 729. item 648. & semper integra sesquioctava permanebit, denominator autem 80. multiplicet numerum 729. & semper novum comma addit, ut vides in diagrammate.

Demon-



Demonstratio ſesquioctavam proportionem excedere novem commata.

Denominator communis.		Numerator commatum.		Numerator ſesquioctavæ.	
Tonus		major		8	
Comma		80			
I	729.	1	720	a	648
II	59049	2	57600	b	52488
III	4782069	3	4608000	c	4251528
IV	387420489	4	368640000	d	344373768
V	31381059609	5	29491200000	e	27894275208
VI	2541865818329	6	2359296000000	f	2259436291848
VII	205891132094649	7	188743680000000	g	183014339639688
VIII	16677181699666569	8	15099494400000000	h	14824161510814728
IX	135085171672992089	9	1207959552000000000	i	1200757082375992968
X	10241898913182359209	10	966367641600000000000	k	97261323672455430408

## Declaratio.

*ut diagramma hoc dilucidius reddatur observanda sunt hæc regulae.*

• **P**rima. Si duarum proportionum denominatores inter se multiplicentur seorsim, & numeratores earundem itidem seorsim, tum hæc due proportionēs invicem adduntur. Ut inter numeros 81. ad 80. est comma, & inter numeros 729. & 720. est itidem comma. Si jam 81. in numerum 729. multiplicetur, & 89. in 720. tūc fiunt duo commata in numeris 59049. & 57600. Rursus si 81. in 58049. & 80. in 57600. iterum multiplicentur fiunt tria commata, & sic deinceps.

Secunda. Termini proportionis alicujus per eundem numerum multiplicati quantitatem proportionis non mutant, sed eam integram conservant, ut hic in terminis 729. & 648. est proportio sesquioctava, etiam si igitur jam hi numeri per 81. multiplicentur, semper tamen quotiescungq. id fit, sesquioctava hæc integra permanet, nec augetur, nec minuitur.

Tertia.

Tertia. Si denominator in duabus proportionibus communis sit, tum ea proportio major est, cujus numerator est minor, ut hoc loco Denominatores communes sunt in prima parte diagrammatis, in mediâ parte sunt numeratores commatum, in tertiâ sunt numeratores sesquioctava, jam numerator novem commatum adhuc major est quàm i. denominator sesquioctava, ergo novem commata non complent sesquioctavam. Sed decem commata majora sunt quàm sesquioctava, cum habeant minorem numeratorem. Demonstratum ergo est tonum majorem superare novem commata, superari verò à decem. Videamus etiam in diagrammate, quot commatis tonus minor constet.

Demonstratio ſeq̃uonam Proportionem non continere novem commata.

	Denominator communis		Numerator commatum		Numerator ſeq̃uonanz	
	10	Sesqui	nona			9
	81	Comma	80			
I	810		1 800			
II	65610		2 64000		a 729	
III	5314410		3 5120000		b 59049	
IV	430467210		4 409600000		c 4782969	
V	34867844010		5 32768000000		d 387420489	
VI	2824295364810		6 2621440000000		e 31381059609	
VII	228767924549610		7 209715200000000		f 2541865828329	
VIII	18330201888513410		8 16777216000000000		g 205891132094649	
IX	1500946332969991210		9 13421772800000000000		h 16677181699666569	
					i 1350831717672991089	

E  
que  
decla  
est,  
nam  
eana  
non  
gram  
non  
rum  
veni  
sint  
gine  
effect  
lius  
dem  
ver  
one  
in n  
rum  
ro C  
octa  
octo  
tati  
mo

Eadem est ratio hujus diagrammatis, quæ præcedentis, idè non indiget prolixiore declaratione. Summa demonstrationis est, octo commata non complere sesquino-  
nam proportionem, & novem commata eandem excedere. Quæris fortassis, an non & comma veterum hoc modo in diagrammate proponi possit: Respondeo, hoc non faciliè futurum, cum in tanta numerorum summa comma illud conceptum sit. Evenitur enim, ut aliqui numeri evasuri sint in tantam magnitudinem, ut vel sexaginta characteribus scribi non possint, quod esset & radiosum & ingentis laboris. Faciliùs alio modo manifestum fiet Boëthianam demonstrationem falsam esse, si ad eandem verum comma cum sesquioctava proportionem conferamus, hoc modo: Tonus Boëtij est in numero A. 531441. & B. 472392. Verum comma ad hanc rationem est in numero C. 524880. Atque ita ab A ad B est sesquioctava proportio, ad A verò ad C. est sesquioctogesima, siue comma. Differentia unitatum inter A & B est, ut in Boëthiana demonstratione 59049. Differentia autem

¶ 5 comma.



commatis inter A & C est unitatum 6561.  
 Si jam unitates commatis multiplicavero  
 per novenarium numerum, quotus erit  
 59049. hoc est, ad formam demonstrationis  
 Boethiana novem commata exactè aequans  
 proportionem sesquioctavam. Sed hoc fal-  
 sum esse, demonstratum est in primo dia-  
 grammate. falsa ergo est & minimè ad A-  
 rithmeticam exacta demonstratio Boethi-  
 ana.

Responsum jam arbitror ad questionem,  
 an plura commata in sesquioctava sint,  
 quàm novem, & exactè definitum, quod  
 sesquioctavam commata novem non exple-  
 ant, decem verò excedant. Ex abundanti  
 contulimus etiam sesquinonam proportio-  
 nem, quam octo commata non expleant: no-  
 vem autem superant.

Videamus etiam quid tu ad eandem  
 questionem responderis. De commate re-  
 spondes, quod tantum septem in sesquiocta-  
 va reperiantur ad sententiam Glareani:  
 aliis autem plures esse differentias sonorum  
 in sesquioctava, quàm novem. Priorem  
 partem responsionis probas ita, quod in ses-  
 quiocta-

quioctava tantum sint quatuordecim schis-  
 mata, & duo schismata faciant comma, un-  
 de consequens sit, tantum septem commata,  
 esse in octava. Quis, queso, unquam dixit  
 tantum quatuordecim schismata esse in ses-  
 quioctava? quo autore dividis diaschisma  
 in tria schismata? Certum scio, aut hæc à  
 te ficta, aut ab imperito aliquo alias temerè  
 prolata. Glareanus planè diversum sentit.  
 Nam cum tonum faciat ex novem comma-  
 tis ferè, Comma autem habeat duo schisma-  
 ta, tonus aut habebit octodecim schismata  
 aut septendecim, si novem commata pau-  
 lulum superent tonum. Regulà Lesbii To-  
 num dimensus videris, nach dem langen  
 Spiess. Schisma præterea & diaschisma in  
 Musicis nullum usum habent, cum consistant  
 in numeris surdis & irrationalibus, Musica  
 enim subjectum est sonus numerus, æstimabi-  
 lis. Cum verò hi soni nulla proportionem com-  
 prehendi possint. Ergo ad Musicam non per-  
 tinent, cum sensus solus absq. ratione in Mu-  
 sicis nihil definire possit, & imperitè ipsis ad-  
 scribantur numeri, quasi certà proportionem  
 formarentur.

Quod

Quòd ad alteram tuæ responsionis partem attinet, quòd plures sint differentie sonorum in sesquioctava, quàm novem. Sciendum est, non omnem sonum ad Musicam pertinere, sed eum tantum, qui Græcè *Θόγγος* dicitur, qui sit vox discreta, cantui idonea, sive qui sit concinnus vocis casus ad unam extensionem. Extensio autem est mora, vel quidam vocis status, hoc est equalitatis motus vocis in loco, quando sonum, neq. gravari, neq. acui sentimus, sed eundem eadem intensiōe & loco in sua simplicitate sub uno tenore permanere, unde per facile est judicare, qui soni ad Musicam non pertineant, videlicet, qui nullâ sunt extensione, cujus ope numero comprehendi possint. Horum sonorum multa sunt genera, ut si ventus arborem vehementer impellat; si aqua in lapidem dejiciatur; si aër virgulâ violenter secetur; si aqua aque ingeratur; si venti concurrant; si mare fremit; si pannus vel lignum rumpatur & hujusmodi multi alij. Ad hujusmodi sonos à Musica alienos referendi sunt etiam ij, qui minimâ inter se differentiâ distant, quarum diversitatem

*sitatem sensus quidem aliquo modo percipit, sed tamen non dijudicat. Illi crassiores soni, qui extensionem non habent, auribus manifesti sunt, proportionibus comprehendi nequeunt: hi proportionibus quidem exhiberi possunt, sed sensum ob parvitatem intercapedinis aut effugiunt, aut in judicando fallunt. Longissimè enim absunt ab equalitate & ad infinitatem degenerant, cujus nulla est scientia. Cum igitur nihil ad Musicam pertineat, nisi quod sensu simul & ratione dijudicari possit, & verò hi Soni, de quibus dictum est, alterutrum Musicarum rerum, judicem aspernentur: Musicus de ijs non est sollicitus. Quòd igitur plures sonorum differentie, quàm novem in sesquioctava dari possint, facile concedo, & manifestum est ex eo, quòd harum differentiarum vel millena, millia, vel etiam multo plura in una sesquioctava, vel in uno commate dari possint. Auge enim utrumq; terminum vel sesquioctave vel commatis mille millium numero, statim tibi offerentur mille millium unitates, quæ intererunt inter denominatorem & numeratorem, quarum contiguas si in  
 propor-*

proportiones superparticulares redigas, mille millenas habebis differentias sonorum in unâ sesquioctavâ, vel in uno commate, ut ita eum valdè imperitum proportionum Musicarum existimem, qui hasce differentias tantum ad viginti octo numerum extendi posse putat, cum ea, si velis, in infinitum excrefant.

### De questione decima octava.

Quomodo semitonium majus & minus constituatur & distinguatur.

**Q**uestiones duæ quæ sequuntur institutæ sunt de semitonio, & prior quidem de Semitonio naturali vel ficto, altera de quantitate & formâ semitony. Cum autem de essentiâ rei omnium primum merito queri debeat, posteriorem priori preponimus, & prius formam & essentiam semitoniorum considerabimus. Post etiam de alterâ questione acturi.

Sententia hujus questionis, quæ obscuritas aliquantum proponitur, est hæc, an inter voces Musicales mi & fa sit semitonium minus,

an ut-



an verò majus: Vel etiam, an diatessaron  
differat à ditono semitonio minore, an majore:  
vel tertio, an differentia, quæ est inter  
diatessaron & ditonum major, an verò mi-  
nor sit eâ differentia, quæ est inter ditonum  
& semiditonum. Unusquisq; qui hæc  
questiones audit, si tantum initia Musices  
aliquo modo gustavit, statim intelligit de  
quantitate semitoniorum questionem in-  
stitutam, & agi hîc de quantitate soni,  
qui est inter diatessaron & ditonum, & in-  
ter ditonum & semiditonum, inde colligit,  
cùm omnis sonorum quantitas in Musice ex  
proportionibus, & ex forma illorum sono-  
rum, de quibus controvertitur, dijudicari de-  
beat, recurrendum esse ad doctrinam propor-  
tionum, & ex eâdem hanc controversiam  
componendam. Nam cùm de quantitate a-  
gatur, certum est, hanc controversiam non  
posse ex Physicis disceptari, sed ad Mathema-  
ticas disciplinas, & quidẽ ad eam mathema-  
tum partẽ, quæ agit de comparatione quan-  
titarũ, sive de proportionibus, quæ quantita-  
tum illarũ formæ sunt, pertinere. Miror itaq;  
te aliã viam in hac controversia disceptan-  
da ini-

da inire voluisse & omisſis veris fontibus & mathematicis demonſtrationibus, ab autoritatibus & à Phyiſicis, hoc eſt, ab auditu ſuffragia colligere, quibus ſuffultus de controverſia hac pronūciare poſſis. Planè perverſè meo quidem iudicio, cum quodvis ex ſua propriâ diſciplinâ dijudicandum ſit, & tūc demum Reſpubl. florere poſſint, quando artiſces ex ſua arte ſententias dicunt. Quod verò ad doctrinam proportionum recurrere non volueris, ſuſpicionem mihi moves, te eam vel non ſatis, vel nunquam didiciſſe. Si enim ejus peritus eſſes, facilimè te expediſſes. Subtrac̃to enim ditono ex diateſſaron differentiam collegiſſes, eandemq; poſtea cum differentia, qua eſt inter ditonum & ſemiditonum comparaffes & exceſſum alterutrius ad oculum vidiffes. Exemplo ſimiliter declarabo: Si queſtio eſſet, utrū differentia, qua eſt inter quaternarium & binarium, major eſſet cā differentia, qua eſt inter quaternarium & ternarium, recurreres ad Arithmeticam, & binarium ex quaternario ſubduceres, & differentiam, qua eſt duarum uniatum poſtea cum differentia inter  
quater-

quaternarium & ternarium, quæ tantum  
 est unitatis unius, conferres & illam ma-  
 rem esse pronunciares. Puerile est & facili-  
 mum exemplum, fateor. Sed eadem ferè fa-  
 cilitate hac etiam quæstio decidi potuisset,  
 Si tantum, ut dixi, proportionem ditoni ex  
 proportionem  $\frac{2}{3}$  &  $\frac{3}{4}$  subduxisses, ut  
 & proportionem semiditoni ex ditono. diffe-  
 rentia enim utrobique collecta rem mani-  
 festassent. Quid aliud dicam, vel credam ti-  
 bi ad hanc rem ita dijudicandam defuisse,  
 nisi doctrinam proportionum & scientiam  
 intervallorum, diatessaron, ditoni & semi-  
 ditoni? quod formam sive proportionem ho-  
 rum intervallorum, quibus continentur,  
 ignorasti? Hac si tibi cognita fuissent, rem  
 facillimè expedivisses. Proh pudor! hominem  
 eruditum, & magni nominis, qui de Musicis  
 scribit, disceptat, disputat, cum aliis contem-  
 dit, alios dissentientes insectari & erro-  
 rum accusare audet, ignorare fundamen-  
 ta doctrina Musica, nescire quantitatem  
 intervallorum, quæ illorum forma, quo-  
 modo conjungi, disjungi, conferri & distin-  
 gui possint, sed reprimo me. *Conversia*  
H.      hac

hac quidem, ut dixi, nullâ difficultate implicatur, sed tamen propterea non exigui momenti est, cum ab ea tota nostra Musica ratio dependeat, & præterea à plerisque, qui etiam se Musicos profitentur & harmonias condunt, ignoretur. Quapropter fusiùs aliquantò de ea dicemus, & priùs de veteri Musica, quæ à nostra planè diversa est, aliquid moncbimus, inde nostrarum consonantiarum rationem aliquo modo explicabimus. Inde tuam etiam sententiam pervidebimus.

Veterum Musica ab initio simplicissima, fuit, paucissimis consonantiis instructa & instrumentis Musicis nullâ ferè arte factis adjuncta, quemadmodum prolixius de hac re dixi in exercitatione Musicâ alterâ, quæ est de initio & progressu rerum musicarum. Pythagoras primus fuit, qui consonantiarum perfectarum formam invenit & posterus tradidit, qui primus demonstravit consonantias ex numeris omnium primis & æqualitati proximis oriri, eas quæ intra quaternariû contineri, intra numeros videlicet 1. 2. 3. 4. ex quibus hasce consonantias efformavit in numeris.

1. ad

1. ad 2. Diapason,

1. ad 3. Diapason diapente,

1. ad 4. Dis diapason,

2. ad 3. Diapente,

2. ad 4. Convenit cum numeris 1.

ad 2. & facit Diapason,

3. ad 4. Diatessaron.

Quing. videlicet consonantias, Diatessaron, Diapente, Diapason, Diapason cum Diapente & Disdiapason. Reliquas proportionales in numeris omnes, ut ad consonantias ineptas, rejecit. Nec enim ditonum vel semiditonum pro consonis intervallis habuit, nec sextam majorem vel minorem. Ideoq. Musici veteres Diatessaron vocaverunt omnium minimam consonantiam, ut Philo Judeus de Opificio Mundi, item Boeth. lib. 1. Musices cap. 19. Apertius Euclides Mathematicus Ditonum & semiditonum rejecit, quando in sua Musica inquit: σύμφωνα μὲν ἔνι Ἀγασσάρων, Ἀσπέντε, Ἀσπασῶν, καὶ τὰ ὅμοια Ἀσάφωνα δὲ τὰ ἐλάττωνα ἔ' Ἀγασσάρων: Δίεσις, ἡμιτόνιον, τόνος, τριημιτόνιον, Δίτονον. Consona intervalla sunt Diatessaron, Diapente,

H 2

Dia-



Diapason & similia: Diffona verò quæ minora sunt, quàm Diatessaron: ut Diesis, semitonium, tonus, semiditonus & Ditonus. Idem testantur alij Musici, ut Aristoxenus apud Zarlinum, Vitruvius in quinto de Architectura & alij. Ideò autem veteres Ditonum & semiditonum, ut & sextam majorem & minorem à suis consonantiis excluderunt, quòd eorum formæ in proportionibus quaternarium à Pythagorâ finem consonantiarum constitutum, excederent, & Disdiapason, in quo vocis humanæ modum constituiebant, quem quispiam vel acumine vel profunditate vocis vix attingere posset, transcenderent. Stat, inquit Boeth. lib. 2. Musices cap. 17. deinceps concinentiarum modus, qui neq, ultra quadruplam potest extendi, neq, intra tertiam partem coarctari.

Deinde veteres Ditonum & semiditonum & alias, quas vocamus, imperfectas consonantias in censum consonantiarum recipere non poterant, quòd earum formas nec in multiplicis proportionis genere, neq, etiam in superparticulari definire poterant,

cum

Diap  
ceren  
& to  
nus in  
243.  
tant  
Dito  
num  
act  
prop  
64.  
Prop  
num  
utru  
dit  
pro  
nus  
por  
nul  
tem  
nul  
tan  
der  
tur  
sup

*Diatonicum diatonum Musica genus exer-  
cerent, quòd à semitonio minore ad tonum,  
& tonum progreditur, & semitonium mi-  
nus in proportione super tredecim partiente  
243. in numeris 256. ad 243: Tonum verò  
tantum in sesquioctava exhibet, atq; ita  
Ditonum ex duabus sesquioctavis, semidito-  
num verò ex semitonio minore & sesquio-  
actva componit. Prius enim intervallum in  
proportione super septendecim partiente  
64. in numeris 81. ad 64. Posterius verò in  
Proportione super quinq; partiente 27. in  
numeris 32. ad 27. constituitur, quorum  
utrumq; & à simplicitate longissimè disce-  
dit, & in proportionem superpartientem  
profundissimè se immergit, & insuper Dito-  
nus ex duabus sesquioctavis, hoc est, ex pro-  
portione sibi ipsi junctâ, id quòd in Musicis  
nullo modo fieri potest, constituitur. Ideò au-  
tem veteres in Superpartiente proportione  
nullas consonantias fieri posse putarunt, non  
tantum, quòd à simplicitate longius disce-  
derent, sed etiam, quòd, ut Boëthius loqui-  
tur, nec servent multiplicatis ordinem, nec  
superparticularis simplicitatem, lib. 2. cap.*

25. Ideò rectè ex sua Musica fundamentis veteres scripserunt & demonstrarunt, Ditonū & semiditonum cum sexta majore & minore pro consonantiis censi non posse.

Tertiò. Musica veteris ratio etiā usum Ditoni & Semiditoni, ut & Sextæ majoris & minoris non admittebat. Si enim hac intervalla, quò ad consonantiarū rationem, usum aliquem in veteri Musica habuissent, nequaquam ita neglecta in tenebris jacuissent: sed inventa & exculta ut hodiè sunt, fuissent. Consonantia enim per se sunt dulcissima, & suavissima & ipsi veteres & ingeniosissimi, diligentissimi & optimi judicii homines fuerunt, qui nihil, quod ipsis usui esse posset, intactum reliquerunt. Extant præterea apud veteres tetrachorda Musica, in quibus Ditoni & semiditoni forma rectè exprimuntur, idè non tam cognitionem harum consonantiarum veteribus statuimus defuisse, quàm quòd usum non haberent in harmonia exercenda. In confesso enim est, cantum figuratum, qualis apud nos est; ut videlicet duæ veltres, vel quatuor, vel quinq. &c. vel plures voces in diversâ intensiōe motu  
& tem.

& tempore progredientes consonantias mi-  
 sceant, & varias harmonias efficiant, apud  
 veteres non fuisse. Nec argumentis opus  
 est ad hanc rem demonstrandam, cum cer-  
 tissimum sit rationem hujus figurati cantus  
 ante trecentos circiter annos primum in-  
 ventam & paulatim excultam esse, ut osten-  
 di in exercitatione de initio & progressu  
 Musices. Figuratus enim cantus, cum absq;  
 imperfectis consonantiis hisce, Ditono & se-  
 miditono &c. tolerabiliter incedere non  
 possit, quomodo apud veteres, locum habere  
 potuit, qui easdem dissonantes existima-  
 runt & planè repudiarunt? nec sanè in-  
 strumenta etiam veterum apta fuerunt ad  
 cantum figuratum exprimendum propter  
 paucitatem chordarum, diversos diversa-  
 rum intensionum sonos non admittentium.  
 Et semper Musici apud probatos autores ita  
 inducuntur, ut singuli & soli ad instrumen-  
 tum aliquod Musicum modulentur. Quare  
 frustra est, ut hujusmodi Musicam, qualis  
 apud nos est, apud veteres inquiramus.

Cecinerunt tamen veteres in vel ad Har-  
 moniā, ita ut aliquis solus, qui instrumentum

*Musicum peritè tractare posset, vocem suam  
 ad instrumenti sui sonos Harmonicè institu-  
 tos explicaret & applicaret, atq; ita odas su-  
 as & carmina, quorum ipse autor erat, mo-  
 dularetur, nec erant, qui simul in concentu  
 accinerent, itq; ita Poëtam adjuvarent, unde  
 apparet, veteres Melodia sua fundamentum  
 fecisse Harmoniam, ex consonantiis octavâ,  
 quintâ, quartâ, duodecimâ &c. constitutam,  
 & postea cantilena cujusdam deductionem,  
 simplicem addidisse, sive id fieret instru-  
 mento tantum, sive insuper in voce humanâ  
 conjunctâ. Interdum tamen etiam cecine-  
 runt absq; Harmoniâ, aut aliquo instrumen-  
 to; idq; vocabant *assâ* voce canere. Rati-  
 onem autem tractandi hac instrumenta  
*Musica*, quæ olim fuit, explicat aliquo mo-  
 do *Asconius* in *tertia Verrina*, quando in-  
 quit: Cum canunt *Citharistæ*, utriusq;  
 manûs funguntur officio, Dextra ple-  
 ctro utitur, & hoc est foris canere; sini-  
 stra digitis Chordas carpit, & hoc est  
 intus canere. Ex quibus verbis intelli-  
 gitur, antiquos utrâq; manu in psallendo usos,  
 ut nos in *Cithara*, *Harfe* / cum discrimine  
 tamen*



tamen isto, ut dextrâ plectrum, sive pecti-  
nem, sive etiam arcum tenerent atq; chor-  
das dextram versùs aliquo modo extantes  
ordine, quas vellent tangerent, sinistrâ verò  
digitorum motu & munere sibi destinatas  
chordas, quæ concentum in octava & quin-  
ta facerent, impellerent. Undè lyram ita ef-  
formatam fuisse, ut sinistra manus in obscu-  
ro & intus suo officio fungi posset & adstan-  
tibus non appareret, discimus. Præterea sua-  
viorem esse modum canendi intus, quàm  
foris, Petronius autor est, qui alicubi ait:  
Tam dulcis sonus pertentatum mul-  
cebat aëra, ut putares intus canere Si-  
renum concordiam. Unde non obscure  
colligitur, sinistram minum tantum ad  
consonantias  $\Delta\lambda\gamma\ \pi\alpha\sigma\omega\upsilon$  &  $\Delta\lambda\gamma\ \pi\iota\upsilon\tau\epsilon$  atq;  
alias incitandas adhibitam fuisse, & Har-  
moniam fecisse, dextram verò manum ple-  
ctro suo sonos ad hanc Harmoniam deduxis-  
se, & cantilenam addidisse, & hujus dextre  
manus sonos secutus esse artificem, qui vo-  
cem suam ad instrumenti sonos applicaret,  
fundamentum hoc modo cantilena in har-  
monia substruxit sinistra manus, dextra ve-

rō praeiit sonos cantori, siue cantor, qui ad  
 Harmoniam & instrumentum modulā-  
 batur, eosdem sonos voce expressit. Hac  
 rectē ex hisce Asconij & Petronij locis; & ex  
 ratione Harmoniae atq; aliis circumstantiis  
 deduci posse arbitror, unde patet, veterem  
 Musicam, non ut pleriq; putant, prorsus in  
 tam brevi tempore abolitam esse, sed plurima  
 apud nos, eaq; non exigua ejus vestigia repe-  
 riri. Discrimen enim inter fistulam opilionis  
 Virgiliani septem cicutarum, & utriculam  
 nostrorum opilionum non adeò magnū erit:  
 Septem enim foramina cicuta anterioris in  
 nostra utricula compendio quodam explent  
 septem cicutarum numerum in fistulā anti-  
 quā, & nostra utricula inflatur ad Harmo-  
 niam, quam faciunt cornua bina superius  
 eminentia & in *Agave* concordantia. Sic  
 instrumentum Musicum apud nos, lyra per-  
 peram dicta, rotula fortassis rectius dice-  
 retur eine Leir/cujus usus plurimus est apud  
 mendicantes mulieres, quae in hujusmodi  
 Harmonia in plateis sacras, in ganeis autem  
 & lustris profanas cantiones ad exhilaran-  
 dos temulentos lurcones modulari solent,

non magnoperè differt à lyra veterum in sonis concitandis. Nam quod olim sinistra manus faciebat secundum Asconium, in harmonia producenda, id hodiè dextra præstat in gyrum ductâ rotulâ illâ, quæ verrit chordas in consonantiis constitutas, & sinistra per pectines & plectrâ inferius addita, sonos præit tractanti illud instrumentum, id quod olim dextra faciebat. Similis collatio fortassis in aliis etiam quibusdam instrumentis Musicis institui posset, quod aliis committimus. Hinc autem non obscure liquet, qualis & quàm simplex fuerit veterum Musica, si ad hanc, quam hodie exercemus, conferatur, & eadem tamen admirandos, ut in historiis est, produxit effectus, quod nostra Musica nullo modo præstare posset, id quod propter multas causas alias accidisse videtur, de quibus fortassis aliquando alius erit dicendi locus.

Apparet ita ex his Ditonum & Septimidit-  
onum & reliquas consonantias imperfectas in Musica veterum prorsus nullum usum habere potuisse. Nam in huiusmodi simplici forma, cuius imago quadam, ut diximus,

*in utricula & rotula nostra retinetur, hæ  
 consonantia imperfecta, & Harmoniam  
 violenter corrumpunt, & deductionem can-  
 tilena impediunt & confundunt, quorum  
 alterutrum satis causa est, cur ex Musica  
 tum temporis fuerint rejecta. Quomodo  
 enim fieri potest, ut non Sexta major, cum  
 Sexta minore inter se, & amba simul cum  
 diapente, si simul & semel suos sonos produ-  
 cant, dissonent, atq; ita etiam Ditonus cum  
 Semiditono? & tot simul in Harmonia stre-  
 pentibus sonis, quæ sonorum deductio, siue  
 quæ cantilena ad eandem institui potest, quæ  
 non penitus obruatur & confundatur? imò  
 nec Ditonus solus, qui tamen commodum  
 locum videtur habere potuisse, etiamsi reli-  
 quæ imperfecta consonantia, ut Semidito-  
 nus & utraq; sexta omittantur, in hujusmo-  
 di Harmoniam, absq; universæ Melodiæ con-  
 fusione recipi potest, id quod non difficulter à  
 quovis organicine demonstrari potest. Cum  
 igitur nullo modo hæ, quas imperfectas vo-  
 camus consonantias, ad usum traduci, sed  
 commodissime absq; detrimento suæ Musicæ  
 omitti possent, Diatonicum diatonum Musi-  
 cage-*

ea genus eò cupidius complexi sunt, quòd per tonos aequales, per sesquioctavas & assumpto limmate in deductione sonorum procedere videretur, & reductione illà tonorum ad aequalitatem in instrumentis Musicis, quòd in nostra Musica, cùm tonum non tantum in sesquioctava, sed etiam in sesquinona exprimat, magnà difficultate perficitur, non indigeret. Atq; hac breviter dicta sunt de Musica veterum, quæ imperfectas consonantias planè è Musica suà ejecit, & cùm Harmonia suæ misceri non possent, pro dissonantiis habuit. Nunquam quidem, meà sententià, factum fuit, ut reverà hæ consonantiæ in voce humanà dissonum ab eo, quem hodiè faciunt, sonum ediderint. Eadem enim, quæ nunc natura est, olim etiam fuit: nec etiam chordæ in Cithara vel lyra, aut cicutæ ita constitui potuerunt, ut duas sesquioctavas pro ditono exprimerent; tamen quoniam, nullus harum consonantiarum usus erat, de ijs veteres solliciti non fuerunt, nec cur, & in qua proportionem concinentiam facere possent, anxie inquisiverunt. In qua sententia perstiterunt etiam hæcenus, qui nostro ferè tempore



tempore de Musica aliquid scripserunt. Nec enim, quæ à tante autoritatis Musicis tradita & tanto temporis spatio approbata fuerant, erroris insimulare ausi sunt: & fortassis, quòd proportionum doctrinam ignorarent, fontes Musicæ consulere non potuerunt. Quanquam interim non pauci fuerunt, quibus de consonantiarum huiusmodi imperfectarum formis aliquid contra veterum sententiam oboluit. Donec tandem Josephus Zarlinus secutus ducem naturam & artem veras consonantiarum atq; ad eò omnium intervallorum formas in suis legitimis proportionibus, secundum certissima rerum Musicarum ætæ hæc, auditum scilicet & rationem, nobis monstravit. Et si autem de eadem hac re superius quædam monuimus: tamen quædam hîc repetemus.

Primum enim cùm vera deprehendisset, quæ Pythagoras statuit de perfectione consonantiarum, quarum forma aequalitati proximæ essent, & in quaternario continerentur, eas sibi retinuit, Diapason scilicet in dupla proportionem, Quintam in sesquialtera, Quartam in sesquitercia, Disdiapason in quadrupla

quadrupla &c. Deinde ut imperfectarum  
 consonantiarum formas etiam inveniret, ab  
 aequalitate non nimium recedendum puta-  
 vit, & proportionēs, quae sesquitertiam pro-  
 ximè sequerentur, in numeris 5. 6. 7. 8. ad  
 eadem Musices  $\kappa\epsilon\tau\tau\eta\epsilon\alpha$ , sensum scilicet &  
 rationem exploravit, & cum deprehenderet  
 sesquiquartam proportionem in numeris 5.  
 ad 4. Ditonum, sesquiquintam verò in nu-  
 meris 6. ad 5. Semiditonum exprimere, nihil  
 dubitavit hasce proportionēs pro veris for-  
 mis Ditoni & Semiditoni proclamare, cum  
 continerentur in Proportionibus Superpar-  
 ticularibus, non longè ab aequalitate remo-  
 tis, & auditui satisfacerent. In Sextarum  
 proportionibus difficilior fuit inquisitio, Se-  
 ptemarius enim numerus ad Senarium com-  
 paratus multò minus faciebat intervallum,  
 quàm ut consonantiam constituere posset,  
 unde cognitum Semiditonum omnium mi-  
 nimam esse consonantiam, quod veteres fal-  
 sò *Quarta* tribuerunt, imò cum septenari-  
 um cum reliquis numeris Harmonicis con-  
 ferret, deprehendit, hunc numerum pla-  
 nè à Musicis proportionibus alienum, adeò

ut nec consonum, nec dissonum, nec prohibi-  
tum etiam intervallum, quod in Musicis  
interdum accidere solet, inde oriri posset.  
Quod & Clarissimus vir Johannes Keple-  
rus Casareus Mathematicus amplius de-  
monstravit in legitimâ sectione circuli, qua  
omnes Senarij partes aptissimè admittit,  
Septenarium verò planè respuit. Quapro-  
pter cùm Zarlinus numeros in Senario di-  
versimodè secundum varias exiges suas in  
monochordo exploraret, primam superparti-  
entem proportionem in numeris 5. ad 3. in-  
venit sextam majorem exprimere, cui sub-  
junxit postea supertripartientem quintas in  
numerus 8. ad 5. qua forma est sexta mino-  
ris, atq; ita tandem in Senario & primo cu-  
bo non solum omnes consonantias simplices  
& aliquot compositas contineri; sed etiam  
quomodocunq; hi numeri inter se vel simpli-  
citer compararentur, vel etiam multiplica-  
rentur, intervalla Musica facere, qua apta  
essent tam ad consona. quàm dissona & pro-  
hibita intervalla constituenda demonstra-  
vit. Et mirum hoc videri posset alicui, quòd  
omnes in senario constituti numeri non so-  
lùm

lūm inter se consonantias constituent: sed etiam inter se multiplicati, reliqua, quæ adhuc in progressu sonorum desiderantur intervalla, efforment atq; ita nihil planè degenerent, naturamq; suam in constituendis intervallis exactè retineant. Quod ut oculis subjiciatur, numeros illos Harmonicos tam primos in Senario & primo cubo comprehensos, quàm postea ex horum multiplicatione ortos adscribam, eorumq; habitudines, & cæteris, & quæ inde intervalla formantur, apponam. Numeri igitur Harmonici primi sunt hi: 1. 2. 3. 4. 5. 6. 8. Inde per multiplicationem horum primorum orti, qui quasi secundarij sunt numeri Harmonici, ex quibus reliqua intervalla toni, semitonia, & alia dissonantia intervalla oriuntur, sunt: 9. 10. 12. 15. 16. 18. 20. 24. 25. 30. 32. 36. 40. 48. 64. Tertio: Si numeri Harmonici primi hosce secundarios iterum multiplicent, etiam ejusmodi numeri oriuntur, quorum proportionēs intervalla Musica faciunt, sed prohibita, quod tamen intellectum velim de numeris inter se primis. Nam numeri, qui inter se compositi sunt non ad hosce,

J                      sed

sed vel ad primos vel secundarios pertinent,  
 & legitima intervalla procreant. Sunt igitur  
 27. 45. 50. 54. 60. 72. 75. 80. 81. 90.  
 96. 100. 108. 120. 125. 128. 135. 144. 150.  
 160. 162. 180. 192. 200. 216. 225. 240.  
 243. 250. 256. 270. 288. 300. 320. 324.  
 360. &c.

Jam dicamus etiam, quae intervalla ex  
 hisce numeris, si inter se conferantur, suma-  
 mus tamen tantum primos, primū, deinde  
 etiam quosdam ex secundarijs & tertianis,  
 quorum numeri inter se primi sunt, & pecu-  
 liaria intervalla faciunt, ut:

1. ad 2. item, 2. ad 4. 3. ad 6. 4. ad 8. con-  
 stituunt intervallum Diapason, in pro-  
 portione dupla.

1. ad 3. item, 2. ad 6. tripla proportio est,  
 & facit Diapason Diapente.

1. ad 4. & 2. ad 8. quadrupla est. Consti-  
 tuitque Disdiapason.

1. ad 5. quintupla est, & Disdiapason  
 ditonus.

1. ad 6. Sextupla, & Disdiapason dia-  
 pente.

1. ad 8. Octupla, & Trisdiapason, & in  
 hujus.



hujusmodi intervallo consistunt fere  
vocalium humanarum termini naturales,  
quicquid enim hosce excedit, coactum  
videtur, & ingratum auribus est.

2. ad 3. & 4. ad 6. sesquialtera proportio  
est, & quintam facit.

2. ad 5. dupla sesquialtera. Diapason  
ditonus.

3. ad 4. & 6. ad 8. Sesquitertia est, & for-  
ma quarta.

3. ad 5. Superbipartiens tertias est sexta  
major.

3. ad 8. Dupla superbipartiens tertias, fa-  
cit octavam cum quarta.

4. ad 5. sesquiquarta & ditonus est.

5. ad 6. sesquiquinta & semiditonus est.

5. ad 8. Supertripartiens quintas, efficit  
sextam minorem.

Hec est primorum Harmonicorum nu-  
merorum inter se comparatio, ex quibus  
omnibus legitima intervalla Musica & qui-  
dem consona tantum efformantur. Jam  
comparemus etiam secundarios inter se.

8. ad 9. Sesqui octava facit Tonum ma-  
jorem.

f 2 8. ad

8. ad 10. est idem quod 4. ad 5. ut & 12. ad 15. 16. ad 20. 24. ad 30. &c. qui sunt compositi numeri.
8. ad 15. Super septem partiens octavas facit septimam maiorem.
8. ad 25. est tripla & sesquioctava & facit Diapason diapente abundans semitonio.
9. ad 10. est Sesquinona & Tonus minor.
9. ad 16. Super septem partiens nonas est Septimaminor. 9. ad 32. est Diapason & septima.
9. ad 20. dupla super bipartiens nonas: est Diapason cum tono. Sic 9. ad 40. est disdiapason tonus.
9. ad 25. est dupla super septem partiens nonas, & facit Diapason tritonum.
- Si 9. ad reliquos secundarios conferatur, composita est, ideo ad numeros inter se primos redigenda.
10. Est numerus compositus cum omnibus hisce harmonicis, ideo nihil novi per se creat.
12. ad 25. est dupla sesquiduodecima. Est octava semitonio minore abundans. In reliquis duodenarius est numerus compositus.
15. ad 16. Est sesquiquintadecima & constituit semitonium majus.

15. ad 32. Est dupla super bipartiens quindecimas facitq. Diapason cum semitonio.

16. ad 25. Est super novem partiens 16. facitq. diapente abundans semitonio minore.

18. ad 25. Est super septem partiens 18. & est tritonus.

24. ad 25. Est sesquicesima quarta & est forma semitonij minoris.

25. ad 32. Est super septem partiens 25. efficitq. quartam imperfectam, cui decet Semitonium minus.

25. ad 36. Est super undecim partiens 25. facitq. Semidiapente.

25. ad 48. Est super 23. partiens 25. Est Diapason diminutum.

Reliqui numeri si inter se conferantur, non sunt inter se primi, sed inter se compositi, quapropter ad eos terminos redigendi sunt, qui inter se primi sunt, quorum plerumq. habuimus, si qui supersunt, studiosi ipsi inter se conferre poterunt. Habuimus autem in hisce secundariis dissonantia intervalla, tam quæ per se dissonant, quàm quæ per accidens, hæc q. vel abundant semitonio mi-

J. 3. *nore,*

nore, vel deficiunt. Omniaq; hæc intervalla in notulis scribi possunt. Quæ ex sequentibus numeris Harmonicis exterrarius formari possent, eâ intervalla vel commate deficiunt, vel abundat, nec peculiariter caracteribus in systemate distingui possunt, ideòq; non nisi Musicis exercitatis manifesta sunt, eorum comparatione alias aliquando insitueamus.

Atq; hæc de præcipuis formis consonantiarum & reliquorum intervallorum, quæ fundamentum ostendunt totius Musicae, quas, qui ignorat, ne ille imperite de rebus Musicis disputat, ex hisce enim solis quicquid controversie incidere potest, vel de consonantibus, vel de dissonantibus, vel etiam de legitimâ vel vitiosâ consonantiarum consecutione rectissime & facillime disceptari potest. Exempli gratiâ in hac ipsâ questione, an semitonum illud, quod differentia est inter diatessaron & Ditonium majus sit illo semitono, quo differt Ditonium à semiditono, recurrimus tantum ad formas horum intervallorum, & ex earundem comparatione rem decidimus. Forma δ Ἀγριοῦ ἄγων est in numeris 4. ad 3. Ditoni in 5. ad 4. Subducimus Ditonium ex Diatessaron, restabit proportio 16. ad 15. ite-

rum subtrahere Semiditonū cuius vera forma  
est in numeris 6. ad 5. ex ditono, differentia  
erit 25. ad 24. Iam confer hasce proportionēs  
16. ad 15. & 25. ad 24. inter se, & perpende  
utra sit maior. Statim apparebit, partem se-  
decimam unius & ejusdem rei longè majo-  
rem esse parte vicesimā quintā. Idg. proba-  
tur etiam proportionum copulatione, quan-  
do proportionēs de quibus disceptatur, redi-  
guntur ad eundem denominatorem, qui in  
hisce proportionibus 16. ad 15. & 25. ad 24.  
est 400. Numerator primæ est 275. secundæ  
384. Major autem ea est Proportio cuius  
numerator minor. Sic differentias proporti-  
onum harum etiam dijudicare posses, si eas  
itidem ad communem denominatorem redi-  
geres. Qui hoc loco est 60. tum 60. ad 45.  
constituet Diatessaron, 60. ad 48. Ditonum,  
60. ad 50. semiditonum. Differentia harum  
proportionum apparet in numeratoribus.  
Nam numerator primæ 45. longius differt  
à numeratore secundæ à 48. quàm secun-  
dus à tertio à 50. Ibi est ternarius, hic bina-  
rius, ergo illic differentia maior. Atq. hoc  
modo demonstratum est, in nostrā Musica se-  
mitonium, quod est in vocibus musicalibus



mi ad fa esse majus. Illud verò, quod in eadem linea vel spatio scribitur, esse minus. At dixeris: Manus nostra sunt oculata, credunt, quod vident. Et si satis erat hæc apertè in proportionibus demonstrasse: tamen ne quid desit, auditui & visui etiam rem subjiciam. Puto te non omninò rudem esse tractandorum instrumentorum Musicorum. Characteribus enim eorundem uteris, quamquam vitiosè, quod tamen arbitror incuriã typographorum accidisse. Sume tibi Polychordum Musicum sive Instrumentum peculiariter sic dictum, quid legitimè ad sonos harmonicos temperatum sit, & attende auribus ad magnitudinem intervalli ex clave h̄ ad dis ascendendo, an Ditonum compleat, vel superet. Si habitum quendam conciliasti tibi discernendi intervalla Musica, deprehendes, intervallum hoc superare ditonum. Si auribus hoc modo credere nolueris: tum remitte paululùm chordam clavis e. quæ proxima est, consq; donec ditonum faciat ad clavem h̄, quod si factum fuerit, tum demum confer clavem dis cum e remissa, & deprehendes clavem dis acumine aliquantum excedere. Jam verò si Musica nostra

nostra eadem esset cum veterum Musica, & uteremur in vocibus Musicalibus mi, fa, Semitonio minore, tum hoc intervallum ex h in dis debebat esse minus Ditono. Ex h enim ad c est Semitonium, ex c ad d Tonus, ex d ad dis Semitonium. Tonus autem & duo semitonia apud antiquos non constituunt Ditonium, sed deest ipsis comma. At in nostra Musica hoc loco Ditono non solum nihil deest, sed superest, Ergo verum est, nostram Musicam diversam esse à veterum, & nos uti Semitonio majore inter voces Musicales mi & fa in diversis locis, in uno autem eodemq; loco semitonio minore.

Ad oculos accedamus, in Clavichordiis in quibus interdum tres claves unam eandemq; chordam pectinibus suis tangunt, attende quanto spatio in eadem chorda distent pectines, qui totum faciunt & iterum, quantum distent qui semitonia faciunt, & statim videbis pectines majore intervallo distantes exhibere semitonium majus inter voces Musicales mi & fa, qui verò minore intervallo distant, dare Semitonium minus in eadem chorda & in eadem postea linea.

F s . . . . . Atq;

Atq; ita hac sententia confirmata est demonstratione ad proportionales Musicas, quæ omnium certissima est & fallere non potest. Deinde ad auditum, & tertio ad visum, quorum uterq; sensus in suo proprio subiecto falli non potest, & hic propriè non Physicè consideratur, sed ut instrumentum percipiendarum rationum Geometricarum.

Videamus, jam quid ad hanc questionem ipse respondeas. Definis utrumq; Semitonium, quod constituatur in vocibus Musicalibus mi & fa, & deinde quod fit Saltus: quorum utrumq; falsum. Nam mi & fa, tum demum sunt voces Musicales, quando fa acutiorem sonum reddit mi verò paulò remissiorem, & hoc modo procedit semitonium Diatonicum, quo differt quarta à Ditono, aliàs quando mi acutiorem sonum occupat & fa deprimitur, tum mi & fa vocum musicalium naturam exuunt, & tantum indices sunt soni extra ordinem, acutiendi vel deprimendi. Idq; fit in Semitono Chromatico, quod reverà minus illud Semitonium est, quando ex Ditono fit Semiditonus & contra. Deinde Semitonium

nium non est saltus, sed est progressus modulationis in gradibus. Progressus enim modulationis aut in uno eodemq. loco immoratur, aut movetur de loco in locum per intervalla. Modulatio quæ in uno eodemq. loco immoratur, ἀγῶνὴ τοῦαἰα appellatur, quando uno tenore in unisono & una vocis intensione progreditur. Quæ verò movetur vel ascendendo vel descendendo, movetur, vel per gradus vel per saltus. Quæ per gradus progreditur, fit, quando modulatio per tonos & Semitonia sensim, vel ascendit, vel descendit. Quæ ascendit ἀγῶνὴ ἀβῆα appellatur, quasi deductio directa. Quæ verò descendit, vocatur à Grecis ἀγῶνὴ αἰαχάπτουσα, deductio, reflexa vel regrediens. Quæ verò per saltus progreditur modulatio, intermissis quibusdam gradibus & sonis per majora intervalla continuatur. Hac Musicis notissima sum, mirum te de hisce non inaudivisse quicquam. Vides autem Semitonia non per saltus, sed in gradibus tantum ascendere & descendere, sed ad semitonia revertamur. Semitonium Diatonicum, quod inter voces Musicales  
mi &

mi & fa ordinariè: extra ordinem verò affectus causâ, vel quoddam consonantiarum ratio hoc requirit, etiam in aliis vocibus Musicalibus habetur, ubiq; exprimitur, non tamen planè eodem modo. Integrè & in suâ verâ proportionè exprimitur ordinariè in suis vocibus musicalibus, quando occurrunt. Deinde si præscribantur signa in contextu cantilene: b rotundum & ♯ quadratum, illic enim fa, hic mi necessariò canendum est. Quando verò x cancellatum occurrit, ejusmodi laboriosâ detorsione cantûs regularis in transpositum opus non est: sed satis est, si paululum tantum vos elevetur. Nam x cancellatum locum habet tantum, quando ex Semiditono ditonus fieri debet vel contrâ, qui pro fundamento substernatur. Horû autem intervalloꝝ, ut ex sexta majoris & minoris, hæc natura est, ut totum spatiû quando sonus ex Semiditono in ditonum, aut ex Sexta minore in majorem elevatur, in universum consonet. Reliquoꝝ intervalloꝝ, ut Quinta & Octava alia est conditio, quæ si vel quartâ parte commatis, vel dimidiâ verâ suâ proportionè abierint, statim



statim dissonant : sed idem hoc loco non fit, si ex Semiditono in ditonum, aut ex sexta minore in majorem ascendas, vel contrà descendas. Planè hæc spatia, quibus distant, consona in universum sunt, & propterea latioris soni consonantie vocari possent. Hoc admonendum propter Melopæos, ne signa hæc ♯ quadratum & ✕ cancellatum, confundant. Hoc enim ubiq; in omnibus clavisbus, quando vel tertia vel sexta pro fundamento est Harmonie, locum habet : Illud verò ♯ quadratum tantum in clave regularis systematis & b transpositi collocatur, & quidem hac tantum conditione, si quinta pro fundamento subjiciatur. Oboluit quibusdam Melopæis hæc horum signorum distinctio, qui in clave b regularis systematis si characteribus opus est, semper ♯ quadratum pro ✕ cancellato signant, sed indifferenter hoc signo abutuntur, nec ad tertias vel sextas attendunt, quæ hanc violentam detorsionem non urgent, sed modicam, tantum deflexionem & elevationem soni requirunt, quæ fieri potest, etiamsi voces Musicales mi & fa non adhibeantur. Si  
verò

vero quadratum in hisce clavisibus propter quintam subiectam assignatum sit, tum cantus planè in aliud systema transponitur, & notes musicales mi & fa necessario assumenda sunt. Semitonium verò Chromaticum in modulationibus regulariter non adhibetur. Absorbum enim est intervallum, & abhorrens ab omni modulatione, ideò semitonium mutum potius dici debebat, ut cuius nullus usus est in harmonia naturali. Quaquam locus ejus esse potest, si vehementissimus aliquis affectus, aut etiam rerù interitus significetur, sed hoc sit extra ordinem, & licentiâ quâdam poëticâ. Ideò imperitissimè interdum Organicines in sua Harmonia, quæ ad delectationem tantum fit, nec vehementioribus affectibus, cum textu destituatur, indiget, Chromata hæc exprimunt, & Semitonia minora majoribus miscet, quo nihil absurdius auribus accidere potest.

Quod ad rationes attinet, quas quosdam asserre singulis pro Semitonij Diatonici in magnitudine excessu, vera ea non sunt, nec à quopiam Musico, credo, prolata: Ideò

Ideo ipse pro veris eas asferre non videris, cum dicas te divinari velle de causis huiusmodi. Crede mihi, non solum divinaris, ut tu loqueris, sed & vaticinaris & hario-laris.

Assers postea rationes pro defectu Semitonij Diatonici, binas ex Glareano, tertiam ex tuo cerebro. Prima est typus demonstrationis Glareanica, quæ per se magni momenti non est, nec enim in Mathematicis solemus autoritatibus pugnare, & præterea falsa est & quo ad nostram & quo ad veterum Musicam. Quo ad nostram, Musicam satis demonstravi & rationibus & ad auditum & ad visum Diatonicum Semitonium magnitudine excedere. Quod ad veterem, Glareanus dividit Semitonium ibi in duo diaschisinata, item communia in duo schisinata, quorum neutrum verum esse potest, cum Proportiones superparticulares nullo modo in æquales partes dividi possint. Glareanus tamen eas partes adeo firmas facere conatur, ut ausus fuerit numeros Proportionum adscribere, qui falsissimi sunt. Altera ex  
Glare-

*Glareano est, quod in Diapason inveni-  
antur quinque toni & duo Semitonia mi-  
nora. Si Glareanus loquitur de veterem  
Musica, quam illi colere sibi videbantur, non  
malè hoc asserit, nec enim difficile est demon-  
strare sex sesquioctavas superare proporti-  
onem duplam. Demonstratio enim est hu-  
jusmodi:*

	Denominator Communis.	Numerator Sesquioctavarum.	Numerator pro- portionis duplæ.
1	2.	Dupla	Proportio.
2	9.	Sesquioctava	8
1	18		16
2	162		128
3	1458		1024
4	13122		8192
5	118098		65536
6	1062882		524288
			9
			81
			729
			6561
			59049
			531441

*Si denominator sit communis in duabus vel  
pluribus proportionibus, tum ea excedit  
magnitudine, cujus numerator minor est.  
Cum igitur hic sex sesquioctava ultimo loco  
minorem habeant numeratorem, quam qui  
est in dupla proportionem, manifestum est eam  
proportionem jam majorem factam & ul-  
tra duplam excurrere. Jam verò cum pu-  
tentur*

tentur quing. sesquioctavas esse in Diapason, necesse est, ut excessus, quo sex sesquioctava duplam excedunt, ex tono subducatur & residuum in duas partes dividatur, quæ partes vocantur Semitonia minora. Excessus autem ille vocatur comma. Verum si ydem veteres putaverunt Tonos fieri & constare ex solis sesquioctavis, plurimum errarunt. Demonstrationes enim manifestissimæ evincunt, tonum non solum esse in sesquioctavâ, sed etiam in sesquinonâ proportionem, ut ita sextoni in sonis non modò Diapason non superent, sed etiam non æquent, cum ipsis desit Diesis En harmonica, ut videre est in tribus Ditonis, qui sextonos in sonis æquant, Demonstratio est hæc:


	Denominator	Numerator	Numerator
	Communis.	Ditoni.	Dupla.
2.	Dupla	Proportio	1
	5 Ditonus	4	
1	10	8	5
2	50	32	25
3	250	128	125

Tres Ditoni adhuc minores sunt, & non attingunt proportionem duplam, cum numerator Ditonorum adhuc major sit, quàm

K      numera-



numerator duplæ. Idem demonstro ad oculum in notulis hoc modo:



Septem priores notula, ut vides, distant  
tono inter se omnes, & ita duo toni juncti  
faciunt Ditonum, sex verò tonitres Dito-  
nos; qui tamen clavem dis, ex quo toni cæpti  
sunt numerari, non attingunt. Revoca tibi  
hic in memoriam quæ antea demonstra-  
vi de excessu Ditoni inter clavem & ad dis,  
videlicet quòd illud intervallum proporti-  
onem Ditoni Dieſi Enharmonicâ excedat,  
& imperfecta potius quarta vocandum  
sit, quàm Ditonus, & mecum confiteberis  
tres ditonos duplam non explere.

*Tertia sua ratio, quam demonstrationem  
vocas, puerilis error est. Mensura enim  
Proportionis dupla nec Semitonii solis, nec  
tonii solis perfici potest. Sua sibi ipsi in sua  
Proportionem mensura est, nec ullis interval-  
lis aliis subjacet. Idq; demonstratur, quod  
nulla proportio superparticularis sibi un-  
quam jungi possit, ut consonantiam faciat,  
neq;*

ce h  
iden  
son  
ficio  
qui  
au  
mo  
est  
aff  
sed  
qu  
& i  
qu  
du  
ses  
ses  
pla  
ian  
po  
&  
ne  
pla  
pr

neq; etiam Ditonus bis vel ter in sonis voce humanâ continuari potest. Quapropter idem Ditonus etiam intervallum Diapason metiri nequit. Sollicita igitur tua inquisitione, quomodo duo semitoniorum minora cum quinq; tonis Diapason complere possint, aut si non compleant, ut tibi videtur, quomodo excusari queant, planè supervacanea est, & frustra susceptus hîc puerilis labor. Atq; ita etiam tuæ demonstrationes, quas affers, non ex fundamentis extractæ sunt, sed perfectæ sunt, situis verbis in hac ipsâ questione loqui velim, ex crassiore iudicio & non limatâ ratione. Si tamen scire velis, quæ proportionibus hoc loco proportionem duplicem expleant, dicam: Sume tibi tres sesquioctavas, binas sesquinonas & binas sesquiquindecimas & habebis exactè duplicem proportionem. Sic apud veteres etiam, conjunge quinq; sesquioctavas cum proportionibus duorum semitoniorum minorum & habebis similiter proportionem duplicem, nec opus tibi erit hîc fingere defectum, qui planè nullus est. Sed tamen intervalla hæc pro mensura Octavæ haberi non possunt,

cum præter alias causas, de quibus diximus, etiam sint trium aut duorum generum, atq; hæc de hac questione.

### De questione decima septima.

An Semitonium minus rectè dividatur in naturale & fictum.

**E**xplicatâ doctrinâ Semitoniorum, in questione hac nulla est difficultas. Sensus est, an Semitonium Diatonicum, quod falsò pro minore proclamatur, duplex sit; naturale & fictum, & naturale sit, quod in quavis specie Diapason bis habetur, fictum verò quod in omnibus clavibus per signa interna provocatur. Si fictio latiore significatione usurpatur, facile hoc concedi potest. Si verò intelligatur de re, quæ non extet, & videatur tantum sic esse, tum falsa est distinctio. Reverà enim hæc semitonia in flexione Harmonia extra ordinem adhibentur, ut ad omnis generis affectus descendere possimus. Divisionis membra fortassis aliter concipi possent, ut aliud Semitonium diceretur ordinarium in vocibus Musicalibus mi. fa, aliud

*aliud extra ordinem, quod in omnibus clavis per signa Chromatica interna provocatur, quanquam hoc non semper suam legitimam proportionem explet, ut audivimus, nisi Quintam pro fundamento habeat.*

### *Quæstio decima nona.*

De septem vocibus Musicalibus, Bo,  
cc, di, ga, lo, ma, ni.

**M**E selegisti, Hippolyte Hubmeiere, in hac questione explicandâ, quem exagites & pro delectamento habeas, quod dictitarim novas voces Musicales hæc in Belgia natas. Ubi hoc quæso dictitavi? memini me semel scribere in exercitatione Musica de his vocibus musicalibus, cum de origine sex vocum Musicalium, ut, re, mi, fa, sol, la, dixissem, in hæc verba:

Satis quidem convenientes sunt hæc voces Musicales, ut, re, mi &c. & faciles, si eas cum veterum tetrachordis compares: sed tamen, quia integrum intervallum Diapason non explet, propter frequentem mutationem, ut

quæq; vox suæ clavi, cui competit, rectè applicetur, incipientibus non parum pariunt difficultatis. Cui etiam ut quidam mederentur, nuper in Belgio novas voces Musicales excogitarunt numero septem, quæ quoniam integrum Diapason explent, mutationi obnoxia non sunt: sed quotiescunq; opus est repetuntur, eademq; & in ascendendo & in descendendo permanent, & propter convenientem semivocalium & mutarum literarum in distributis syllabis consecutionem ad promptam & expeditam pronunciationem haud difficulter se offerunt. Sunt autem hæc cum Octava repetita, Bo, ce, di, ga, lo, ma, ni, bo, &c.

*Ex hisce extruis*, quòd velim artium præcepta temerè convellere, quòd hæc mea novitas, etsi periculosa non sit, tamen temeraria & odiosa: quòd morbum animi prodant, qui mutationes affectet: quòd artes pervertantur hoc modo: quòd usitata scala sit mutanda, & nescio quid aliud. *Quid, Hippolite, non licet,*



licet, quæ ad præcepta artium pertinent, tradere, quæq; discipulos instruant, si in ejusmodi homines incidant, qui hisce vocibus Musicalibus utuntur, ut sciant, nihil novi accidere: sed se etiam de ijs olim inaudivisse? Nonne pars eruditionis est, scire, quid quævis gens in quavis arte sequatur? Quid periculi inde? quod damnum infertur inde vel bonis artibus, vel studiose juventuti? Suntne heterogenea hæc in Musicis, quæ tradi non debeant? Quando volui hæc voces Musicales rejectis usitatis illis sex in scholas introducere? quando præcepta artium convulsi? Certè tibi multum summis in alienis verbis explicandis, multa mihi affingis, de quibus ne per somnium, quidem cogitavi, inq; ijs exagitandis adeò juveniliter exultas, ut novos Deos per quos jures, tibi fingere necesse fuerit. Sic enim inquis: Accidit nonnunquam, ut quem suavissimè canentem audiamus & syllabas quas usurpat, quàm appositè admodum exprimentem: quem si miratur multitudo auditorum, nunquid arti consentaneum, ut illius modus & ratio

canendi in canonem abeat? non puto per *Orlandum*. Alterum adderemus de ineptiis, quas cum videmus & audimus, mirificè iisdem delectamur. Sed cum hæc diceremus, dicerent nos sævire in Bo, ce, di, ga, lo, ma, ni. Non optimum Bo, ce, di, ga, lo, ma, ni, Non. *Nonné, Hippolyte, dum ineptias te exagitare putas, planè ad ineptias abis?* De quibus ego quidem amplius nihil dicam, tute aliquando de ijs illustrem questionem instituas, an deceant hominem Philosophum. Interim tamen cum videam eas proficisci ex ignorantia rerum Musicarum, te de hisce vocibus Musicalibus plenius erudiam, ut honestius de ijs sentire discas. Breviter igitur præcepta Musica ad hæc voces directæ, quæ incipientibus non inutiliter proponi possent, concipiam & adscribam.

Musica est ars benè canendi.

Musica partes duæ: Prior notatio: altera, cantus.

Notatio est expressio elementorum systematici



mati Musico inſcriptorum, ſonorum rationem explicantium.

Systema Muſicum eſt ſubjectum elementorum Muſicorum quinq; lineis parallelis & totidem ſpatiis conformatum. Interdum tamen ſi ambitus cantilenæ requirit, fragmentum ſextæ lineæ vel ſuperiori vel inferiori loco addi poteſt.

Elementa Muſica explicant ſonorum quantitatem, in latitudine & longitudine.

Latitudo ſonorum conſiſtit in acumine & profunditate, quam oſtendunt voces Muſicales.

Vox Muſicalis eſt certi alicujus ſoni ſymbolum. Septem autem ſunt numera; Bo, ce, di, ga, lo, ma, ni, quarum prima ſyſtemati Muſico præſcribitur per literam B, quæ tamen in acutis ſonis, in Diſcanto, ut vocant, duplex eſt, in mediis, minuscula, in gravibus, in Baſſo majuscula.



K S

Ex

Ex prima hac voce Musicali reliqua ordine per lineas & spatia numerantur, ordine enim recto ascendunt: inverso descendunt, & si necesse est, ab initio repetuntur, tam in gradibus, quam in saltu.

Gradus sunt, quando voces Musicales ordine suo progrediuntur.

Saltus sunt, quando omisissis quibusdam, vocibus sonus vel elevatur, vel deprimitur.

Notandum, si in medio cantilena h in voce ni occurrat, quod ibi sonus per semitonium deprimendus sit, & ma pro ni assumenda ~~x~~ cancellatum verò si occurrat, vocem aliquo modo elevandam monet. Sed h quadratum scribitur tantum in voce ga, quando quintam pro fundamento subiectam habet, & pro ga gis canendum, ita ut cantilena tota in Chromaticum genus degeneret.

Hæc de vocibus musicalibus. Cantori autem jam in hac novâ formâ Musices tantum laboris sumendum, ut discipulis suis hoc modo ad clavem signatam Bo, cantilenas describat, quod facillime fieri potest, si pro c regularis systematis aut pro f transpositi, live signatae sint, live non :

non, b præscribat, donec ipsi melopœi  
suas cantilenas hoc modo scribant.

*Longitudo sonorum est in duratione, quam  
ostendunt figura.*


*Figura est elementum continuationis vel so-  
ni: ut notula, vel silentij: ut Pausa.*

*Continuatio in Musicis dicitur valor.*

*Notula autem sunt vel ejusdem valoris, vel  
diversi.*

*Ejusdē valoris notula Chorales appellantur.*

*Diversi valoris notula hac sese proportionē  
consequuntur, ut in antecedente sequens  
bis contineatur, ut:*




*Non*



Non refert in hisce notulis, utrum cauda,  
sursum vel deorsum ducatur.

Valor notularum augetur dimidio, si pun-  
ctum a tergo notula appingatur, ut lon-  
ga cum puncto valet tres breves, & sic  
de reliquis.


Semibrevis colligari potest hoc modo:



Sic Brevis etiam interdum, sed absq; cauda,  
vel si tertia sit cum cauda, hoc modo:



Pause silentij indices sunt sex & cum notu-  
lis hoc modo conveniunt:



Ulorem figurarum metitur tactus.

Tactus est motus certus, qui deorsum, sur-  
sumq; movendo vel exhibetur, vel intelli-  
gitur.

Tactus est vel simplex vel Trochaicus.


Simplex tactus est, qui in duas partes aqua-  
les dividi potest, quarum prima moven-  
do deprimatur, altera elevatur.

Cha-

Character tactus simplicis est semicirculus dissectus, vel cum puncto ☉ qui in systemate praescribitur.

Notulae & equipollentes Pausa continent tactus. Maxima, octo: Longa, quatuor: Brevis, duos: Semibrevis, unum. Tactum vero unum complent minima duae; Semiminima quatuor; Fusa octo: Semifusa sedecim.

Anomalia accidit tactui, qua Syncope vocatur, qua notula indirecte ad tactum applicantur, quando ob figuram minorem praecedentem sequentes notula, una vel plures non simultactu absolvuntur, sed partibus suis ad diversas partes tactus distrahuntur, Idque, fere tantum in Semibrevis & minima, ut:



Tactus trochaicus est, qui tribus partibus aequalibus constat, quarum duae ad tactus depressionem referuntur, tertia ad elevationem.


Chara-

*Charaēter tactūs trochaici eſt Semicircu-  
lus addito numero ternario , quo tres  
ſemibreves uno tactu abſolvenda ſigni-  
ficantur.*


Hujusmodi cantilenam vel totam vel aliquam ejus partem, vocant Proportionem, quæ genere unica eſt, diverſimodè tamen à Melopœis ſcribi ſolet: aliquando enim ſcribitur per ſemibreves vel ſolas, vel brevibus mixtas, aliquando per hujusmodi notulas demigratas abſq; ullo charaētere. Interdum dimidium harum notularum ſumunt & minimas adhibent, idq; cum charaētere ſemicirculo cum numeris 3.2. & ſeſquialteram appellant. Interdum hæc abſq; charaētere denigrant, ſed hæ ſunt argutiæ Melopœorum, qui hujusmodi diverſitate incipientibus negotium faceſſunt, unicâ formâ tantum ſcribi debebat, quam primam poſui, & tripla proportio appellatur.

*Syncope hic eſt, quando Brevis deni-  
grata, vel ſemibrevis ſimplex, vel cum  
puncto*

puncto ad diversas tactus partes distrabi-  
tur, ut:



Syncope etiam est, quando post pausam  
semibreve brevis sequatur, ut Or-  
landus:



E

Tu esto nostrum gaudium.

Sunt quidam alij characteres in cantilena,  
qui magis ad cantum referuntur: ut Custos,  
qui ad finem systematis ponitur, ut sequentis  
notula situm indicet hac forma ♯

Sunt & signa repetitionis ut ab initio  $\text{|||}$

A membro finali  $\text{||}$

Vel in fuga  $\text{||}$

Secundi libri de cantu delineatio proposita  
est supra in questione decima tertia.

Atq;

Atq; hæc sunt de canendi ratione præcepta, numero pauca: intellectu facilia & usui expedita. Addendum jam aliquid de commoditatibus harum vocum Musicalium, quas Musicis exhibent, eas breviter annotabo.

Nam primò, Quanta quæso difficultas est Scalam ediscere? quanta crux figitur hic pueris Musicam discantibus. Claves si paucissimas apud veteres numeres, viginti sunt: hodiè ad 27. excreverunt, & distinguuntur apud omnes in majores, in minores & duplicatas. Syllaba seu voces Musicales singulis adduntur non numero certo, sed incertissimo. Aliæ unicam syllabam præter nativam recipiunt; aliæ binas; aliæ ternas. Si syllabas in veteri scala recenseas cum clavis simul, sexaginta duas numerabis: apud neotericos verò octoginta septem. Hæ puero ediscenda memoriter, imò apud quosdã in digitis numeranda, hæ inculcantur & verbis & verberibus, heu quoties flendo ea, quæ canendo fieri debebant, pronunciantur, nec tamen cessatur, donec hora abierit, donec Præceptor inculcando, verberandeq; discipuli



puli verò vapulando & flendo simul defefsi  
 quiescant, & ita alacriores scilicet hoc mu-  
 sices exercitio discipuli ad bonas artes dis-  
 cendas redduntur. Non mirum igitur, quòd  
 videmus plerosq; & indignamur, bonam æ-  
 tatis partem impendisse Musica & exiguum  
 tamen profecisse. Perfectos prius annis  
 quàm Musicâ. Hic contrâ nulla difficultas,  
 quæ discentes remorari possit. Septem sunt  
 voces Musicales, pronunciati faciles, ubiq;  
 eadem permanentes, nec mutationi ob-  
 noxia.

Deinde Claves signata in usitatâ Musicâ,  
 quarum quedam in suâ nativâ formâ præ-  
 scribuntur, ut g & b. quedam in assumptâ  
 & adventitiâ aliâ (ne fortasse faciliè cogno-  
 scantur) ut C & f. quid prosunt discipulo,  
 nisi quòd indicant, aliquam ex duabus, vel  
 tribus vocibus musicalibus ad hasce claves  
 adscriptis esse canendo exprimendam, cer-  
 tam tamen non definiunt, ea ratiocinanda,  
 est ex tribus Hexachordis, quas si apud Mu-  
 sicos plerosq; inspexeris, eâ perplexitate vide-  
 bis tradita, ut incertiores te dimittant,  
 quàm admiserint, nisi scias, quæ clavis uni-

tant tantum vocem Musicalem in quovis systemate habeat, ut inde descendendo vel ascendendo de certâ voce Musicali certior fiat. Prius igitur necesse est, ut puer systemata regularia & transposita cognoscat & distinguere discat, priusquam de voce certo pronunciare discat. Hic pro hisce quatuor signatis clavibus unica tantum habetur, quæ apertè suam vocem musicalem effert, & quæ deinde ubivis locorum vox sumenda sit, ordine & citra dubitationem subitò ostendit.

Tertiò, Respice paululum ad mutationum regulas, quarum quidam fertur præscripsisse quadraginta duas, te ipso teste, imò vide, quid in questione Musices quarta ipse de hisce mutationibus præceperis, quales regulas conderis, an quispiam certus de mutatione equivocâ ex illis fieri possit. Et etiam si hoc darem, cogita quanto temporis spatio opus sit, ut veram vocem Musicalem substituendam eligat. Cautus autem est in continuo motu, & interdum non tardo: sed celerissimo. Celeritate ergo opus est, quæ nullas esse potest in tot regularum consideratione.

Dum

*Item enim mens occupatur in perpenden-  
dis clavibus, in Hexachordis distinguendis,  
in voce Musicali statuenda: memoria verò  
in vocibus musicalibus repetendis: pronun-  
tiatio in sono formando, hora abit: & quan-  
do tandem in difficultate tantà conciliabi-  
tur habitus? Hæ difficultates hic omnes re-  
mota sunt, cum planè nulla incidat varia-  
tio. Raselius, quem ut optimum nostri tem-  
poris Musicum sæpius citas, tredecim pagi-  
nas complevit in docendis clavibus & voci-  
bus musicalibus, Hexachordis & mutati-  
onibus: hic vel septem lineis tota doctrina  
absolvi potest.*

*Quarò, Systema regulare & transposi-  
tum, siue, ut tu vocas, Hexachordum durum  
& molle plurimum turbat in Musicis, adeò,  
ut etiamsi puer assuesfactus sit, ut non dif-  
ficulter regularem cantum per voces musi-  
cales moduletur, si ad transpositum tamen  
admoveatur, planè obmutescit. Id sit  
propterea quia clavibus planè diversa fe-  
rè voces musicales ab his, quæ in regu-  
lari fuerunt, hic attribuuntur, ut vides in  
typo.*

In regulari systemate.

In transposito systemate.

b	mi	b	fa
A	la re	A	la mi
G	sol ut	G	sol re
F	fa ut	F	fa ut
E	la mi	E	mi
D	sol re	D	la re
C	fa ut	C	sol ut

Haec diversitates hic planè amoventur, distinguunturq; cantus regularis & transpositi, ut supervacanea tollitur, & unum idemq; systematis genus tantum, quod omnibus cantilenis aptum sit, substituitur.

Quintò, quod ad interna signa attinet b rotundum & h quadratum, ea etiam propter usitatas voces Musicales diversis clavis, pro diverso systematis genere, applicantur. b locum habet in regulari systemate in clave h. in transposito in clave c. utrobique mi in fa mutat. Contrà in hisce vocibus idem b tantum in syllaba ni invenitur, pro qua assumendam fa monet, sic h quadratum, quod usurpatur, si quinta profundamento substituatur in regulari systemate n clave f habetur, in transposito in b. & fa in mi

mi violenter mutat. Hic tantum syllaba ga  
in gis eodem signo transit & gemina distin-  
ctio simplici assertione aufertur.

Sexto, intervallorum ratio in usitatis vo-  
cibus Musicalibus per substitutionem alia-  
rum vocum sæpè turbatur, & distantia eo-  
rundem propter voces immutatas auditui  
inter modulandum manifesta esse non pot-  
est, nisi exercitato Musico, & nisi intervalla,  
illa ad oculum in systemate præscribantur.  
Deinde positus Semitonij in vulgatis voci-  
bus sæpè ignoratur propter substitutionem,  
alterius vocis, qua certam semitonij sedem,  
indicare non potest. Exempli gratiâ: Sume  
la descendendo, dubium erit, an semitonium  
semiditono in acutum versus absit & can-  
tatum sit, fa, mi, la, descendendo, vel an tan-  
tùm semitonio & cantatum sit, fa, la, atq;  
ita in cæteris. Turbatis autem hoc modo in-  
tervallis, & inprimis turbato semitonij loco,  
non solum omne intervallum destruitur, sed  
Harmonia planè evertitur, nec plures in  
Musica exercenda errores a canentibus com-  
mittuntur, præterquam hac ratione. In  
hijce autem vocibus Musicalibus ratio in-



tervalloꝝ, ut semel mente concepta est, perpetuò retinetur, Semitonia etiam suis locis non moventur: sed semper eodem in loco persistunt, permanent, & exprimuntur. Multum igitur & hac ratione usitatis sunt praeferenda.

Septimò, Profunt haec voces Musicales magnoperè ad modorum Musicorum facilem cognitionem. Fuerunt enim, qui claves Modorum finales usitatis vocibus Musicalibus designare voluerunt, quorum & tu mentionem facis. Sed ij frustra sunt, propterea, quòd trium generum finguntur Hexachorda Musica, Durum, molle, permanens, quibus voces Musicales non solum tripliciter variantur, sed planè propter crebram mutationem & equivocam substitutionem confunduntur. Vulgò statuitur modos ex clavibus rectè cognosci posse, quod quidem non nego, sed id ipsum cum difficultate quadam conjunctum est, cum & hoc modo propter bina systematum genera dupliciter variantur. Possum quidem verè dicere in systemate regulari, quod Hexachordum durum appellas, quod Ionicus Modus oriatur ex ea spe-

cie

cie Diapason, qua continetur ex clave C ad c. & cum Hypoionico suo finiatur in c. Sic quod Dorius & Hypodorius finiantur in d. Phrygius & Hypophrygius in e. & uadeinceps. Sed in transposito systemate quod Hexachordum molle vocas, hac ratio vacillat, & Ionicus formatur ex eâ specie Diapason, qua est ex clave F ad f. & cum suo Hypoionico in clave f. finitur. Sic Dorius & Hypodorius finiunt in G, Phrygius & Hypophrygius in a & c. atque ita planè à suis clavibus, quas in regulari systemate observarunt, discedunt. Contra in vocibus Musicalibus Bo, ce, di, ga, lo, ma, ni, semper absq; ullâ mutatione, nisi cantilena irregulariter finiatur, quod rarissimè fit, Ionico & Hypoionico finem præbet vox Musicalis Bo, Dorio & Hypodorio ce, Phrygio & Hypophrygio Di, Lydio & Hypolydio Ga, Mixolydio & Hypomixolydio Lo, Aeolio & Hypoæolio ma. Syllaba ni modum efformare non potest in figuratâ Musicâ, propter vitiosa intervalla, tritonum & Semidiapente

*intervenientia : in choralī tamen forma si  
ars adhibeatur , non difficulter modulatio  
ad hanc vocem institui potest.*

*Atq; hæ sunt insignes commoditates,  
quas in Musica exercenda præbent hæ voces  
Musicales, quas si considerasses, nunquam,  
Hippolyte, eò devenisses ut re incognitâ ju-  
diciū adeò præcipitares, nugas ageres, &  
ineptissimè syllabas do, de, di, da, so, la &c.  
hiscæ vocibus musicalibus equiparares, in-  
quæ re certè eruditis ludibrium debes. Spero  
te aliter de ijs pronunciaturum. Dicere ta-  
men posses, si clavium septem Musicalium,  
tanta est utilitas, cur non retinentur usita-  
tæ sex voces Musicales, quibus septimo loco  
addatur Syllaba si, vel bi, quæ idem præstare  
posset. Respondeo, nihil quidem interesse  
ad cantum, utrum hæ, an illæ præferantur,  
nostrâ tamen interesse al quo modo. Nam  
regule illi Musicæ quod voces Musicales aliæ  
sint superiores, la, sol, fa: aliæ inferiores, ut,  
re, mi, quarum illæ usum habent quando  
cantus descendit, hæ, quando ascendit, adeò  
assuevimus, ut vix eam dediscere posse vide-  
amur, quod periculum hujus rei facienti ma-  
nifestis-*

simum erit. Deinde prima vox Musicalis ut, systemati eadem facilitate, quâ Bo præscribi non potest, & tertio duriusculè usitata voces, si celeriter sint efferenda, pronunciantur. Organice etiam non habent, quod de hac mutatione conqueri possint: retineant suas claves, quibus assueti sunt, quemadmodum Citharædi & alij suas peculiare notas habent cantilena scribenda, aut si volent, hisce etiam assuescant.

### De questione vicesimâ & vicesimâ primâ.

De definitione & distributione  
Musices.

**H**æ questiones non eam ob causam propositæ sunt, credo, quod ambiguitatem magnam habere videantur. Nam cum supra de genere Musices, an sit ars vel scientia disputatum sit, amplius non magnopere quid in definitione controversari potest. Sic de distributione ferè consentiunt omnes, quod Musica in Theoricam dividatur & practicam, Practicam verò in Notationem & Mo-

L S

dula-

dulationem, sub qua poetica comprehenditur, ita ut hic etiam non multum controversia inesse videatur. Quanquam tamen mellem Melopœiam ad partem Theorica Musica aliquo modo referri, propterea quòd, quæ de consecutione consonantiarum traduntur, in qua re tota μελοποιητικὴν ferè consistit, ea tantum ex proportionum doctrinâ petenda sunt, quæ sola vel naturalem, vel praternaturalem, unde omnis affectuum ratio ducitur, consecutionem ostendit, non ut hactenus factum est, ex sententiâ hominum, fundamentorum Musices planè imperitorum, qui tantum ex sensu de hisce rebus statuere voluerunt. Gemini enim Musicarum rerum iudices meritò habentur, Ratio scilicet & auditus, quorum consensu, quicquid in Musica certum esse debet, meritò definitur. Propositæ igitur hæc quæstiones tantummodò videntur, ut præberent occasionem exagitandi alium quendam, quem, tamen exagites, cum suo nomine non appelles, non satis scio, imò & de me ipso, an non me petas, securus non sum. Et si enim mihi conscius non sum, aliquid vel  
do



de definitione Musices vel de divisione ejus  
pronunciaſſe & ſcripſiſſe eorum, qua re-  
prehendis; tamen cum ſuperiori quaſtione  
adeò me traduxeris, nescio an non & hac,  
quaſi à me proſecta ſint, publicè proponere,  
& ita meam famam ledere volueris.

Quem enim alium, quàm de quo in prae-  
cedentibus dictum eſt, qui ſtudio Musices  
adductus hac legit, ſubſtituere poteſt? In  
quâ re, ſi hoc modo famam meam arroderet  
voluiſti, certè maxima à te mihi fit inju-  
ria, atq; adeò tanta, ut nesciam an à nul-  
lo mihi major inferri poſſit. Neminem  
unquam, qui de Muſicis aliquid ſcripſit,  
aſperius appellavi, neq; tu Hippolyte, teſtor  
Deum, vel nominetenus antea unquam  
mihi innotuiſti, tantum abeſt, ut te vel ver-  
bo laderem vel provocarem. Satis habeo ali-  
as eorum, cum quibus provocatus certare  
mihi neceſſe eſt, quibus tamen, ne veritatis  
patricinio deeſſem, ut reſpondere poſſem,  
dedi huc uſq; operam, doq; jam. Interim  
tamen non poſſum non hoc monere, te aſpe-  
rius illum, quàm par eſt, appellare, qui-  
cunq;

cung, etiam sit, qui Musices partem elementarem, quam ego notationem malo, signatoriam dixit. Quid enim in hac re magnopere peccare potuit, si ex parte aliquâ elementaris Musice totam illam ita dixit? certe ipse in disputatione quartâ primâ decadis hujus nominis causam præbere potuisses, quando sic inquis: Signatas appellant eas, quæ in principio systematis in linea cuiusvis cantionis Signantur & videntur ita dictæ ab officio, quod est, ut cantum Signent, & Signando quasi aperiant, &c. En in quatuor lineis quater hæc elementa quasi signa vocas. Quis non jure tecum idem faciat, & elementarem Musicam signatoriam vocet? Causam quidem hanc non meam facio, hoc tantum dico, non meruisse, ut eum propterea adeo acerbè insectatus sis. Satiùs fuisset in id operam dare, ut in rebus consentiamus, quàm ut de verbis digladiemur, istud humanum est, & humanitatis studia idem requirunt.

Deinde impotentiam animi tui quodammodo produs, quando in hæc verba erumpis: Iudicamus satius fuisse, veterum caligas

calig  
quid  
verba  
eos, q  
onum  
tuliss  
hoc n  
& ob  
iam i  
esse p  
one M  
floru  
num  
étrin  
guis  
in co  
signa  
maje  
felli  
ris p  
latio  
port  
onis  
nes,  
nula

caligas prius didicisse solvere : quàm  
 quid oleant, pronunciaſſe. *Quid hac tua  
 verba ſapiant, ipſe cognoſce.* *Taxas autem  
 eos, qui dicunt : Veteres quosdam Proporti-  
 onum doctrinam ad tactum imperitè tranſ-  
 tuliffe, idq; non ſine Muſices detrimento, quæ  
 hoc modo multis difficultatibus implicata,  
 & obſcurata eſt.* *Audi Hippolyte, ego et-  
 iam me in horum numero, qui ſic cenſent,  
 eſſe profiteor, ſic enim ſcripſi in exercitati-  
 one Muſicâ alterâ circa finem.* Qui poſt  
 floruerunt Muſici, ( hoc eſt, poſt an-  
 num Chriſti 1320. uſq; ad cœleſtis do-  
 ctrinæ, unâ cum bonis artibus & lin-  
 guis repurgationem ) ferè toti fuerunt  
 in eo, ut non tantum diverſiſſima illa  
 ſigna ( puta Modi majoris perfecti, modi  
 majoris imperfecti; modi minoris per-  
 feſti, modi minoris imperfecti; tempo-  
 ris perfecti; temporis imperfecti; pro-  
 lationis; puncti diſiſionis, puncti tranſ-  
 portationis; imperfectionis; alterati-  
 onis; diminutionis &c. ) & proportio-  
 nes, quibus & figurarum quantitas in-  
 numeris modis variatur, & tactus in di-  
 verſas

versas partes discerpitur, explicarent : sed etiam novis figmentis augerent, & scriptis libris inculcarent & propugnarent. Ut enim quisq; ingenio præcellere sibi videbatur : ita novum quid & aliis incognitum, aut inusitatum excogitare, & suis discipulis præcipere voluit : Vnde factum, ut cum alii aliorum inventis contradicerent, contraversiæ plurimæ in Musicis moverentur, de quibus dum digladiantur, plurima inutilia juxtâ & difficilia Musicis præceptis inserta sunt, quibus & ingenia discipulorum fuerunt conturbata, & impedita, ac verus Musici usus neglectus.

Cæterùm proportionibus quibus tactus diversimodè variantur, ex falsa persuasione in hanc partem Musices irrepsisse videntur. Nam cum scirent illius ætatis Musici, hanc artem ad Mathematica, & quidem ad eam partem pertinere, quares non simpliciter considerantur, sed quatenus ad alias habent respectum, id autem absq; proportionibus fieri non possit ; falso Proportionum doctrina-

doctrinam, quibus sonos formare, comparare, distinguere & dijudicare debebant, ad tactûs applicationem transtulerunt. Franchinus Musicus, qui tantum necessaria & ad Musicam pertinentia se traditurum pollicetur, species ex omnium proportionum generibus selectas, & in tactu exercendo usurpatas recenset septuaginta novem, cum alii plures tradant. Ex quibus procul dubio tanta in applicatione tactûs diversitas, obscuritas, difficultas, & partium tactûs dilaceratio orta, tradita & inculta fuit, ut posteritas vix creditura videatur.

*Quid reprehendis in hisce, Hippolyte? Negas ne veteres hujusmodi Musicas proportionales ad tactum retulisse? At extat Practica Musica Franchini, in qua totus quarens liber in hisce proportionibus tradendis consumitur, & quidem proportionum genera non sunt septuaginta novem, ut scripsi, sed octuaginta octo, ut jam recensui, & singula proportionales singulis exemplis binarum, interdum trium vocum declarantur. An verò putas*



putas hac in Musica tolerari posse? Si tecum loqui vellem, dicerem, Non per Orlandum, tantum enim duo genera tactus haberi possunt; Simplex & Trochaicus; Quâ ratione igitur fingi possunt octoginta, octo genera. Perscrutatus ego sum veterum scripta, si idem fecisses, puderet te profectò tuarum illustrium questionum in Musicis. De ceteris quidem tuis questionibus in aliis artibus nihil dico. At si reprehendere ea, quæ certâ veritatis demonstratione in Musicis convelluntur, est pronunciare, ut tecum loquar, quid oleant veterum caligæ, priusquam didiceris ligulas eas solvere: ne tu temerè de multis pronuncias, quas nunquam solvisti, quemadmodum hæcenus demonstravi.

Unum adhuc quero, quæ te impulerit causa cur me & alios in Musicis exagitare volueris? A me nunquam laesus fuisti, nec, credo, ab alio quopiam: Nec video te à Musicarum rerum scientiâ magnoperè instructum, quâ ad insectandum me & alios impelli potuisses. Nec natura tua est, quantum in reliquis questionibus perspicio, ut ad

ut ad singularia in personis descendas. Quid  
 causæ igitur dicam, cur in me atq; alios in-  
 volare volueris? Tu certius respondere pos-  
 ses: Ego hariolabor. Sin est, ut de te audio, te  
 in conversatione bonum, & in amicis colen-  
 dis officiosum esse, suspicor quendam hac tuâ  
 bonitate & officij promittitudine abusum, &  
 te in me & alios, quos fortassis odio habet, in-  
 incitasse, tibiq; persuasisse, te eâ Musices  
 scientiâ, & disputationum solertiâ instru-  
 ctum esse, ut & hac & alia plura præ omni-  
 bus aliis præstare possis, nec quenquam futu-  
 rum, qui contra hiscere ausit &c. Hoc si  
 ita est, certè malè consulisti existimationi  
 tuæ, dum alienas iras publicè exercere  
 conaris, & quidem eas injustas, ex invidia  
 conceptas, & hominis fortassis privati.  
 Cogita quanto honestiori loco sint futu-  
 ri ministri publici, qui Magistratûs sui  
 iras exercent, & quidem eas justas, lege  
 præscriptas & à Deo mandatas. Sed no-  
 lo hac amplius persequi, finem facio, &  
 si quid in hac exercitatione scripsi, quæ stu-  
 diosis Musices prodesse videbuntur, quem-

M

adma-

admodum spero, tibi ut acceptum ferant,  
moneo, qui me ad hæc scribenda incitave-  
ris, quibus post aliquot annos demum,  
cùm jam alia urgeant, tempus destina-  
ram. Vale. 9. Calend. Junij

Anno 1611.



EX LIBRIS  
MUSEI  
HISTORICIS  
CIVICIS  
MAGNIFICENTIA

Quoniam

**Q**uoniam, Clarissime Hubmeiere, multus videri possum in hac exercitatione, de Proportionibus Musicis asserendis, quibus omnis consonantia & dissonantia, dijudicatur; Et verò hæc pagellæ alias vacant, placet iudicium Severini Boëthii de Musico, quis ita dici possit, quod extat libro primo sue Musicae cap. ultimo, adscribere, ut studiosi Musices sciant totam Musicam consistere in cognitione proportionum, Musicarum, & tanti viri sententiâ excitentur ad fundamenta hujus artis diligentius perscrutanda, & ad informandum, iudicium de appellatione Musici, quis potissimum eo nomine dignus haberi possit. Hac igitur sunt verba Boëthii:



**N**Vnc illud est intuendum, quòd  
 omnis ars, omnisq; etiam disci-  
 plina honorabiliorem naturaliter ha-  
 beat rationem, quàm artificium, quod  
 manu atq; opere artificis exercetur.  
 Multò enim est majus atq; altius scire,  
 quod quisq; faciat, quàm ipsum illud ef-  
 ficere, quod sciat. Etenim artificium  
 corporale quasi serviens famulatur: ra-  
 tio verò quasi Domina imperat, & nisi  
 manus secundum id, quod ratio sancit,  
 efficiat, frustra est. Quàntò igitur præ-  
 clarior est scientia Musicæ in cogniti-  
 one rationis, quàm in opere efficiendi,  
 atq; actu? Tantò scilicet, quantum cor-  
 pus mente superatur, quod rationis ex-  
 pers servitio degit: illa verò imperat,  
 atq; ad rectum deducit, quod nisi pare-  
 at ejus imperio, expers rationis opus  
 titubabit. Vnde fit, ut speculatio ratio-  
 nis operandi actu non egeat: manuum  
 verò opera nulla sint, nisi ratione du-  
 cantur. Iam verò, quanta sit gloria, me-  
 ritumq; rationis, hinc intelligi potest,  
 quòd cæteri, ut ita dicam, corporales  
 artifices



artifices non ex disciplina; sed ex ipſis  
 potiùs instrumentis cœpere vocabula.  
 Nam Citharœdus ex Citharâ, vel tibi-  
 cen ex tibiâ, cæteriſq; ſuorum instru-  
 mentorum vocabulis nuncupantur. Is  
 verò eſt *Muſicus*, qui ratione perpensâ  
 canendi ſcientiam, non ſervitio operis;  
 ſed imperio ſpeculationis aſſumit. Idem  
 in ædificiorum bellorumq; operâ vide-  
 mus & in contraria ſcilicet nuncupati-  
 one vocabuli. Eorum namq; nomini-  
 bus vel ædificia inſcribuntur, vel ducun-  
 tur Triumphi, quorum imperio & rati-  
 one inſtituta ſunt, non quorum opere,  
 ſervitioq; perfectâ. Tria igitur ſunt ge-  
 nera, quæ circa artem Muſicam verſan-  
 tur, unum genus eſt, quod instrumentis  
 agitur; aliud fingit carmina; tertium,  
 quod instrumentorum opus, carmenq;  
 dijudicat. Et illud quidem, quod in in-  
 ſtrumentis poſitum eſt, ibiq; tantum o-  
 peram conſumit, ut ſunt Citharœdi,  
 quiq; organo, cæteriſq; Muſicæ instru-  
 mentis artificio probant, à Muſicæ  
 ſcientiæ intellectu ſejuncti ſunt, quoni-

am famulantur, ut dictum est, nec quicquam afferunt rationis, sed sunt totius speculationis expertes. Secundum verò juxta Musicam agentium, est genus Poëtarum, quod non potius speculatione ac ratione, quàm naturali quodam instinctu fertur ad carmen, atq; idcirco hoc quoq; genus à Musicâ segregandum est. Tertium est quod judicandi peritiam sumit, ut rythmos, cantilenas, carmenq; possit perpendere. Quod scilicet, cum totum in ratione ac speculatione positum sit, propriè Musicæ deputabitur. Isq; *Musicus* est, cui adest facultas secundam speculationem, rationemq; propositam, ac Musicæ convenientem, de modis ac rythmis, deq; generibus cantilenarum, ac de permixionibus, ac de omnibus, de quibus posterius explicandū est, ut de sonis, de consonantiis, earumq; proportionibus &c. ac de Poëtarum carminibus, judicandi.

OTHEA F I N I S.  
 GELL.  
 2000

Mercurius Trismegis-  
thy in Asclepio


Musica vero nosse  
nihil aliud est. nisi  
cunctarum rerum ordinem  
scire, quid sit divina  
ratio portita. Ordo e-  
nim rerum singularium  
in unum omnium artifi-  
catione collatus concen-  
tum quendam melle divi-  
no dulcissimum, versum  
q3 conficit.


Handwritten text in a cursive script, likely a historical document or letter. The text is written in dark ink on aged, slightly discolored paper. The script is dense and flowing, characteristic of early modern handwriting. The text is arranged in approximately 12 lines, with some lines being longer than others. The ink shows some fading and bleed-through from the reverse side of the page.















duncindipona est illa <sup>testis</sup> ~~novitas~~ <sup>que</sup> ~~est~~ <sup>est</sup>  
 de clasissis cap 44

Quidemque vias glaucas et parentibus  
notas in generatione sua maxime  
regis, adit in portibus  
regibus, in domibus, et in  
viciis carminibus, fignamentis



10  
Mi et Fa si recte distin-  
guimus sunt tota Musica  
folio. 22.

in eade SS<sup>ni</sup> Ladislai regis  
commisit mihi quidam abbas in ultima  
expugnacione Magyethoricensi auditus fuisse  
cantus dulcissimi glorie in templo B<sup>ne</sup> Virginis  
illius Sepandre quod olim cantabatur in Assum-  
ptione B<sup>ne</sup> Mari<sup>e</sup> Virginis longaudet Angeli  
chori gloriosi virginis tanto quidem sunt  
angelorum <sup>numerus</sup> ~~quantitas~~ cetero cetero  
bo chori cantores affluentes memoraverunt  
hor. precebat a usque in usum fin-  
gionem precebat in depressam in cal-  
tu Virginis gloriose quod deus per h<sup>oc</sup> pro-  
phetas precebat Beatorum me dicent in  
generationes.

AMICVS.

ANONYMVS

MVSICA.

CALIVS.

Lambi.

Exiit expositio eorum de MVSICA.

In vobis AMICVS et CALIVS.

scribitur hoc per Petrum.